



PENYATA RASMI
OFFICIAL REPORT

DEWAN RAKYAT
HOUSE OF REPRESENTATIVES

PARLIMEN KETIGA
Third Parliament

PENGGAL PARLIMEN KETIGA
Third Session

KANDUNGANNYA

JAWAPAN-JAWAPAN MULUT BAGI PERTANYAAN-PERTANYAAN [Ruangan 5289]

RANG UNDANG-UNDANG:

Rang Undang-undang Perbekalan, 1974:

Jawatankuasa—

Jadual—

Kepala B. 14 [Ruangan 5322]

Kepala B. 15 [Ruangan 5370]

USUL:

Anggaran Pembangunan, 1974:

Jawatankuasa—

Kepala P. 14 [Ruangan 5322]

Kepala P. 15 [Ruangan 5370]

MALAYSIA

DEWAN RAKYAT YANG KETIGA

Penyata Rasmi

PENGGAL YANG KETIGA

Hari Isnin, 7hb Januari, 1974

Mesyuarat dimulakan pada pukul 2.30 petang

YANG HADIR :

- Yang Berhormat Tuan Yang di-Pertua, TAN SRI DATUK CHIK MOHAMED YUSUF BIN SHEIKH ABDUL RAHMAN, P.M.N., S.P.M.P., J.P., Datuk Bendahara Perak.
- Yang Amat Berhormat Perdana Menteri dan Menteri Luar Negeri, TUN HAJI ABDUL RAZAK BIN DATUK HUSSEIN, S.M.N., K.O.M. (Pekan).
- ” Timbalan Perdana Menteri dan Menteri Perdagangan dan Perindustrian, DATUK HUSSEIN BIN DATUK ONN, S.P.M.J., P.I.S. (Johor Bahru Timur).
- Yang Berhormat Menteri Perhubungan, TAN SRI HAJI SARDON BIN HAJI JUBIR, P.M.N., S.P.M.K., S.P.M.J. (Pontian Utara).
- ” Menteri Hal Ehwal Sarawak, TAN SRI TEMENGGONG JUGAH ANAK BARIENG, P.M.N., P.D.K., P.N.B.S. (Ulu Rajang).
- ” Menteri Buruh dan Tenaga Rakyat, TAN SRI V. MANICKAVASAGAM, P.M.N., S.P.M.S., J.M.N., P.J.K. (Kelang).
- ” Menteri Pembangunan Ekonomi Desa, TUAN ABDUL GHAFAR BIN BABA (Melaka Utara).
- ” Menteri Kerja Raya dan Tenaga, DATUK HAJI ABDUL GHANI GILONG, P.D.K., J.P. (Kinabalu).
- ” Menteri Kesihatan, TAN SRI LEE SIOK YEW, P.M.N., A.M.N., P.J.K. (Sepang).
- ” Menteri Kemajuan Tanah dan Menteri Tugas-tugas Khas, DATUK HAJI MOHAMED ASRI BIN HAJI MUDA, S.P.M.K. (Kota Bharu Hulu).
- ” Menteri Hal Ehwal Dalam Negeri, TAN SRI HAJI MUHAMMAD GHAZALI BIN SHAFIE, P.M.N., D.I.M.P., P.D.K. (Lipis).
- ” Menteri Kerajaan Tempatan dan Perumahan, DATUK ONG KEE HUI, P.N.B.S. (Bandar Kuching).
- ” Menteri Teknologi, Penyelidikan dan Penyelarasan Kampung-kampung Baru, DATUK LEE SAN CHOON, S.P.M.J., K.M.N. (Segamat Selatan).
- ” Menteri Kebudayaan, Belia dan Sukan, DATUK ALI BIN HAJI AHMAD, S.P.M.J., S.M.J. (Pontian Selatan).
- ” Menteri Penerangan dan Menteri Tugas-tugas Khas, Y.M. TENGKU AHMAD RITHAUDEEN AL-HAJ BIN TENGKU ISMAIL, P.M.K. (Kota Bharu Hilir).
- ” Menteri Pelajaran, TUAN HAJI MOHAMED BIN YAACOB, P.M.K., S.M.K. (Tanah Merah).

- Yang Berhormat Menteri Tugas-tugas Khas, TUAN MICHAEL CHEN WING SUM (Ulu Selangor).
- „ Timbalan Menteri Hal Ehwal Dalam Negeri, DATUK ABDUL SAMAD BIN IDRIS, J.M.N., A.M.N., P.J.K. (Kuala Pilah).
- „ Timbalan Menteri Perdagangan dan Perindustrian, DATUK MUSA HITAM, S.P.M.J. (Segamat Utara).
- „ Timbalan Menteri Penerangan, TUAN SHARIEF AHMAD (Langat).
- „ Timbalan Menteri Jabatan Perdana Menteri, DATUK HAJI WAN ABDUL KADIR BIN ISMAIL, D.P.M.T., P.P.T. (Kuala Trengganu Utara).
- „ Timbalan Menteri Kewangan, DATUK MOHAMED BIN RAHMAT, D.P.M.J., K.M.N. (Johor Bahru Barat).
- „ Timbalan Menteri Perusahaan Utama, TUAN HAJI YUSOF BIN HAJI ABDULLAH *alias* HAJI YUSOF RAWA (Kota Star Selatan).
- „ Setiausaha Parlimen kepada Menteri Buruh dan Tenaga Rakyat, TUAN HAJI RAMLI BIN OMAR, K.M.N., P.M.P. (Krian Darat).
- „ Setiausaha Parlimen kepada Menteri Kebudayaan, Belia dan Sukan, TUAN MOKHTAR BIN HAJI HASHIM (Rembau-Tampin).
- „ Tuan (Timbalan) Yang di-Pertua, TAN SRI HAJI NIK AHMED KAMIL, D.K., P.M.N., S.P.M.K., S.J.M.K. (Ulu Kelantan).
- „ NIK ABDUL AZIZ BIN NIK MAT, J.P. (Kelantan Hilir).
- „ DATUK DR HAJI ABDUL AZIZ BIN OMAR, D.J.M.K., J.M.N., J.M.K., S.M.K. (Tumpat).
- „ DATUK HAJI ABDUL-RAHMAN BIN YA'KUB, P.N.B.S. (Payang).
- „ TUAN ABDUL RAHMAN BIN SBRI (Johor Timur).
- „ TUAN HAJI ABDUL WAHAB BIN YUNUS (Dungun).
- „ PENGHULU ABIT ANAK ANGKIN, P.P.N. (Kapit).
- „ TUAN ABU BAKAR BIN UMAR (Kubang Pasu Barat).
- „ TUAN HAJI AHMAD BIN ARSHAD, A.M.N. (Muar Utara).
- „ TUAN AHMAD BIN HAJI ITHNIN (Melaka Selatan).
- „ TUAN HAJI AHMAD BIN SA'ID, J.P. (Seberang Utara).
- „ PUAN BIBI AISHAH BINTI HAMID DON, A.M.N., P.J.K. (Kulim Utara).
- „ TUAN AZAHARI BIN MOHD. TAIB, S.M.K., J.S.M., A.M.N., J.P. (Sungai Patani).
- „ DATUK PENGARAH BANYANG ANAK JANTING, Q.M.C., P.N.B.S., P.B.S. (Julau).
- „ TUAN BOJENG BIN ANDOT (Simunjan).
- „ TUAN BUJA GUMBILAI (Tuaran).
- „ AWANG BUNGSU BIN ABDULLAH (Limbang-Lawas).
- „ TUAN HAJI AWANG WAL BIN AWANG ABU (Santubong).
- „ TUAN CHAN FU KING (Telok Anson).
- „ TUAN CHAN SIANG SUN, A.M.N., P.J.K., J.P. (Bentong).
- „ TUAN CHAN YOON ONN, A.M.P. (Ulu Kita).

- Yang Berhormat TUAN CHEN KO MING, A.M.N., P.B.S. (Sarikei).
- „ DR CHEN MAN HIN (Seremban Timur).
- „ DR CHU CHEE PENG (Kluang Selatan).
- „ TUAN VALENTINE COTTER *alias* JOSEPH VALENTINE COTTER (Bau-Lundu).
- „ TUAN V. DAVID (Dato Kramat).
- „ TUAN EDWIN ANAK TANGKUN, A.B.S. (Batang-Lupar).
- „ TUAN FAN YEW TENG (Kampar).
- „ TAN SRI FATIMAH BINTI HAJI HASHIM, P.M.N. (Jitra-Padang Terap).
- „ TUAN THOMAS SELVARAJ GABRIEL (Pulau Pinang Selatan).
- „ TUAN GOH HOCK GUAN (Bungsar).
- „ TUAN HANAFIAH HUSSAIN, A.M.N. (Jerai).
- „ TUAN HASHIM BIN GERA (Parit).
- „ Tuan HOR CHEOK FOON (Damansara).
- „ TAN SRI SYED JAAFAR BIN HASAN ALBAR, P.M.N. (Johor Tenggara).
- „ DATUK KHOO PENG LOONG, P.N.B.S. (Bandar Sibu).
- „ TUAN EDMUND LANGGU ANAK SAGA, P.B.S. (Saratok).
- „ TUAN LATIP BIN HAJI DRIS (Mukah).
- „ TUAN LEE SECK FUN, K.M.N. (Tanjong Malim).
- „ TUAN LIM CHO HOCK (Batu Gajah).
- „ TUAN LIM KIT SIANG (Bandar Melaka).
- „ TUAN LIM PEE HUNG, P.J.K. (Alor Star).
- „ TUAN LOH JEE MEE (Batang Padang).
- „ TUAN WALTER LOH POH KHAN (Setapak).
- „ TUAN ANDREW MARA ANAK WALTER UNJAH (Betong).
- „ TUAN HAJI MAWARDI BIN LEBAI TEH (Kota Star Utara).
- „ DR MOHAMED BIN TAIB, P.M.K., P.J.K. (Kuantan).
- „ TUAN MOHD. DAUD BIN ABDUL SAMAD (Kuala Trengganu Selatan).
- „ TUAN MOHD. NOR BIN MD. DAHAN, A.M.N., J.P. (Ulu Perak).
- „ TUAN MOHD. TAHIR BIN ABDUL MAJID, S.M.S., P.J.K. (Kuala Langat).
- „ TUAN HAJI MOHAMED YUSOF BIN MAHMUD, A.M.N. (Temerloh).
- „ TUAN HAJI MOHD. ZAIN BIN ABDULLAH (Bachok).
- „ WAN MOKHTAR BIN AHMAD, P.J.K. (Kemaman).
- „ TUAN HAJI MOKHTAR BIN HAJI ISMAIL, J.S.M. (Perlis Selatan).
- „ TUAN MUHAMMAD FAKHRUDDIN BIN HAJI ABDULLAH, J.P. (Pasir Mas Hilir).
- „ TAN SRI SYED NASIR BIN ISMAIL, P.M.N., J.M.N., D.P.M.J., P.I.S. (Muar Dalam).
- „ TUAN NG HOE HUN (Larut Selatan).

Yang Berhormat RAJA NONG CHIK BIN RAJA ISHAK, S.M.S., P.J.K. (Kuala Selangor).

- „ PENGARAH RAHUN ANAK DEBAK (Serian).
- „ TUAN SEAH TENG NGIAB, S.M.J., P.I.S. (Muar Pantai).
- „ DR S. SEEVARATNAM, P.J.K. (Seremban Barat).
- „ DATUK SENU BIN ABDUL RAHMAN, P.D.K. (Kuala Kedah).
- „ TUAN HAJI SHAFIE BIN ABDULLAH, A.M.N., B.C.K. (Baling).
- „ TUAN SOH AH TECK, A.M.N. (Batu Pahat).
- „ DR A. SOORIAN (Port Dickson).
- „ TUAN SU LIANG YU (Bruas).
- „ TUAN SULAIMAN BIN BULON, P.J.K. (Bagan Datoh).
- „ WAN SULAIMAN BIN HAJI IBRAHIM, S.M.K. (Pasir Puteh).
- „ TUAN SULAIMAN BIN HAJI TAIB (Krian Laut).
- „ TUAN TAI KUAN YANG, A.M.N., P.J.K. (Kulim-Bandar Bharu).
- „ DATUK TAJUDIN BIN ALI, D.P.M.P., P.J.K. (Larut Utara).
- „ DR TAN CHEE KHOON (Batu).
- „ TUAN TAN CHENG BEE, A.M.N., J.P. (Bagan).
- „ TUAN TIAH ENG BEE, P.I.S. (Kluang Utara).
- „ TUAN JAMES STEPHEN TIBOK, A.D.K. (Penampang).
- „ TUAN TING MING KIONG (Bintulu).
- „ TUAN JOSEPH UNTING ANAK UMANG (Kanowit).
- „ TUAN V. VEERAPPEN (Seberang Selatan).
- „ TUAN YEOH TECK CHYE (Bukit Bintang).

YANG TIDAK HADIR :

Yang Berhormat Menteri Kewangan, TUN TAN SIEW SIN, S.S.M., J.P. (Melaka Tengah).

- „ Menteri Perpaduan Negara, TUN V. T. SAMBANTHAN, S.S.M., P.M.N. (Sungei Siput).
- „ Menteri Tak Berpotfolio, TUAN MOHAMED KHIR JOHARI (Kedah Tengah).
- „ Menteri Pertanian dan Perikanan, TAN SRI HAJI MOHAMED GHAZALI BIN HAJI JAWI, P.M.N., D.P.C.M., P.N.B.S. (Kuala Kangsar).
- „ Menteri Pertahanan, DATUK HAMZAH BIN DATUK ABU SAMAH, S.M.K., D.S.R., S.I.M.P. (Raub).
- „ Menteri Perusahaan Utama, DATUK HAJI ABDUL TAIB BIN MAHMUD, P.G.D.K. (Samarahan).
- „ Setiausaha Parlimen kepada Menteri Kemajuan Tanah, TUAN MOHAMED BIN UJANG, K.M.N., P.J.K. (Jelebu-Jempol).
- „ Setiausaha Parlimen kepada Menteri Pembangunan Ekonomi Desa, DATUK HAJI MUSTAPHA BIN HAJI ABDUL JABAR, D.P.M.S., J.M.N., J.P. (Sabak Bernam).
- „ Y.A.M. TUNKU ABDULLAH IBNI ALMARHUM TUANKU ABDUL RAHMAN, P.P.T. (Rawang).

- Yang Berhormat TUAN HAJI ABDUL RASHID BIN HAJI JAIS, A.D.K. (Sabah Selatan).
- „ PENGIRAN AHMAD BIN PENGIRAN INDAR, A.S.D.K., A.D.K. (Kinabatangan).
- „ TUAN HAJI AHMAD DAMANHURI BIN HAJI ABDUL WAHAB, P.M.P., P.J.K. (Hilir Perak).
- „ TUAN AJAD BIN O. T. UYONG (Labuk-Sugut).
- „ DR AWANG BIN HASSAN, S.M.J. (Muar Selatan).
- „ CHEGU BAUDI BIN UNGGUT (Bandau).
- „ TUAN PETER PAUL DASON (Pulau Pinang Utara).
- „ DATIN HAJJAH FATIMAH BINTI HAJI ABDUL MAJID, J.M.N., P.I.S. (Batu Pahat Dalam).
- „ TUAN RICHARD HO UNG HUN (Sitiawan).
- „ TUAN HUSSAIN BIN HAJI SULAIMAN (Besut).
- „ DR LIM CHONG EU (Tanjong).
- „ DATUK PETER LO SU YIN, P.G.D.K. (Sandakan).
- „ TUAN LUHAT WAN (Baram).
- „ TUAN MOHAMED ARIF BIN SALLEH, A.D.K. (Sabah Dalam).
- „ TUAN HAJI MOHD. CHIK JOHARI BIN ONDU MAJAKIL (Labuan-Beaufort).
- „ TAN SRI HAJI MOHAMAD SAID BIN KERUAK, P.M.N., S.P.D.K. (Kota Belud).
- „ TUAN MOHD. SALLEH BIN DATUK PANGLIMA ABDULLAH (Darvel).
- „ TUAN MOHD. TAHIR BIN HAJI ABDUL MANAN (Kapar).
- „ DATUK ENSKU MUHSEIN BIN ENSKU ABDUL KADIR, D.P.M.T., J.M.N. (Trengganu Tengah).
- „ TUN DATU HAJI MUSTAPHA BIN DATU HARUN, S.M.N., P.D.K., K.V.O., O.B.E. (Marudu).
- „ TUAN MUSTAPHA BIN HUSSAIN (Seberang Tengah).
- „ TUAN JONATHAN NARWIN ANAK JINGGONG (Lubuk Antu).
- „ TUAN OTHMAN BIN ABDULLAH, A.M.N. (Perlis Utara).
- „ DATUK PANG TET TSHUNG, P.D.K. (Kota Kinabalu).
- „ TUAN R. C. M. RAYAN *alias* R. C. MAHADEVA RAYAN (Ipoh).
- „ DATUK SRI S. P. SEENIVASAGAM, S.P.M.P., D.P.M.P., P.M.P., J.P. (Menglembu).
- „ PENGIRAN TAHIR BIN PENGIRAN PATERA (Kimanis).
- „ DATUK JAMES WONG KIM MIN, P.N.B.S. (Miri-Subis).
- „ TUAN YEH PAO TZU, A.M.N. (Tawau).
- „ DATUK STEPHEN YONG KUET TZE, P.N.B.S. (Padawan).
- „ TENGGU ZAID BIN TENGGU AHMAD, D.P.M.K., J.M.K., S.M.K. (Pasir Mas Hulu).

YANG HADIR BERSAMA :

Yang Berhormat Timbalan Menteri Perhubungan, TUAN WONG SENG CHOW (Dilantik).

DEWAN RAKYAT

PEGAWAI-PEGAWAI KANAN

Setiausaha Dewan Rakyat, Datuk Azizul Rahman bin Abdul Aziz.

Timbalan Setiausaha, A. Hasmuni bin Haji Hussein.

Penolong Setiausaha, Mohd. Salleh bin Abu Bakar.

Pemangku Penolong Setiausaha, Ghazali bin Haji Abd. Hamid.

BAHAGIAN PENYATA RASMI

Penyunting, Yahya Manap.

Penolong Penyunting, P. B. Menon.

Penolong Penyunting, Osman bin Sidik.

Pemberita-pemberita:

N. Ramaswamy.

Louis Yeow Sim Ngoh.

Abdul Rahman bin Haji Abu Samah.

Rani bin Rahim.

Suhor bin Husin.

Ng Cheng Kuai.

Jamaludin bin Haji Ali.

Amran bin Ahmad.

Mohd. Saleh bin Mohd. Yusof.

Margaret Chye Kim Lian.

Quah Mei Lan.

Puan Kong Yooi Thong.

BENTARA MESYUARAT

Mejar Musa bin Alang Ahmad.

DOA

(Tuan Yang di-Pertua *mempengerusikan Mesyuarat*)

JAWAPAN-JAWAPAN MULUT BAGI PERTANYAAN- PERTANYAAN

JAWATAN TINGKATAN TERTINGGI

1. Tuan V. David minta Perdana Menteri menyatakan:

- (a) bilangan Jawatan Tingkatan Khas dalam Kementerian Buruh dan Tenaga Rakyat yang masih kosong; dan
- (b) mengapakah jawatan-jawatan ini masih belum diisi sedangkan banyak pegawai-pegawai yang sedang berkhidmat layak untuk dilantik ke jawatan-jawatan ini.

Perdana Menteri: Tuan Yang di-Pertua, tidak ada jawatan Tingkatan Tertinggi Khas yang kosong dalam Kementerian Buruh dan Tenaga Rakyat yang belum diisi pada masa ini.

ASEAN—KERJASAMA

2. Tuan Haji Ahmad bin Arshad minta Menteri Luar Negeri menyatakan:

- (a) setakat ini apakah usaha-usaha kerjasama yang telah dijalankan oleh Negara-negara ASEAN dalam bidang-bidang perkapalan, pengangkutan dan urusan muatan; dan
- (b) samada benar badan-badan pengangkutan dari negara-negara lain memonopoli dan menindas negara-negara ASEAN dalam bidang pengangkutan dan apakah langkah-langkah yang telah diambil oleh ASEAN untuk mengatasi masalah ini.

Perdana Menteri: Tuan Yang di-Pertua, (a) usaha-usaha kerjasama ASEAN dalam bidang pengangkutan adalah tertumpu kepada perkapalan.

Negara-negara ASEAN sedang bekerjasama dalam melatih teknisian-teknisian, pegawai-pegawai dan pakar perkapalan serta bertukar-tukar data-data dan statistik-statistik perkapalan.

Negara-negara ASEAN telah juga mempersetujui untuk bekerjasama dalam penubuhan-penubuhan Persekutuan Perkapal-perkapal ASEAN, pusat Penempahan Muatan ASEAN dan satu progeram "bulk shipping". Dalam hal ini, pakar-pakar ASEAN akan bertemu di Pulau Pinang tidak lama lagi untuk mengkaji berbagai aspek dan cara-cara kerjasama dalam bidang "bulk shipping" di antara negara-negara ASEAN.

- (b) Kerajaan Malaysia serta kerajaan ahli-ahli ASEAN yang lain menyedari terdapatnya perbuatan yang tidak adil dan monopolistik oleh Conference Liners dan consortia yang berbentuk multi-national yang mengenakan kadar ataupun tambang muatan yang tinggi terhadap bahan-bahan eksport ASEAN. Untuk mengatasi masalah ini, ASEAN telah mengambil tindakan-tindakan seperti yang saya terangkan tadi. Di samping itu, negara-negara ASEAN telah bermuafakat dan membentangkan pendirian bersama di Persidangan Bangsa-bangsa Bersatu dalam soal "Code of Conduct" bagi Liners Conference, yang telah diadakan di Geneva dalam bulan November tahun lepas.

BANK PEMBANGUNAN ISLAM

3. Tuan Abu Bakar Umar minta Perdana Menteri menyatakan setakat manakah kesediaan Kerajaan untuk memberi bantuan material dan moral kepada Bank Islam supaya dapat ianya ditubuhkan dengan segera di Malaysia.

Perdana Menteri: Tuan Yang di-Pertua, apa yang sebenarnya dimaksudkan oleh Ahli Yang Berhormat itu ialah Bank Pembangunan Islam, yang antara lain, bertujuan untuk menyalurkan timbunan bahan-bahan modal/kewangan negara-negara Islam bagi mempercepatkan perkembangan dan kemajuan ekonomi negara-negara mereka. Malaysia telahpun memainkan peranan besar dalam merangka Charter Bank ini ataupun "Declaration of Intent" dan dokumen-dokumen lain. Kerajaan Malaysia juga telah menghantar satu delegasi ke Persidangan Menteri-menteri Kewangan Islam yang diadakan di Jeddah pada 15hb Disember, 1973.

Dalam Persidangan itu, dua puluh tiga buah negara-negara Islam, termasuk Malaysia, telah menandatangani "Declaration of Intent" untuk menubuhkan Bank Pembangunan Islam itu.

Persidangan itu juga menentukan iaitu:

- (a) Sebuah Jawatankuasa Persiapan ditubuhkan dengan dipengerusikan oleh Y.T.M. Tunku Abdul Rahman Putra Al-Hajj;
- (b) Sebuah Secretariat bagi Jawatankuasa Persiapan itu ditubuhkan di Jeddah, Arab Saudi; dan
- (c) Jeddah dijadikan Ibu Pejabat bagi Bank Pembangunan Islam itu.

Malaysia telah dilantik menjadi salah satu daripada negara yang akan menjadi ahli dalam Jawatankuasa Persiapan itu.

Tuan Haji Abdul Wahab bin Yunus: Tuan Yang di-Pertua, soalan tambahan. Oleh sebab saya tak berapa jelas mendengarnya, saya ingin mendapat tahu bolehkah Yang Amat Berhormat Perdana Menteri menyatakan bilakah Bank Islam ini dapat dijalankan ataupun dilaksanakan di Malaysia, dan dengan kerjasama negara-negara Islam manakah yang akan dapat menubuhkannya di sini?

Perdana Menteri: Tuan Yang di-Pertua, cadangannya Bank Pembangunan Islam ini akan ditubuhkan di Jeddah, tidak di Malaysia dan saya tak dapat menentukan masanya akan mula berjalan, sebab pada masa ini persiapan sedang dijalankan dan Jawatankuasa Penyediaan itu telahpun dilantik dan akan menjalankan tugasnya.

RANCANGAN PEMBANGUNAN DI BAHAGIAN KELIMA SARAWAK

4. **Awang Bungsu bin Abdullah** minta Perdana Menteri menyatakan rancangan-rancangan pembangunan yang telah dilaksanakan di Bahagian Kelima Sarawak semenjak Kerajaan Campuran Sarawak mula memegang kuasa pada bulan Julai, 1970.

Perdana Menteri: Tuan Yang di-Pertua, senarai rancangan-rancangan yang telah dilaksanakan di Bahagian Kelima Sarawak

semenjak Kerajaan Campuran Sarawak ditubuhkan dalam bulan Julai 1970 adalah terlalu panjang untuk saya nyatakan di sini. Ahli Yang Berhormat bolehlah berhubung dengan Pegawai Kemajuan Negeri Sarawak untuk mengetahui butir-butir penuh mengenai projek-projek di Bahagian Kelima itu.

Walau bagaimanapun, saya suka menyatakan bahawa sejak tahun 1970 sehingga September 1973, sejumlah lebih dari \$10.7 juta telah dibelanjakan bagi projek-projek pembangunan di Bahagian Kelima Sarawak dan lebih dari \$8.1 juta adalah diuntukkan bagi projek-projek yang masih dalam pelaksanaan.

Awang Bungsu bin Abdullah: Adakah Yang Amat Berhormat Perdana Menteri dapat menimbangkan perkara yang diluluskan itu akan dibina dalam Rancangan Malaysia Kedua dan adakah Yang Amat Berhormat dapat memberi pertimbangan seperti jalanraya 7 batu keliling dan lain-lain di Bahagian Kelima?

Perdana Menteri: Saya tidak berapa dengar.

Tuan Yang di-Pertua: Saya pun tidak berapa dengar. Tolong bercakap kuat sedikit.

Awang Bungsu bin Abdullah: Adakah Yang Amat Berhormat Perdana Menteri dapat menimbangkan perkara-perkara yang diluluskan itu akan dibina di dalam Rancangan Malaysia Kedua seperti jalanraya 7 batu keliling dan lain-lain?

Perdana Menteri: Tuan Yang di-Pertua, tujuan kita ialah semua rancangan-rancangan itu hendak dibina dalam tempoh yang tertentu.

PENCEN—MENAIKKAN BAYARAN

5. **Tuan Chan Fu King** minta Perdana Menteri menyatakan, memandangkan inflasi yang melambung naik di negara, samada Kerajaan akan menimbang menaikkan bayaran pencen sebanyak 30% hingga 50%.

Perdana Menteri: Tuan Yang di-Pertua, dalam bulan September lalu, saya telah mengumumkan keputusan Kerajaan untuk membayar elaun tambahan kepada pesara-pesara yang telah bersara sebelum gaji-gaji

mereka diubahkan mengikut syor-syor Suruhanjaya Suffian. Elaun tambahan ini adalah dibayar mulai daripada 1hb Januari, 1973, dan adalah diperakukan oleh sebuah Jawatankuasa Khas yang telah dilantik oleh Kerajaan untuk mengkaji di antara perkara-perkara lain kedudukan pesara-pesara memandangkan kepada kenaikan sara hidup. Dan lagi mulai dari 1hb Oktober, 1973, elaun bantuan khas juga dibayar kepada pesara-pesara yang menerima jumlah pencen dan elaun daripada \$500 ke bawah sebulan. Tambahan-tambahan yang diberi itu adalah difikirkan memadai untuk menampung sara hidup mereka bagi masa sekarang ini.

BUMIPUTRA—EJEN LPN

6. Tuan Hashim bin Gera minta Perdana Menteri menyatakan bilangan Bumiputra yang menjadi ejen-ejan L.P.N. menjual beras.

Timbalan Perdana Menteri (Datuk Hussein bin Datuk Onn): Tuan Yang di-Pertua, Lembaga Padi dan Beras Negara tidak melantik sebarang ejen samada bumiputra ataupun tidak bagi menjual beras. Pembahagian beras dalam negara ini adalah melalui pemborong-pemborong yang membeli dari pengilang-pengilang dan mereka menjual kepada peniaga-peniaga runcit. Bagi memberi angka bilangan lesen borong yang diberi kepada bumiputra ataupun yang dipegangi oleh bumiputra di Semenanjung Malaysia ialah 375 dan di Sarawak 7.

Tuan Hashim bin Gera: Soalan tambahan. Dalam kawasan saya di Ipoh ada sebuah syarikat pemborong beras yang dipunyai oleh bumiputra yang bernama Sungai Perak Sendirian Berhad, tetapi dalam masa setahun ini perniagaannya telah diberhentikan. Adakah lesennya bagi menjual beras telah ditarik oleh L.P.N.?

Tuan Yang di-Pertua: Cuba lagi sekali, saya tidak berapa dengar.

Tuan Hashim bin Gera: Di kawasan saya ada sebuah syarikat menjual beras bernama Sungai Perak Sendirian Berhad, tetapi dalam masa setahun ini ia telah memberhentikan perniagaannya, kononnya lesennya telah ditarik kembali oleh pihak L.P.N., adakah perkara itu benar atau tidak?

Datuk Hussein bin Datuk Onn: Saya dukacita kalau tidak diberi notis, saya tidak dapat menjawab. Kalau Ahli Yang Berhormat dapat memberikan butir-butirnya saya akan menyiasat.

Tuan Ng Hoe Hun: Soalan tambahan, Tuan Yang di-Pertua. Di kawasan saya juga ada orang Melayu menjual beras, tetapi tidak ada lesen. Bolehkah Timbalan Perdana Menteri menimbangkan kepada bumiputra di kawasan saya di Taiping untuk menjadi ejen menjual beras?

Datuk Hussein bin Datuk Onn: Tuan Yang di-Pertua, saya menasihatkan Ahli Yang Berhormat itu supaya menasihatkan orang yang berkenaan itu supaya meminta lesen atau menghantar permohonan kepada L.P.N.

SYARIKAT-SYARIKAT BUMIPUTRA

7. Tuan Hashim bin Gera minta Menteri Perdagangan dan Perindustrian menyatakan bilangan kilang-kilang di kawasan-kawasan perusahaan dan luar bandar yang dipunyai oleh Bumiputra semenjak Rancangan Malaysia Yang Kedua dilancarkan tiga tahun dahulu.

Timbalan Menteri Perdagangan dan Perindustrian (Datuk Musa Hitam): Tuan Yang di-Pertua, syarikat-syarikat yang lebih daripada 50% cadangan iquitinya dipunyai oleh Bumiputra adalah ditakrifkan sebagai syarikat-syarikat Bumiputra sementara pengertian "Bumiputra" pula meliputi badan-badan pembangunan ekonomi Bumiputra seperti PERNAS, MARA dan Perbadanan Kemajuan Ekonomi Negeri-negeri.

Berdasarkan pada pengertian di atas itu, 70 syarikat-syarikat Bumiputra telah diluluskan dalam jangka masa 1971 hingga Oktober 1973, iaitu semenjak pelancaran Rancangan Malaysia Kedua. Daripada bilangan ini, 65 sedang diuruskan pelaksanaannya. Antaranya, 24 telah menghasilkan pengeluaran, 26 sedang menyediakan tapak kilang atau membina dan membereskan kilang, 15 sedang berada dalam peringkat perancangan atau masih memohon untuk mendapatkan tapak kilang. Oleh itu, terdapat 50 syarikat-syarikat Bumiputra yang sudah betul-betul wujud. Daripada bilangan ini 4 bertempat di kawasan-kawasan yang dianggap maju. Jadi

bilangan syarikat-syarikat Bumiputra di kawasan-kawasan perusahaan dan di kawasan-kawasan yang kurang maju ialah 46.

Tuan Hashim bin Gera: Soalan tambahan. Adakah Kementerian Perdagangan dan Perindustrian mengetahui di dalam kawasan Ipoh, di kawasan Perusahaan di Jelapang yang telah dikhaskan kepada bumiputra 30 lot, dari mula dibuka sehingga hari ini tidak ada seorang pun bumiputra yang dapat mendirikan kilang di situ apakah sebabnya, adakah bumiputra telah meminta atau tidak?

Datuk Musa Hitam: Tuan Yang di-Pertua, barangkali ada beberapa sebab yang tertentu yang menyebabkan pihak bumiputra tidak membuka ataupun mendirikan kilang di dalam kawasan yang disebutkan tadi. Jadi, oleh sebab soalan ini tepat pada satu-satu tempat yang tertentu, maka terpaksa saya menyalut dan berkehendakkan notis sekiranya hendak diketahui.

Tuan Hashim bin Gera: Soalan tambahan. Banyak bumiputra yang memohon, tetapi sehingga hari ini tidak mendapat pertimbangan, jawapan daripada pihak Kerajaan Negeri hanya: Permohonan tuan telah diterima dan akan ditimbangkan. Maka termasuklah saya seorang daripadanya ada memohon tanah untuk mendirikan kilang, tetapi tidak mendapat jawapan selama 3 tahun. Oleh kerana itu, bolehkah Menteri berkenaan menyalut di manakah sangkutanya permohonan bumiputra yang hendak mendirikan kilang dan berniaga supaya mendapat tempat dan tapak perniagaan, jangan bercakap sahaja, tetapi amalannya tidak.

Datuk Musa Hitam: Tuan Yang di-Pertua, soal pemberian tanah kepada sesiapa yang memohon hendak mendirikan kilang ialah soal yang dipastikan dan ditetapkan oleh Kerajaan Negeri yang berkenaan. Barangkali ada sebab-sebab yang tertentu, maka sesuatu permohonan itu tidak dapat dilayani. Tidakkah benar kalau dikatakan sesiapa juga boleh membuat permohonan tanah dan terus menerus mendapatkan tanah. Selepas seorang itu memohon tanah untuk mendirikan sesuatu kilang itu, pertama sekali segala aspek hendaklah dikaji dengan sehalus-halusnya sebelum sesuatu permohonan itu dapat diberikan. Bagaimanapun, perkara ini harus juga ditanya dan dikemukakan kepada Kerajaan Negeri yang

berkenaan oleh sebab barangkali ada sebab-sebab yang tertentu yang telah menyebabkan Kerajaan Negeri itu tidak dapat memberikan tanah yang dikehendaki oleh bumiputra yang berkenaan.

Tuan Hashim bin Gera: Soalan tambahan. Selalunya apabila dikemukakan soal tapak kilang berkenaan dengan tanah, tidak lain tidak bukan maka jawapan Menteri yang berkenaan hal tanah terpolung kepada Kerajaan Negeri. Adakah Kerajaan Pusat mengetahui Kerajaan Negeri setengahnya itu pilih kasih. Misalnya, saya telah memohon tanah selama tiga tahun bersama-sama dengan seorang lain, tetapi orang itu orang kuat parti, maka dia telah berjaya mendirikan kilang papan bernama Syarikat Meranti tetapi permohonan. . . .

Tuan Yang di-Pertua: Ini soal tambahan-kah atau bercerita panjang-panjang?

Tuan Hashim bin Gera: Soalan tambahan, Tuan Yang di-Pertua, supaya memberi penjelasan.

Tuan Yang di-Pertua: Tidak payah beri penjelasan, soal dahulu.

Tuan Hashim bin Gera: Kalau tidak payah tidak apalah. Orang itu telah memperolehi, saya tidak memperolehi, itu yang saya minta supaya Kerajaan Pusat bertindak terhadap Kerajaan Negeri, kerana setengahnya itu tidak menjalankan kewajibannya mengikut kehendak-kehendak Dasar Rancangan Malaysia Kedua iaitu menghapuskan kemiskinan, tetapi dia hendak menambah busut bertambah tinggi lagi.

Datuk Musa Hitam: Apa soalnya, Tuan Yang di-Pertua?

Tuan Yang di-Pertua: Itulah yang saya hendak tahu.

Tuan Hashim bin Gera: Bolehkah Kerajaan Pusat bertindak dan menyalut hal itu supaya dapat beres dan permohonan orang-orang miskin tidak dipermainkan.

Datuk Musa Hitam: Tuan Yang di-Pertua, kalau Ahli Yang Berhormat itu sedia memberikan nama-nama syarikat yang berkenaan yang difikirkan telah menjadi mangsa oleh sesuatu sebab yang tertentu

bolehlah saya menerima nama syarikat itu dan kita akan siasat atas soal itu.

Tuan Hashim bin Gera: Terima kasih. Saya akan berikan.

Tuan Ng Hoe Hun: Soalan tambahan. Di kawasan saya juga iaitu Larut Selatan ada satu kawasan perusahaan namanya Tupai Light Industry Area, saya dengar daripada orang-orang bumiputra di kawasan itu berkata, jikalau orang-orang bumiputra minta satu lot mendirikan sebuah kilang di kawasan itu tidak dapat. Saya hendak bertanya bolehkah Timbalan Menteri rizab 50% lot-lot di Tupai Light Industry untuk bumiputra?

Datuk Musa Hitam: Tuan Yang di-Pertua, untuk pengetahuan Ahli Yang Berhormat, saya suka menegaskan bahawa soal pemberian tanah ini walau apapun dipertakakan oleh Ahli-ahli Yang Berhormat ialah di bawah kuasa Kerajaan Negeri, jadi saya tidak boleh menjawab mengatakan samada saya akan mengkhaskan 50%. Kalau hendak disyorkan di atas soal ini, maka terpujanglah kepada Kerajaan Negeri menentukannya oleh sebab dia terpaksa mengkaji tiap-tiap satu permohonan itu di atas kedudukan yang difikirkan sebenarnya perlu atau tidak diberi atas sesuatu permohonan itu.

Tuan Ng Hoe Hun: Terima kasih di atas jawapan Yang Berhormat Timbalan Menteri itu tadi. Saya hendak tanya bolehkah Timbalan Menteri minta kerjasama Kerajaan Negeri menguntukkan tanah-tanah di Tupai Light Industry Area kepada orang-orang bumiputra?

Datuk Musa Hitam: Tuan Yang di-Pertua, apabila sesuatu permohonan itu diterima oleh pihak Kementerian dan pemohon itu sendiri menyatakan bahawa dia hendak membuka kilang di kawasan yang berkenaan itu dan selepas dia membuat permohonan tetapi tidak dapat, pihak Kementerian sedia untuk membantunya mendapatkan sebab-sebab yang tertentu ataupun mendapatkan tapak kilang yang difikirkan sesuai hasil daripada kajian kedua-dua pihak pemohon dan Kerajaan.

Tuan Ng Hoe Hun: Tuan Yang di-Pertua, satu glaring example Area; semua

kilang-kilang dipunyai oleh orang-orang bukan bumiputra.

Tuan Yang di-Pertua: Ini soal tambahan, bukan cerita tambahan.

Tuan Ng Hoe Hun: Ini bukan main-main, Tuan Yang di-Pertua (*Ketawa*). Masaalah berkenaan dengan bumiputra selalu ditimbang di Dewan Rakyat ini. Di Kemunting Industry Area tidak ada kilang-kilang bumiputra seperti di Tupai Light Industry Area. Oleh sebab itu saya harap Timbalan Menteri minta Kerajaan Negeri rizabkan tanah untuk bumiputra, boleh atau tidak boleh?

Datuk Musa Hitam: Tuan Yang di-Pertua, pada asasnya memanglah menjadi dasar Kerajaan bahawa di mana-mana juga kawasan dibuka untuk industry sekurang-kurangnya 30% daripadanya dikhaskan kepada bumiputra, tetapi ada beberapa soal yang begitu rumit yang dihadapi oleh Kerajaan untuk menempatkan seseorang bumiputra atau pemohon di dalam kawasan-kawasan yang tertentu. Kita tidak boleh memaksa bumiputra pergi ke sesuatu kawasan ataupun menyuruh Kerajaan memberikan kepada bumiputra dan minta bumiputra membuka kilang di dalam kawasan yang tertentu itu kalau didapati oleh pemohon itu bahawa dia memikirkan bahawa tempat itu tidak sesuai, tetapi saya suka menegaskan bahawa pada dasarnya memanglah menjadi dasar Kerajaan untuk membanyakkan seberapa boleh di mana-mana juga bumiputra supaya matlamat 30% itu akan dapat dicapai dalam masa 20 tahun.

Tuan Ng Hoe Hun: Jika seorang bumiputra tidak ada wang atau tidak ada modal hendak mendirikan sebuah kilang di Tupai Light Industry Area, adakah Kerajaan Malaysia membuat satu rancangan menolong mereka mendirikan kilang-kilang di situ?

Datuk Musa Hitam: Tuan Yang di-Pertua, itu soalan lain.

Tuan Goh Hock Guan: Soalan tambahan, Tuan Yang di-Pertua. Timbalan Menteri memberitahu iaitu permohonan-permohonan berkenaan dengan industrial land ialah tanggungjawab Kerajaan Negeri, tetapi masaalahnya permohonan mereka lambat mendapat jawapan daripada Kerajaan

Negeri. Sebagai sebuah Kementerian yang bertanggungjawab di seluruh negara Malaysia, bolehkah Kementerian memberi arahan kepada tiap-tiap Kerajaan Negeri mencepatkan permohonan berkenaan dengan hal ini. Oleh sebab land administration ialah satu perkara yang menimbulkan masalah, maka mestilah Kerajaan streamline the land administration di jabatan itu.

Datuk Musa Hitam: Tuan Yang di-Pertua, dari satu masa ke satu masa di dalam beberapa tahun ini persaingan semakin berlaku di antara tiap-tiap satu negeri untuk mendapatkan industry datang ke negeri masing-masing. Pihak Kementerian saya telah menegaskan bahawa tiap-tiap negeri hendaklah melicinkan pentadbirannya masing-masing supaya dengan cara ini mereka dengan sendirinya akan dapat menarik pemodal-pemodal ke negeri masing-masing. Jadi dari segi itu maka tiap-tiap negeri sekarang nampaknya telah sedar atas kepentingan perlincinan dari segi pentadbiran keseluruhannya untuk menarik pelabur-pelabur di dalam kawasan masing-masing dan kita telahpun melihat bagaimana hasil daripada persaingan ini di mana pengilang-pengilang dan pelabur telah pergi ke kawasan-kawasan dan negeri-negeri yang tidak pernah dahulu ada industri-industri itu. Jadi soal pelicinan, kebaikan, soal permohonan tanah dan sebagainya termasuklah di dalam lingkungan soal yang telah saya kemukakan tadi.

PENTADBIRAN KASTAM—KAJIAN

8. Tuan Haji Shafie bin Haji Abdullah meminta Menteri Kewangan menyatakan:

- (a) samada Kerajaan bercadang untuk mengemaskan lagi pentadbiran Jabatan Kastam dan Eksais di pentadbiran Jabatan Kastam dan Eksais di Raja Malaysia; dan
- (b) samada Kerajaan akan memulakan Rancangan Pertukaran Pegawai-pegawai Kastam dengan lain-lain negara barat seperti Amerika, Kanada atau negara-negara Eropah untuk meluaskan pengetahuan dan menambahkan lagi kecekapan pegawai-pegawai kita, dan jika ya, bila.

Timbalan Menteri Kewangan (Datuk Mohamed bin Rahmat): Tuan Yang di-Pertua,

- (a) suka saya maklumkan bahawa di atas permintaan Perbendaharaan, Kumpulan Wang Kewangan Antarabangsa telah menghantar seorang pakar pada tahun 1970, untuk mengkaji pentadbiran kastam, dengan bertujuan memperbaikinya. Akibat dari nasihat yang diberi oleh pakar itu Jabatan Kastam telahpun disusun semula.
- (b) Mengenai soalan kedua tiap-tiap tahun Jabatan Kastam menghantar pegawai-pegawainya untuk menghadiri kursus mengenai pentadbiran kastam di Australia, New Zealand, United Kingdom dan Japan di bawah Rancangan Colombo. Dari semasa ke semasa pegawai-pegawai kastam juga mengambil bahagian di dalam seminar antarabangsa dan membuat lawatan sambil belajar di luar negeri. Jabatan Kastam juga telah menjadi ahli Majlis Kerjasama Kastam yang mengkoordinasi dan memperkembangkan peraturan-peraturan kastam bagi negara-negara yang menjadi ahli. Bagi maksud ini adalah difikirkan tidak perlu untuk mengadakan satu rancangan pertukaran pegawai-pegawai kastam dengan negeri-negeri yang lain.
- (c) Setidak-tidaknya kita sendiri telah membuat seberapa yang boleh untuk memperbaiki teknik bagi mengatasi penyeludupan dengan menggunakan beberapa cara dan teknik moden termasuk satu cadangan untuk menggunakan helikopter. Patutlah juga diperhatikan kenaikan hadiah baru-baru ini kepada pemberitahu (informers), berasaskan 50% daripada nilai barang-barang yang dirampas telah mengakibatkan bertambah banyaknya makluman yang diperolehi dan sebagaimana yang boleh diperhatikan dari laporan-laporan akhbar makluman tersebut telah digunakan dengan sungguh berkesan.

Tuan Ng Hoe Hun: Soalan tambahan. Soalan saya berkenaan dengan 8 (a) berhubung dengan Bahagian Laut, Jabatan Kastam dan Eksais di Raja Malaysia. Saya

hendak bertanya Timbalan Menteri adakah tahu di dalam Bahagian Laut, Jabatan Kastam dan Eksais di Raja ada satu Bahagian Pencegah Penyeludup (anti-Smuggling Unit) dan kakitangan di Bahagian Pencegah Penyeludupan tidak ada membawa senapang apabila mereka pergi merampas atau menyiasat barang-barang di seluruh Malaysia. Adakah tahu atau tidak mereka tidak membawa senapang? Jika tahu mereka tidak membawa senapang, adakah satu rancangan beri senapang kepada kakitangan Bahagian itu?

Datuk Mohamed bin Rahmat: Tuan Yang di-Pertua, kenyataan Yang Berhormat itu sebenarnya adalah salah kerana pegawai-pegawai dan kakitangan-kakitangan di Bahagian Pencegah ini adalah juga diperlengkapkan dengan senjata-senjata, disebabkan tugas mereka itu adalah tugas-tugas yang merbahaya dan malahan Jabatan Kastam sekarang ini sedang berusaha untuk melengkapkan Bahagian ini dengan alat-alat senjata yang lebih baik lagi bagi menentukan bahawa kecekapan daripada Bahagian ini di dalam mencegah penyeludupan ini berleluasa dapat mendatangkan kesan yang baik.

Tuan Ng Hoe Hun: Soalan tambahan. Menyambung soalan di atas, saya ada satu surat di sini yang saya dapat dari kakitangan Laut, Jabatan Kastam dan Eksais dan tadi Yang Berhormat Timbalan Menteri mengatakan ada pegawai-pegawai kastam membawa senapang. Saya tahu mereka ada bawa senapang, tetapi kakitangan Bahagian Pencegah Penyeludupan tidak ada bawa senapang. Dengan sebab itu, dua orang pegawai di Bahagian itu telah ditembak mati di Sungai Jejawi, oleh kerana mereka tidak membawa senapang. Bolehkah Kementerian membenarkan mereka membawa senapang?

Datuk Mohamed bin Rahmat: Saya telah jawab tadi. Tetapi kalau surat itu dapat dipanjangkan kepada saya, boleh saya selidiki.

Dr Tan Chee Khoo: Soalan tambahan. Adakah Timbalan Menteri yang berkenaan sedar suatu masalah terhadap Jabatan Kastam dan Eksais di Raja ialah kekurangan kakitangan di Jabatan tersebut. Kalau beliau sedar, apakah tindakan

Kementeriannya telah ambil untuk mengatasi kekurangan kakitangan di Jabatan Kastam dan Eksais di Raja?

Datuk Mohamed bin Rahmat: Tuan Yang di-Pertua, perkara yang dibangkitkan oleh Yang Berhormat itu memang ada benarnya juga, dan Kementerian Kewangan sedang mengambil tindakan untuk menambatkan lagi pegawai-pegawai dan kakitangan-kakitangan bagi Jabatan Kastam dan Eksais di Raja malahan di dalam peruntukan Belanjawan tahun ini satu peruntukan yang besar juga sedang kita minta bagi menambah lagi pegawai-pegawai dan kakitangan di dalam Jabatan Kastam.

Tuan Ng Hoe Hun: Soalan saya berkenaan dengan Bahagian Pencegah Penyeludupan lagi. Apabila kakitangan ini pergi menyiasat masalah-masalah, mereka tidak ada bawa kad pengenalan atau kad kuasa. Bolehkah Kementerian beri kepada pegawai-pegawai ini Kad Kuasa supaya boleh kita tahu yang mereka adalah orang Kerajaan dan bukan smugglers?

Datuk Mohamed bin Rahmat: Kad Kuasa macammana, Tuan Yang di-Pertua?

Tuan Ng Hoe Hun: Kad Kuasa yang menunjukkan orang ini ialah Pegawai Kerajaan dan bukan smugglers. Kad Kuasa ini serupa dengan Kad Pengenalan. Kita ada bawa Kad Pengenalan, Ahli Parlimen pun ada satu Kad Pengenalan Kuning. Itulah Kad Kuasa. Ada ertikah atau tidak? (*Ketawa*)

Tuan Mohamed bin Rahmat: Tiap-tiap mereka yang berkhidmat di dalam Bahagian Pencegah ini sudah tentu ada diberi kuasa-kuasa yang tertentu dan kuasa-kuasa itu telah dapat ditunjukkan dari semasa ke semasa.

Tuan Ng Hoe Hun: Mereka tidak dapat Kad Kuasa ini. Sebab itulah saya bertanya, adakah boleh dibuat satu rancangan

Tuan Yang di-Pertua: Barangkali uniform yang dipakai itu menunjukkan dia berlainan dari orang lain.

Tuan Ng Hoe Hun: Saya pun boleh buat uniform. Tetapi tidak ada Kad Kuasa, itu tipu sahaja. Masalah ini senang sahaja,

mencari jalan mengurangkan kejadian dan kesan-kesan banjir. Seperti saya katakan tadi rancangan itu kebanyakannya memakan masa yang panjang, tetapi ada juga yang kita gunakan untuk mengurangkan kerugian, umpamanya kita meletakkan telemetric system di beberapa buah tempat supaya lekas orang pindah. Semua rancangan-rancangan ini sudah dijalankan di beberapa buah Negeri. Begitu juga beberapa rancangan umpamanya untuk mengurangkan air menempohi tebing-tebing, parit-parit, semuanya ini sedang dibuat. Untuk hendak diceritakan di sini, saya rasa akan memakan masa yang sangat panjang. Saya suka pada suatu masa kelak perkara ini dapat kita keluarkan dengan cerita yang panjang iaitu apakah yang telah dibuat dan apakah akibat-akibatnya. Umpamanya, kita mesti membuat beberapa research. Pada masa sekarang kita dapat tahu dalam suratkhbar—saudara saya Menteri Perhubungan ada menengok, menyaksikan sendiri masa kita mencuba dengan cara experiment jangka panjang, apa yang dikatakan seeding the cloud. Ini semua akan memakan masa yang panjang. Dari jangka pendeknya tiap-tiap buah Negeri mempunyai rancangan yang diselaraskan oleh Suruhanjaya Tetap untuk mengurangkan akibat banjir ini.

Dr Tan Chee Khoon: Soalan tambahan. Adakah Menteri yang berkenaan sedar bahawa peruntukan wang untuk mengurangkan banjir di tanahair kita tidak mencukupi di Belanjawan tahun ini. Umpamanya, adakah Menteri yang berkenaan sedar bahawa peruntukan untuk mencegah banjir di Kuala Lumpur cuma ada \$10 sahaja, bagaimanakah dengan \$10 ini boleh mencukupi untuk mengurangkan banjir di Kuala Lumpur?

Tan Sri Haji Muhammad Ghazali bin Shafie: Tuan Yang di-Pertua, payahlah saya hendak bercakap dengan Yang Berhormat ini, kalau Yang Berhormat tidak tahu apa makna \$10 itu iaitu Token Vote.

Dr Tan Chee Khoon: Tuan Yang di-Pertua, barangkali seperti dalam bahasa Inggeris, I am a simpleton. Tetapi kalau sekiranya Kerajaan menetapkan \$10 sebagai Token Vote adakah itu menunjukkan Kerajaan Pusat mengambil perhatian dengan serious untuk mencegah banjir di Kuala Lumpur?

Tan Sri Haji Muhammad Ghazali bin Shafie: Inilah yang membuktikan bahawa perkara ini sangat serious kerana rancangan untuk Bandaraya Kuala Lumpur ini belum lengkap (complete), belum siap lagi, tetapi kita berkehendakkan wang dengan sebab itu kita letakkan token vote. Kalau kita tidak pandang dengan serious, kita tidak adakan Token Vote.

Dr Tan Chee Khoon: Tuan Yang di-Pertua, soalan tambahan. Bolehkah Menteri yang berkenaan memberitahu kepada Dewan ini langkah-langkah jangka masa pendek, jangka masa pertengahan, ataupun jangka masa panjang untuk mencegah banjir di Kuala Lumpur oleh sebab pada tahun 1970 boleh dikatakan dikebanyakan tempat di Kuala Lumpur ini telah kena banjir dan selepas itu tiap-tiap bulan, tiap-tiap tahun boleh dikatakan ada berlaku banjir di beberapa tempat di Kuala Lumpur. Oleh sebab itu, bolehkah Menteri yang berkenaan menjelaskan apakah langkah (scheme) rancangan beliau atau Suruhanjaya itu ada untuk mencegah banjir di Kuala Lumpur?

Tan Sri Haji Muhammad Ghazali bin Shafie: Tuan Yang di-Pertua, kalau hendak dikatakan ada banjir berlaku di Kuala Lumpur tiap-tiap bulan itu sebagai exaggeration. Bahawa Suruhanjaya Tetap Negara telahpun menyampaikan satu perakuan kepada Kerajaan dan Kerajaan sekarang sedang dengan aktifnya menimbang-kan soal ini.

Tuan Goh Hock Guan: Soalan tambahan. Saya hendak bertanya kepada Menteri yang berkenaan bahawa rakyat di Kuala Lumpur mahu tahu apabila hujan turun di Kuala Lumpur, bolehkah Kerajaan beri satu categorical undertaking, Kuala Lumpur tidak boleh menghadapi satu banjir yang buruk sekali lagi. Misalnya, di kawasan saya Bungsar, selalu Bungsar Road atau Jalan Kelang tiap-tiap kali hujan turun, tiap-tiap kali banjir kuat di jalan itu. Bolehkah diberi satu categorical undertaking, apabila hujan datang tidak ada flood di Kuala Lumpur—itu sahaja.

Tan Sri Haji Muhammad Ghazali bin Shafie: Tidak boleh, Tuan Yang di-Pertua (Ketawa).

Tuan Goh Hock Guan: Apa fasal tidak boleh, Tuan Yang di-Pertua?

Tan Sri Haji Muhammad Ghazali bin Shafie: Fasal perkara ini sudah menjadi begitu buruk dan memakan masa untuk memperbaiki.

Tuan Haji Abdul Wahab bin Yunus: Tuan Yang di-Pertua, soalan tambahan. Baru-baru ini di Pantai Timur kami mengalami banjir. Saya ingin mendapat tahu daripada Yang Berhormat Menteri yang berkenaan berhubung dengan keadaan banjir di Pantai Timur yang baru-baru ini didapati semakin besar dan satu perkara yang saya ingin dapat tahu, adakah Menteri yang berkenaan sedar bahawa selain daripada adanya banjir, kesan banjirnya itu ialah hawanya bertambah sejok berada di Pantai Timur. Adakah Yang Berhormat Menteri yang berkenaan sedar dan apakah persediaan yang diberitahu kepada rakyat di sana untuk mengatasi masalah itu seperti mana saya tahu ramai orang dapat penyakit.

Tan Sri Haji Muhammad Ghazali bin Shafie: Tuan Yang di-Pertua, soal hawa itu tidak dapat saya hendak menjawabnya, kerana saya baca dalam suratkhbar nampaknya hawa sejuk ini berlaku di seluruh dunia. Di Mekah pun mengikut surat yang saya terima mengatakan hawa di sana luar biasa sejuknya. Tetapi dari segi soal samada bertambah banyak lagi ataupun bertambah besar banjir di Pantai Timur itu banyak sebabnya satu daripada sebabnya yang kita dapati ialah adanya beberapa kemajuan yang dibuat iaitu membuka tanah dan sebagainya yang menyebabkan beberapa keadaan yang dahulu tidak terkawal sekarang kita merasa akibatnya. Ini akan memakan masa yang panjang, sebab Suruhanjaya ini pada masa ini sedang mengkaji beberapa Undang-undang Kerajaan Negeri dan Undang-undang Persekutuan yang boleh membantu di dalam soal ini. Ini akan memakan masa.

KAJIAN TENAGA MANUSIA

10. Tuan Haji Abdul Wahab bin Yunus minta Menteri Buruh dan Tenaga Rakyat menyatakan apakah hasil yang diperolehi tentang kajian tentang kajian tenaga manusia di Malaysia, bagi maksud-maksud perancangan pelajaran, pekerjaan dan sebagainya.

Setiausaha Parlimen kepada Menteri Buruh dan Tenaga Rakyat (Tuan Haji Ramli bin Omar): Tuan Yang di-Pertua, kerja-kerja luar yang berkaitan dengan kajian tenaga manusia sektor swasta telahpun siap. Keputusan-keputusan sedang diproses oleh Jabatan Perangkaan. Adalah dijangka bahawa data permulaan akan dapat diperolehi lebih kurang dalam bulan Februari, 1974. Kerja-kerja menghitung yang berkaitan dengan kajian sektor swasta di Sabah dan Sarawak telahpun siap pada akhir tahun 1973. Keputusan kajian akan dapat diperolehi pada permulaan suku tahun yang kedua tahun 1974.

Tuan Haji Abdul Wahab bin Yunus: Soalan tambahan, Tuan Yang di-Pertua. Bolehkah Yang Berhormat Setiausaha Parlimen yang berkenaan memberitahu secara kasar tentang hasil-hasil itu di Dewan ini pada hari ini?

Tuan Haji Ramli bin Omar: Tuan Yang di-Pertua, saya telah jawab tadi iaitu sedang diproses dan akan dikeluarkan. Itu adalah jawapan secara kasar kepada Ahli Yang Berhormat.

Tuan Ng Hoe Hun: Soalan tambahan, Tuan Yang di-Pertua. Berkenaan dengan lapuran itu bilakah Ahli-ahli Parlimen Dewan ini akan dapat?

Tuan Haji Ramli bin Omar: Tuan Yang di-Pertua, soalan ini akan diberitahu dari satu masa ke satu masa. Saya suka nyatakan secepat mungkin.

Tuan Ng Hoe Hun: Bilakah Setiausaha Parlimen yang berkenaan hendak beri kepada kita?

Tuan Haji Ramli bin Omar: Tuan Yang di-Pertua, secepat mungkin.

SEKIM PERANSANG BAGI GURU-GURU

11. Tuan Andrew Mara anak Walter Unjah (*di bawah S.O. 24 (2)*) minta Menteri Pelajaran menyatakan samada Kerajaan akan mengadakan sekim peransang bagi guru-guru yang mengajar di kawasan-kawasan luar bandar sama seperti sekim yang akan dilaksanakan kepada kakitangan-kakitangan kejururawatan.

Menteri Pelajaran (Tuan Haji Mohamed bin Yaacob): Tuan Yang di-Pertua, setahu saya tidak ada sekim perangsang yang akan dilaksanakan bagi kakitangan kejururawatan.

Dalam perkara bertugas di kawasan-kawasan luar bandar ini, saya percaya guru-guru mempunyai dedikasi terhadap profession mereka dan dengan itu mereka sedia berkhidmat di kawasan-kawasan tersebut tanpa sebarang sekim perangsang.

Tuan Haji Abdul Wahab bin Yunus: Tuan Yang di-Pertua, soalan tambahan. Bolehkah Yang Berhormat Menteri Pelajaran menimbang tentang guru-guru yang berkhidmat di tempat yang tidak dapat pergi melalui jalanraya, di mana terpaksa pergi dengan bot dan perahu untuk diberi sedikit elaun supaya mereka dapat mengajar di sana dengan keadaan yang lebih tenang daripada masa ini.

Tuan Haji Mohamed bin Yaacob: Tuan Yang di-Pertua, Kementerian saya tidak bercadang berbuat demikian kerana jawatan-jawatan lain pun sama dengan guru-guru, bahkan perkhidmatan-perkhidmatan lain seperti tentera dan polis terpaksa pergi ke tempat-tempat yang lebih jauh lagi.

Tuan Ng Hoe Hun: Soalan tambahan, Tuan Yang di-Pertua. Berkenaan dengan jawapan Yang Berhormat Menteri tadi, guru-guru yang bekerja di luar bandar tidak boleh mendapat elaun khas. Akan tetapi, Wakil Rakyat di Dewan ini mendapat elaun khas juga jikalau mereka datang dari Trengganu atau Kelantan. Jadi, apakah sebabnya guru-guru di luar bandar tidak boleh dapat? Ini tidak adil.

Tuan Haji Mohamed bin Yaacob: Apakah elaun khas yang diberikan kepada Ahli Yang Berhormat dari Trengganu dan sebagainya, Tuan Yang di-Pertua?

Tuan Ng Hoe Hun: Jikalau

Tuan Yang di-Pertua: (Kepada Tuan Ng Hoe Hun) Adakah hendak menjawab soalan dari sebelah sini?

Tuan Ng Hoe Hun: Beliau bertanya kepada saya, saya bertanya soalan tambahan. Berilah peluang kepada saya, boleh atau tidak?

Tuan Yang di-Pertua: Tidak boleh, soalan sahaja yang boleh!

Tuan Ng Hoe Hun: Baik.

Tuan Haji Abdul Wahab bin Yunus: Tuan Yang di-Pertua, soalan tambahan. Sebagaimana yang dijawab oleh Yang Berhormat Menteri Pelajaran bahawa perkhidmatan tentera ataupun polis yang saya tahu berkhidmat di luar bandar tidak diberi apa-apa elaun, tetapi adakah Yang Berhormat Menteri yang berkenaan bercadang hendak menyediakan kemudahan-kemudahan seperti yang terdapat kepada polis-polis yang berkhidmat di luar bandar. Setahu saya kalau pihak polis yang berkhidmat di luar bandar yang tidak dapat pergi dengan jalanraya diadakan kenderaan motobot, tetapi guru-guru terpaksa menumpang perahu-perahu persendirian di mana kadang-kadang terpaksa tidak pergi mengajar kerana tidak ada kenderaan untuk ke sana. Jadi, bolehlah Yang Berhormat Menteri menimbang cara demikian supaya membolehkan guru-guru pergi ke sana dengan lebih senang dan lebih baik?

Tuan Haji Mohamed bin Yaacob: Tuan Yang di-Pertua, segala perbelanjaan perjalanan itu dibayar oleh Kerajaan.

ORANG-ORANG YANG DITANGKAP DI SARAWAK

12. Tuan Andrew Mara Anak Walter Unjah minta Menteri Hal Ehwal Dalam Negeri menyatakan:

- (a) jumlah bilangan orang-orang yang ditangkap di Sarawak di bawah Ordinan Menjaga Keselamatan Awam dan ditahan di pusat-pusat Perlindungan di Kuching dan Sibu semenjak tahun 1971;
- (b) jumlah bilangan orang-orang yang dilepaskan semenjak itu; dan
- (c) jumlah bilangan orang-orang yang masih ditahan hingga sekarang.

Tan Sri Haji Muhammad Ghazali bin Shafie: Tuan Yang di-Pertua,

- (a) Jumlah orang-orang yang ditangkap di bawah Preservation of Public Security (Detention) Regulations, 1962 semenjak tahun 1971 ialah 2,243. Daripada jumlah tersebut 1,278 telah ditahan di Kuching manakala 427 di Sibu.
- (b) Jumlah orang-orang yang telah dibebaskan semenjak tahun 1971 ialah 2,357.

(c) Jumlah orang-orang yang masih ditahan sekarang ialah 745.

Tuan Ng Hoe Hun: Soalan tambahan, Tuan Yang di-Pertua. Berkenaan dengan orang yang masih ditahan lagi, bolehkah Yang Berhormat Menteri memberitahu jikalau mereka ditahan di bawah POPO, adakah kewarganegaraan mereka dibatalkan, dan jika ada berapa orang atau samada ataupun tidak orang yang ditahan diperjeniskan sebagai buang negeri?

Tuan Yang di-Pertua: Itu soalan lain.

SISTEM KIRA-KIRA PUSAT (CENTRAL ACCOUNTANCY SYSTEM)

13. **Dr Seevaratnam** minta Menteri Perhubungan menyatakan samada beliau puas hati dengan Sistem Kira-kira Pusat (Central Accountancy System) di Jabatan Talikom dan berapakah jumlah tunggakan (arrears) sehingga hari ini.

Menteri Perhubungan (Tan Sri Haji Sardon bin Haji Jubir): Tuan Yang di-Pertua, Sistem Kira-kira Pusat adalah berjalan dengan memuaskan, walaupun data-data yang dicetak oleh Komputer yang ada sekarang ini yang telah berusia 5 tahun dan menggunakan satu rancangan sahaja tidaklah dapat memenuhi perkembangan talian-talian yang telah meningkat daripada 70,600 talian kepada 110,000 talian dalam tempoh 5 tahun itu. Untuk mengatasi masalah ini, sebuah "Multi-programming Computer" I.B.M. 370 telah dipesan dan akan tiba pada pertengahan tahun ini. Komputer ini akan dapat memenuhi pertambahan talian-talian tersebut walaupun talian-talian ini lebih daripada 110,000 dan akan digunakan di bawah sistem yang sama mulai pertengahan tahun depan oleh kerana memakan masa untuk dipasang dan ia dirancangan untuk menghadapi "Work Load".

Jumlah besar tunggakan ialah \$3.8 juta pada 31-8-1973.

Tunggakan ini ialah sejak tarikh kebelakangan selama 16 tahun dahulu, iaitu 5 tahun disebabkan oleh kebolehan yang terhad oleh Komputer satu rancangan sahaja, dan selama 11 tahun sebelumnya disebabkan oleh ketiadaan sistem Komputer. Ini menyebabkan Jabatan Talikom tidak dapat memotong talian-talian dengan cepatnya untuk mengelakkan kenaikan tunggakan.

Walau bagaimanapun, tunggakan ini belum lah muktamad kerana Jabatan Talikom sedang berurus dengan giatnya untuk memungut pembayaran tunggakan ini dan dari rekod-rekod yang ada menunjukkan bahawa kerja-kerja telah dapat dibuat dengan baiknya atas tuntutan \$3.8 juta berbanding dengan 2.5% sahaja daripada bil-bil yang telah dikeluarkan dalam satu tahun.

Tuan Ng Hoe Hun: Soalan tambahan, Tuan Yang di-Pertua. Adakah betul ataupun tidak rakyat tidak berpuas hati dengan Sistem Kira-kira Pusat di Jabatan Talikom itu, oleh sebab Chief Accountant di Jabatan itu sudah berpencen dan tidak ada gantinya lagi?

Tan Sri Haji Sardon bin Haji Jubir: Itu tidak kena-mengena. Fasal arrears ini kalau tak ada automatik tak boleh lekas kita tengok. Kalau duit yang disimpan (deposit) hanya untuk dua bulan, sudah arrears lebih daripada dua bulan, kita boleh potong lekas talipon itu, tetapi oleh kerana tak ada komputer, lama hendak dikira dengan tangan beratus-ratus ribu, dan sekarang ini kita cuba dan kita akan dapatkan wang-wang ini kerana kita boleh tolak daripada wang pembayaran pendahuluan itu.

Tuan Ng Hoe Hun: Kata Menteri tadi Jabatan Talikom boleh dibaikkan sebab ada menggunakan komputer, adakah itu betul?

Tuan Yang di-Pertua: Apa soalnya?

Tuan Ng Hoe Hun: Soalan saya, Tuan Yang di-Pertua, Yang Berhormat Menteri ada mengatakan bahawa Keretapi Tanah Melayu adalah baik, tetapi sebenarnya Keretapi Tanah Melayu tidak baik. Sekarang, katanya Jabatan Talikom ini boleh baik. Saya hendak bertanya, boleh baik atau tidak boleh baik?

Tuan Yang di-Pertua: Saya kata kalau hendak bertanya semacam itu boleh belanja dia di kedai kopi, tanyalah dia.

Tuan Ng Hoe Hun: Tuan Yang di-Pertua, saya tak payah belanja dia kopi, whisky, brandy pun boleh beri, tetapi saya hendak tahu. Soal saya. . . .

Tuan Yang di-Pertua: Saya tahu.

Tuan Ng Hoe Hun: Tuan Yang di-Pertua sudah tahu, tetapi dia tidak tahu, dan

saya pun mahu tahu. Bolehkah saya tahu sekarang?

Tuan Yang di-Pertua: Yang Berhormat Menteri, sila jawab.

Tan Sri Haji Sardon bin Haji Jubir: Saya sudah jawab, Tuan Yang di-Pertua. Dia yang tak faham jawapan saya itu.

Tuan Yang di-Pertua: Yang Berhormat sudah faham?

Tuan Ng Hoe Hun: Terima kasih.

GURU-GURU SISWAZAH— LANTIKAN

14. Tuan Haji Mohd. Zain bin Abdullah minta Menteri Pelajaran menyatakan:

- (a) mengapa Kerajaan terlalu lambat melantik guru-guru siswazah ke dalam kategori D1 dan D2, sedangkan mereka mulai berkhidmat dalam bulan Januari lagi dan pengisytiharan kelulusan mereka dibuat dalam bulan Mac; dan
- (b) samada Kerajaan sedar bahawa sehingga sekarang (Oktober 1973) mereka belum lagi mendapat gaji yang wajar dengan kelulusan mereka.

Tuan Haji Mohamed bin Yaacob: Tuan Yang di-Pertua,

- (a) Perlantikan guru-guru siswazah dan Kategori guru-guru yang lain ke dalam Perkhidmatan Pelajaran adalah di-kelolakan oleh Suruhanjaya Perkhidmatan Awam. Seperti yang kita maklum Suruhanjaya Perkhidmatan Awam ini juga mengelolakan perlantikan ke dalam Perkhidmatan-perkhidmatan Awam yang lain. Ini menyebabkan kelewatan.

Walau bagaimanapun dengan ter-tubuhnya Suruhanjaya Perkhidmatan Pelajaran pada 1hb Januari tahun ini kelambatan ini akan dapat diatasi.

- (b) Saya sedar.

Tuan Haji Mohd. Zain bin Abdullah: Tuan Yang di-Pertua, soalan tambahan. Adakah guru-guru siswazah yang sudah berkhidmat dan kemudian perkhidmatannya diiktiraf di dalam kategori D1 atau D2 itu mendapat tunggakan gaji kebelakangan mengikut sekim ijazah yang diperolehinya?

Tuan Haji Mohamed bin Yaacob: Tuan Yang di-Pertua, kalau Ahli Yang Berhormat itu boleh mengulangi sekali lagi, kerana saya tak berapa dengar.

Tuan Haji Mohd. Zain bin Abdullah: Adakah guru-guru siswazah yang sudah berkhidmat dan kemudian perkhidmatannya diiktiraf di dalam Kategori D1 atau D2 itu mendapat tunggakan gaji kebelakangan mengikut sekim ijazah yang diperolehinya?

Tuan Haji Mohamed bin Yaacob: Tuan Yang di-Pertua, ya.

Tuan Haji Mohd. Zain bin Abdullah: Soalan tambahan. Adakah tunggakan itu akan dikira pada masa mula guru siswazah itu berkhidmat atau pada masa seorang guru siswazah itu diisytiharkan kelulusan mereka?

Tuan Haji Mohamed bin Yaacob: Tuan Yang di-Pertua, ini saya rasa selepas mereka melapurkan diri dari perkhidmatannya selepas menerima kelulusan.

Tuan Yang di-Pertua: Masa sudah cukup.

(Masa untuk Pertanyaan-pertanyaan bagi Jawab Mulut telah cukup dan Jawapan-jawapan Lisan bagi Pertanyaan No. 15 hingga 27 adalah diberi di bawah ini).

PERSATUAN PERUBATAN MALAYSIA—KENYATAAN

15. Tuan Tiah Eng Bee minta Menteri Kesihatan menyatakan, memandangkan laporan yang dibuat oleh wakil Persatuan Perubatan Malaysia bahawa "acupuncture" sangat berkesan sebagai bius dalam pembedahan menyambung anggota manusia dan dalam mengubati kulit yang terbakar, samada beliau akan menimbang menjemput pakar-pakar acupuncture dari Negeri Cina untuk memberi kursus-kursus mengenai "acupuncture" dan pembedahan kepada doktor-doktor kita di hospital-hospital.

Menteri Kesihatan (Tan Sri Lee Siok Yew): Tidak. Sejauh mana yang saya ketahui, wakil-wakil Persatuan Perubatan Malaysia tidak ada membuat laporan atau membuat kenyataan bahawa "acupuncture" sangat berkesan sebagai bius dalam kes-kes pembedahan yang terlibat dengan penyambungan anggota-anggota manusia dan mengubati kulit terbakar.

MAKTAB/PUSAT LATIHAN PERGURUAN

16. **Tuan Hor Cheok Foon** minta Menteri Pelajaran menyatakan nama kolej-kolej dan pusat-pusat latihan perguruan dan tempat-tempat yang terletak dan jenis-jenis kursus yang diberi di sana.

Tuan Haji Mohamed bin Yaacob: Jawapan yang dikehendaki adalah seperti berikut:

<i>Nama Maktab/ Pusat Latihan Perguruan</i>	<i>Alamat</i>	<i>Jenis Kursus</i>
1. Maktab Perguruan Persekutuan	Gelugor Pulau Pinang ...	Sains, Ilmu Hisab, Pengajian Peringkat Awal Kanak-kanak.
2. Maktab Perguruan Harian ...	Jalan Hamilton, Pulau Pinang	Ilmu Hisab, Pengajian Peringkat Awal Kanak-kanak.
3. Maktab Perguruan Sultan Idris	Tanjong Malim	Pengajian Melayu dan Pendidikan Seni, Pengajian Peringkat Awam Kanak-kanak, Pengajian Melayu dan Ilmu Alam, Pengajian Inggeris dan Sejarah.
4. Maktab Perguruan Ilmu Khas	Jalan Cheras, Kuala Lumpur ...	(a) Ilmu Hisab, Pendidikan Jasmani dan Pendidikan Kesihatan, Pendidikan Jasmani dan Pendidikan Seni, Sains Rumahtangga, Pengajian Islam, Pengajian Peringkat Awal Kanak-kanak. (b) Kursus Tambahan satu tahun untuk Guru-guru terlatih, Pengajian Perdagangan, Muzik, Ilmu Sains Rumahtangga, Pendidikan Kanak-kanak Buta, Pendidikan Kanak-kanak Pekak, Pendidikan Jasmani.
5. Maktab Perguruan Teknik ...	Jalan Cheras, Kuala Lumpur ...	Sains Perusahaan, Pengajian Perdagangan, Pemasangan Letrik, Latihan Mesin Shop, Kepingan Logam dan Kimpalan, Rawatan Radio dan Talivisyen Kajisawat Moto, Pengajian Alat Hawa Dingin, Binaan Bangunan.
6. Maktab Perguruan Harian ...	Jalan Kuantan, Kuala Lumpur	Pendidikan Jasmani dan Pendidikan Kesihatan, Pengajian Peringkat Awal Kanak-kanak.
7. Maktab Perguruan Bahasa ...	Lembah Pantai, Kuala Lumpur	(a) Pengajian Melayu dan Sejarah, Pengajian Inggeris dan Sejarah. (b) <i>Kursus untuk guru-guru terlatih—</i> Kursus Bahasa Malaysia dan Kursus Kaidah Mengajar Bahasa Inggeris sebagai Bahasa Kedua.
8. Pusat Latihan Harian	Jalan Sikamat Seremban ...	Pengajian Peringkat Awal Kanak-kanak.
9. Maktab Perguruan Perempuan Melayu	Durian Daun, Melaka	Sains Rumahtangga, Pengajian Peringkat Awal Kanak-kanak.
10. Maktab Perguruan Temenggong Ibrahim	Jalan Larkin, Johor Bahru ...	Sains, Ilmu Hisab, Pendidikan Jasmani dan Pendidikan Seni, Pengajian Melayu dan Ilmu Alam, Sains Pertanian, Sains Rumahtangga, Pengajian Peringkat Awal Kanak-kanak.
11. Maktab Perguruan Harian ...	Jalan Abdul Samad, Johor Bahru	Pengajian Inggeris dan Pendidikan Seni, Pengajian Peringkat Awal Kanak-kanak.
12. Maktab Perguruan Kota Bharu	Pengkalan Chepa, Kota Bharu, Kelantan	Kursus Bahasa Malaysia untuk guru-guru terlatih.
13. Pusat Pendidikan Kesihatan dan Nilai Pemakanan	Jalan Pasir Panjang, Kuala Trengganu	Kursus Pendidikan Kesihatan untuk guru-guru terlatih.

PERHENTIAN BAS TAIPING

17. Tuan Ng Hoe Hun minta Menteri Kerajaan Tempatan dan Perumahan menyatakan samada beliau sedar bahawa Perhentian Bas Taiping hingga sekarang ketiadaan kemudahan tandas untuk kegunaan orang-orang ramai yang menumpang bas, dan jika sedar, nyatakan:

- (a) sebab-sebab tidak ada tandas di Perhentian Bas Taiping;
- (b) bilakah sebuah tandas akan didirikan; dan
- (c) sudah berapa lama Perhentian Bas Taiping tidak bertandas.

Menteri Kerajaan Tempatan dan Perumahan (Datuk Ong Kee Hui): Oleh kerana soalan ini tidak dirujuk kepada polisi kebangsaan atau keseragaman undang-undang Kerajaan Tempatan, saya harap Yang Berhormat dapat membangkitkan soalan ini di Majlis Mesyuarat Negeri Perak atau di Lembaga Bandaran Taiping.

MAJIKAN LADANG-LADANG

18. Tuan Fan Yew Teng minta Menteri Buruh dan Tenaga Rakyat menyatakan samada beliau akan memaksa semua majikan ladang-ladang menyumbang kepada SOCSO (Pertubuhan Keselamatan Sosial) supaya pekerja-pekerja kilang di ladang-ladang tidak ketinggalan dari rancangan SOCSO.

Menteri Buruh dan Tenaga Rakyat (Tan Sri V. Manickavasagam): Soal memaksa semua majikan ladang-ladang menyumbang kepada SOCSO tidak berbangkit oleh sebab Akta Keselamatan Sosial Pekerja, 1969 adalah terpakai kepada semua majikan. Namun demikian, pada masa ini, kebanyakan ladang-ladang belum diliputi oleh Sekim Insuran Bencana Pekerjaan kerana ianya terkeluar daripada kawasan yang ditetapkan. Pertubuhan Keselamatan Sosial sedang mengambil langkah-langkah yang perlu untuk meluaskan kawasannya dengan seberapa segera yang boleh supaya ladang-ladang yang seperti ini akan termasuk sama.

EKSEPT LADAHITAM— KEKURANGAN

19. Tuan Edmund Langgu anak Saga minta Menteri Pertanian dan Perikanan menyatakan samada kekurangan ekspot lada hitam bagi setengah tahun 1973 yang pertama berbanding dengan tempoh yang sama di dalam tahun 1972 telah menunjukkan suatu kemerosotan di dalam pengeluaran ladahitam, dan jika ya, apakah langkah-langkah yang sedang diambil untuk menentukan bahawa pengeluaran yang mendatangkan hasil di Sarawak ini tidak akan terus merosot di masa hadapan.

Menteri Pertanian dan Perikanan (Tan Sri Haji Mohamed Ghazali bin Haji Jawi): Eksept ladahitam dari Negeri Sarawak bagi tempoh Januari hingga Jun 1973 berjumlah sebanyak 10,637 tan berbanding dengan 13,860 tan dalam jangka masa yang sama dalam tahun 1972. Walaupun quantiti ladahitam yang dieksept menunjukkan kejatuhan 23% ini tiada dapat diambil sebagai penunjuk bagi kejatuhan simpanan stock ataupun pengeluaran sekali pula.

Walau bagaimanapun keadaan cuaca yang tidak begitu baik dalam tahun 1973 telah diperhatikan mempunyai kesan kepada pengeluaran ladahitam di Sarawak, terutamanya pada ketika pokok-pokok ladahitam itu terbit mengeluarkan buahnya. Adalah dipercayai hasil tuaian di dalam bulan Mei dan Jun 1973 berkurangan disebabkan oleh cuaca yang tidak baik itu.

Kerajaan Negeri Sarawak telah mengadakan rancangan bantuan tanaman ladahitam yang bermula dalam tahun 1972 untuk memajukan dan menambah pengeluaran ladahitam di negeri itu. Seluas 1,700 ekar tanah bagi tanaman baru ladahitam dan 2,159 ekar tanah-tanah yang telah bertanam dengan ladahitam telah mendapat bantuan dalam tahun 1972. Dalam tahun 1973 pula kelulusan telah diberi untuk bantuan kepada 1,945 ekar tanah ladahitam yang baru dan 979 ekar tanah ladahitam yang lain.

Seperti yang telah saya nyatakan dalam Dewan ini dahulu Kerajaan Persekutuan telah mengeluarkan pemberian pembangunan terus kepada Kerajaan Negeri Sarawak berjumlah sebanyak \$1 juta bagi tahun 1972 dan sebanyak \$3,400,000, bagi tahun 1973 untuk Rancangan Bantuan Ladahitam di

negeri itu. Peruntukan-peruntukan tersebut tidak termasuk perbelanjaan yang dikeluarkan oleh MARDI di dalam penyelidikan ladahitam di bawah projek kerjasama dengan Kerajaan Sarawak yang berjumlah sebanyak \$68,000.

Selain daripada bantuan-bantuan yang tersebut di atas Kerajaan Negeri Sarawak juga sedang menjalankan kursus-kursus latihan di Pusat-pusat Latihan Peladang untuk melatih penanam-penanam ladahitam di dalam teknik pemeliharaan dan keselamatan tanaman ladahitam.

CUKAI PENDAPATAN—TAKSIRAN

20. Tuan Tan Cheng Bee minta Menteri Kewangan menyatakan samada beliau sedar bahawa disebabkan sara hidup yang tinggi sekarang ini, adalah menjadi pendapat umum bahawa pengecualian persendirian sebanyak \$1,000 bagi pembayar cukai dan \$1,000 untuk isteri atau suaminya dalam menaksir cukai pendapatan tidaklah memadai dan jika sedar, adakah beliau akan menimbang menambah jumlah yang dikecualikan kepada \$3,000 bagi pembayar cukai dan \$2,000 bagi isteri atau suami.

Menteri Kewangan (Tun Tan Siew Sin): Saya tidak ada apa-apa tambahan kepada jawapan yang telah diberi oleh Yang Berhormat Menteri Kewangan kepada soalan yang dikemukakan oleh Ahli Yang Berhormat dari Telok Anson dalam Dewan Rakyat pada 22hb Disember, 1972.

WARGANEGARA BRUNEI— PERLINDUNGAN POLITIK

21. Tuan Luhut Wan minta Menteri Luar Negeri menyatakan sejauh manakah pemberian perlindungan politik oleh Malaysia kepada 8 orang penderhaka Brunei menjelaskan hubungan kita dengan Brunei.

Menteri Luar Negeri (Tun Haji Abdul Razak): Langkah Kerajaan Malaysia untuk memberikan perlindungan politik kepada 8 orang warganegara Brunei adalah semata-mata berdasarkan kepada amalan antarabangsa. Saya dukacita yang Kerajaan Brunei telah menyalahsangkan tindakan kita itu, tetapi bagi pihak Kerajaan kita, saya suka

menegaskan bahawa dasar kita ialah untuk berbaik-baik dengan semua negara, termasuklah Brunei.

PELARIAN FILIPINA

22. Tuan Luhut Wan minta Menteri Luar Negeri menyatakan kesannya terhadap Perpaduan ASEAN memandang bahawa Malaysia telah menerima lebih daripada 17,000 orang pelarian Filipina di Sabah.

Tun Haji Abdul Razak: Orang-orang pelarian Filipina telah dibenar tinggal di Sabah semata-mata atas pertimbangan perikemanusiaan dan mereka adalah bebas untuk meninggalkan Sabah pada bila-bila masa mereka suka.

Kesetiakawanan (solidarity) ASEAN tidak terjejas sedikitpun oleh tindakan kita itu.

PAMIRAN PERDAGANGAN DI CANTON—ROMBONGAN MALAYSIA

23. Tuan Loh Jee Mee minta Perdana Menteri menyatakan:

- (i) samada tindakan PERNAS menghantar satu rombongan 100 orang ke Pamiran Perdagangan di Canton; sahaja membazirkan wang; dan
- (ii) samada benar bahawa tokoh-tokoh politik turut menyertai rombongan itu dan jika ya, berikan nama dan parti mereka.

Perdana Menteri:

- (i) Perbelanjaan menghantar rombongan peniaga-peniaga Malaysia ke Pamiran Perdagangan di Canton tidak membazirkan wang kerana Malaysia berusaha menggalakkan perdagangan secara langsung (direct trade) dengan republik Rakyat Cina, dan tidak melalui negara-negara lain seperti yang telah berlaku beberapa tahun dahulu. Dengan mengubah cara perdagangan ini Malaysia mendapat faedah yang besar.

PERNAS sendiri hanya menghantar empat orang pegawai untuk menguruskan lawatan rombongan peniaga-peniaga Malaysia ke Canton. Peniaga-peniaga Malaysia membiayai perbelanjaan masing-masing.

- (ii) Ahli-ahli rombongan ke Canton Trade Fair, adalah dipilih daripada peniaga-peniaga Malaysia yang mewakili syarikat-syarikat perniagaan masing-masing. Pemilihan tidak dibuat melalui apa-apa parti politik pun.

1HB MEI HARI KELEPASAN AM

24. Tuan Lim Kit Siang minta Perdana Menteri menyatakan samada beliau akan menimbangkan untuk menjadikan 1hb Mei, Hari Kelepasan Am dengan bayaran gaji supaya pekerja-pekerja di sektor swasta boleh bersama dengan pekerja-pekerja awam mendapat Hari Kelepasan Am dengan bayaran gaji untuk merayakan Hari Buruh dan peranan buruh dalam memajukan Negara.

Perdana Menteri: 1hb Mei ialah hari Kelepasan Am bagi kaum-kaum pekerja merayakan hari itu dengan tujuan memperingatkan rakyat akan tugas-tugas penting mereka dalam memajukan Negara.

Bagi Kerajaan Hari Kelepasan Am itu memanglah hari kelepasan bergaji untuk pekerja-pekerjanya. Di Sektor swasta, terulanglah kepada majikan-majikan untuk mencontohi langkah Kerajaan itu.

SOKONGAN AMERIKA SYARIKAT KEPADA ISRAEL

25. Wan Sulaiman bin Haji Ibrahim minta Menteri Luar Negeri menyatakan apakah langkah diplomatik yang telah diambil oleh Malaysia untuk mempengaruhi Amerika Syarikat supaya menghentikan sokongannya kepada Israel di dalam konflik Arab-Israel.

Tun Haji Abdul Razak: Saya telahpun menerangkan dalam Dewan ini bahawa saya telah memanggil Duta Besar Amerika Syarikat dan menyatakan kepadanya akan sokongan kita terhadap perjuangan suci orang-orang Arab untuk membebaskan tanahair mereka daripada taklukan Israel. Saya telah juga menggesa dia supaya menyampaikan kepada Kerajaannya tentang perasaan kita bahawa Amerika Syarikat hendaklah berusaha sedaya-upayanya supaya Israel bertukar sikap degilnya dan mengambil langkah-langkah yang positif dalam usaha-usaha yang sedang dibuat ke arah perdamaian yang adil dan kekal di Asia Barat.

KHIDMAT SUKARELA KEPADA NEGARA-NEGARA ARAB

26. Wan Sulaiman bin Haji Ibrahim minta Menteri Luar Negeri menyatakan samada Kerajaan akan membenarkan rakyat negeri ini memberi khidmat-khidmat sukarela di negara-negara Arab memandangkan konflik Arab-Israel sekarang ini.

Tun Haji Abdul Razak: Ya, Kerajaan akan memberi kebenaran kepada warga-negara-warganegara untuk menawarkan khidmat sukarela mereka kepada negara-negara Arab dalam perjuangan ini.

PERNAS—BARANG BUATAN CINA DIIMPOT

27. Tuan Hashim bin Gera minta Perdana Menteri menyatakan jenis-jenis barang buatan negeri Cina Komunis yang diimpot ke Malaysia oleh PERNAS sebagai wakil tunggal dan kejayaan yang telah dicapai.

Perdana Menteri: Oleh kerana PERNAS adalah sebuah syarikat awam atau public company soalan-soalan mengenainya akan dijawab di Mesyuarat Tahunannya dan hanya kepada pemegang-pemegang sahamnya sahaja.

RANG UNDANG-UNDANG

RANG UNDANG-UNDANG PERBEKALAN, 1974

DAN

USUL

ANGGARAN PEMBANGUNAN, 1974

Jawatankuasa

Aturan Urusan Mesyuarat dibacakan bagi menyambung semula Perbahasan dalam Jawatankuasa sebuah-buah Majlis (21hb Disember, 1973).

Majlis Mesyuarat menjadi Jawatankuasa

(Tuan Yang di-Pertua mempengerusikan Jawatankuasa)

Perbahasan disambung semula.

3.30 ptg.

JADUAL

Kepala B. 14 dan P. 14—

Raja Nong Chik bin Raja Ishak (Kuala Selangor): Tuan Pengerusi, saya

menyambung balik ucapan saya pada hari yang lalu oleh kerana Dewan ini ditangguhkan.

Di sini saya hendak bercakap sedikit di muka surat 96 dalam Buku Hijau, Kepala P. 14—Kementerian Pertanian dan Perikanan, Pecahan-kepala (1), Lembaga Pemasaran Pertanian Persekutuan. Saya hendak menegur sedikit berkenaan dengan Lembaga Pemasaran Pertanian Persekutuan. Jikalau kita baca dalam Buku Merah—Lembaga Pemasaran Pertanian, muka 214, Anggaran Belanjawan Kerajaan Persekutuan, memang elok sangat tujuan-tujuannya iaitu mengurangkan jurang perbezaan ekonomi antara kaum dengan memperbaiki kecekapan pemasaran untuk menentukan yang pengeluaran-pengeluaran hasil-hasil pertanian dan mendapat layanan yang adil, kos pemasaran dikurangkan dan kehendak-kehendak pengguna dipenuhi. Memang cukup elok bukan dipraktikkan tetapi adalah teorinya yang rakyat pada hari ini bukan hendak teori sahaja.

16 tahun kita telah menggunakan teori-teori begini, tetapi kehidupan rakyat terutama sekali pemasaran-pemasaran hasil petani-petani tidak langsung memuaskan. Dengan sebab itu, rakyat di kampung selama 16 tahun itu bahan-bahan pengeluarannya tak dapat hasil yang penuh, oleh kerana saya telah menyatakan, bahawa pada masa yang lalu iaitu oleh kerana cengkaman-cengkaman orang tengah. Dengan sebab itu 16 tahun lamanya mereka tidak mendapat layanan-layanan cuma dapat layanan di buku-buku menyatakan mengurangkan jurang perbezaan ekonomi dan seterusnya membasmu cara pengenalan kaum mengikut fungsi ekonomi dalam bidang pemasaran pertanian, membetulkan ketidakseimbangan ekonomi ikut daerah dan mengadakan lagi peluang-peluang kerja dalam bidang pemasaran pertanian dan menubuhkan perusahaan-perusahaan bercorak pertanian.

Dalam tahun 1972 apabila didesak Kementerian Pertanian dan Perikanan menyatakan harga kopi di kampung-kampung terutama sekali di Banting dan di Kuala Selangor begitu merosot, barulah dijalankan proses kopi di Banting. Yang dikehendaki ialah Kementerian Pertanian dan Perikanan mestilah menyiasat di atas perkara-perkara ini sebab sudah terlewat sangat dan hendaklah ditengokkan hasil rakyat di kampung-

kampung supaya dapat disalurkan dengan baik.

Sekarang saya sentuh berkenaan pelaksanaan, muka 214 juga. Bahagian ini menyediakan perkhidmatan dan melibatkan kerja urusan mesyuarat Lembaga. Lembaga atau badan ini sentiasa bermesyuarat dan terus bermesyuarat dan pengurusan kakitangannya, latihan, tender, perkara undang-undang dan akaun, peruntukan kawalan kewangan, pendaftaran fail-fail dan pentadbiran ibu pejabat. Saya nampak di sini penuh dengan Jawatankuasa Kerjanya dengan gerakan pengurusan kakitangannya, ini bagus, tetapi kerja untuk dilaksanakan di tempat-tempat yang dikehendaki oleh rakyat itu tersangat-sangat kurang sekali.

Saya juga hendak menyentuh sedikit berkenaan dengan Lembaga Kemajuan Ternak Negara P. 14, Pecahan-kepala 8. Lembaga Kemajuan Ternak Negara (National Livestock Development Authority). Ini sudah lama juga kita dengar. Kita dengar iaitu Lembaga ini telah membeli beberapa ekor lembu daripada luar negeri. Rakyat di kampung memang berkehendakan baka-baka lembu yang baik-baik, tetapi 16 tahun lamanya juga atau 17 tahun lama lepas merdeka lembu-lembu yang dihantar kepada rakyat adalah lembu-lembu yang kecil-kecil tidak boleh untuk dagingnya ataupun susunya kerana sedikit sangat, dibela bertahun-tahun tetapi dagingnya tidak berapa banyak, susunya tidak berapa banyak. Dengan sebab itu, saya dengar baru-baru ini dan saya juga baca dalam akhbar iaitu sekarang ini barulah Kerajaan membeli lembu-lembu baka yang baik-baik daripada Australia dan sebagainya. Saya harap dapat dikembangkan dengan seberapa segera dan diberi kepada orang-orang kampung bukan lembu-lembu yang kecil-kecil bakanya yang tidak dapat hasil yang mewah kepada rakyat.

Berkenaan dengan Lembaga Kemajuan Ikan Malaysia, P. 14 juga, Pecahan-kepala 9, muka 97. Penyiasatan ikan ini sudah lama juga dijalankan. Yang saya hendak dapat tahu iaitu ikan lampam yang dibela di air tawar, talapia, terus dengan lampam dan talapia di mana ikan lampam tulangnya banyak, talapia hanyih dan tidak disukai oleh orang ramai sebab tulangnya cukup banyak. Ikan ini senang dibela dan tidak payah diberi makan pun dia merebak. Inilah

yang dicurahkan dalam kolam yang diambil gambar, yang diambil oleh talivisyen, ikan ini yang dicurahkan, inilah yang dibesarkan. Tetapi adakah ikan-ikan ini memberi hasil kepada rakyat di kampung? Sampai sekarang belum lagi. Dengan sebab itu, rakyat berkehendakkan betul-betul disiasat apakah jenis ikan yang patut dibela supaya dapat memberi hasil kepada orang kampung baik pun ikan darat ataupun ikan laut yang dijalankan oleh negeri-negeri yang telah bertamadun. Tetapi jikalau cuma menyiasat dengan memakan belanja yang beratus-ratus juta ringgit untuk menyiasat dan terus menyiasat, tetapi orang-orang kampung kita ternanti-nanti juga begini. Ini tidaklah disukai oleh orang ramai.

Saya masuk kepada perkara berkenaan dengan taliair. Ada satu taliair di Selangor terus-menerus iaitu di Sungai Labu, yang hampir 12 tahun lamanya, ada satu kapal korek yang diambil daripada England. Kapal korek ini terus mengorek. Barangkali gerak kapal korek ini lebih laju dari semut berjalan. Sudah dekat 12 tahun, Sungai Labu itu bukan panjang, tidak berapa panjang, belum siap asyik rosak dan terus rosak. Jadi belanja terus belanja tetapi begitu juga kapal koreknya, bah begitu juga. Dengan sebab itu, pejabat yang berkenaan ini mesti menengokkan supaya kapal-kapal yang tidak berguna macam ini kerana hendak beli daripada England sahaja, tetapi tidak digunakan adalah membazirkan wang Kerajaan dan wang rakyat.

Selain daripada itu, saya mintalah kepada Kementerian Pertanian dan Perikanan, kerana saya minta sangat-sangat bahawa harapan orang ramai terutama sekali bumiputra yang duduk di kampung sebab ramai Bumiputra yang hidup kerana tani, minta sangatlah kepada Kementerian ini jujur benar-benar untuk meninggikan taraf hidup orang-orang kampung ini. Kerana mereka ini selalu menengokkan yang Kementerian ini menjalankan tugas-tugasnya. Jikalau Kementerian ini tidak dapat menjalankan tugas-tugas dengan sebenarnya, maka sayang sekali apa yang dikehendaki oleh orang kampung akan gagal belaka.

Selain daripada itu, saya juga hendak menyentuh sedikit berkenaan dahulu saya telah bercakap juga berkenaan padi atau beras. Apabila saya bercakap berkenaan padi Menteri yang berkenaan telah menyatakan

tidak payah tanam padi sebanyak-banyak. Kita cukup dengan 80 peratus atau 75 peratus padi. Kita tidak hendak self-sufficient. Kita tidak hendak berdiri di atas kaki sendiri berkenaan beras. Kita impot 25 peratus ataupun 20 peratus cukuplah sebab apabila beras sudah banyak susah kita, sebab orang kampung sudah jadi begitu dan begini. Tetapi pada hari ini apa telah jadi? Beras telah menjadi mahal. Saya harap Yang Amat Berhormat Perdana Menteri pada masa akan datang kita akan menanam 100 peratus atau 100 peratus lebih lagi padi supaya dapat menghasilkan bukan sahaja untuk rakyat di dalam negeri, tetapi juga untuk eksport beras kita keluar negeri. Saya harap Jabatan Pertanian atau Kementerian Pertanian betul-betul mengusahakan di atas perkara ini sebab jikalau tidak diusahakan betul-betul padi atau beras akan kekurangan tetapi orang ramai akan bertambah di Malaysia ini, orang ramai akan terus beranak pinak dan terus ramai dan terus ramai. Jikalau kita tidak jalankan menanam padi dengan seluas-luasnya, maka nanti satu hari akan datang bukan sahaja \$3.80 segantang padi, tetapi boleh jadi \$7 segantang beras sepertimana di Singapura dan juga negeri Jepun.

Sekianlah sahaja, Tuan Pengerusi, ucapan saya yang seberapa ringkas dan saya sokong di atas usul ini.

3.50 *ptg.*

Tuan Latip bin Haji Dris (Mukah): Tuan Pengerusi, mengenai Kementerian Pertanian dan Perikanan P. 14, ingin saya sentuh dengan ringkas mengenai dua, tiga perkara yang sangat perlu kepada rakyat yang disifatkan seperti petani, peladang dan nelayan di negeri Sarawak. Kementerian ini adalah salah satu Kementerian yang bertanggungjawab di segi ekonomi dan pertanian negara pada keseluruhannya yang menjadi tulang belakang rakyat Malaysia seluruhnya.

Pertamanya saya suka menarik perhatian pihak yang berkenaan di muka 97, Pecahan-kepala 15—MARDI. Bagi negeri Sarawak yang mendapat peruntukan Pembangunan berjumlah \$200,000, MARDI seperti yang saya ketahui ialah bertanggungjawab bagi menjalankan penyelidikan teknik dan juga memberi segala nasihat bagi memproses segala jenis tanaman, ternakan dan perikanan

air tawar di negara ini yang saya rasa Sarawak tidak ketinggalan. Saya minta MARDI mencari satu jalan mengikut penyelidikan dari segi sains tentang perkara tepong sagu yang telah begitu lama menjadi hasil pertanian yang diekspot dari Sarawak. Walaupun begitu, tepong itu jika dinilai dengan harga benda-benda yang lain pengeluaran negara ini adalah yang paling rendah sekarang, dan kebanyakan tanaman sagu kebun kecil di Sarawak yang hampir 100% dipunyai rakyat kaum bumiputra adalah yang telah tumbuh berkurun-kurun sebagai tanaman asli di negeri itu. Rakyat bumiputra di Sarawak anggapkan kebun sagu itu adalah salah satu yang penting kepada mereka samada untuk makan sendiri ataupun dari segi ekonomi rakyat yang berkenaan.

Tuan Pengerusi, di muka 99, Pecahan-kepala 40, mempelbagaikan Pertanian yang mana negeri Sarawak mendapat tambahan peruntukan sebanyak \$2,692,379. Saya berharap dengan adanya tambahan yang agak lumayan ini bantuan harus juga diberi kepada penanam-penanam kebun kecil sagu seperti bantuan yang telah diberi kepada tanaman yang lain seperti kelapa dan sebagainya untuk memajukan lagi tanaman sagu di Sarawak untuk faedah rakyat yang miskin di luar-luar bandar. Seperti diketahui baru-baru ini satu syarikat di negeri Brunei juga hendak membeli batang sagu dari Sarawak dan juga satu syarikat yang berkongsi dengan modal luar negeri akan dibuat di Sibu untuk memproses tepong sagu. Dengan adanya galakan ini, saya percaya pihak Kerajaan tidak teragak-agak memberi bantuan yang berpatutan kepada penanam sagu bagi kepentingan negara di dalam jangka pendek ataupun jangka panjang.

Di muka 114, pecahan-kepala 151. Terusan dan Membersihkan Sungai. Sarawak mendapat tambahan cuma \$10,000 sahaja. Jika ditilik dari segi keadaan kaum peladang atau petani di negeri Sarawak yang bertaburan di sana sini di kawasan-kawasan ulu-ulu sungai kecil dan pendalaman tidaklah dapat hendak mengubah keadaan yang sebenarnya jika dipandang dengan tambahan yang ada sekarang. Oleh itu, saya ingin sebut di sini boleh juga menjadi satu sebab kekurangan atau tidak ada terusan ataupun anak-anak sungai yang tidak dibersihkan, banjir tiap-tiap tahun di ulu kawasan daerah saya di tanah rendah yang merosakkan tanaman beratus atau beribu ekar pertamanya padi

yang menimpa kerugian kepada petani yang miskin yang sangat mendukacitakan. Saya syorkan kepada pihak yang berkenaan perkara ini harus diberi pertimbangan bagi tambahan peruntukan di masa yang akan datang bagi kemajuan pertanian dan perikanan atau ternakan yang boleh mengubah keadaan hidup rakyat yang kita harapkan.

Tuan Haji Abdul Wahab bin Yunus (Dungun): Tuan Pengerusi, saya ingin bercakap secara ringkas sahaja dalam beberapa perkara. Pertama dalam perkara B. 14 iaitu di muka 91 iaitu dalam perkara pertanian. Saya ingin mengambil perhatian berkait dengan kedudukan di tempat saya sekarang khususnya, dan amnya di pantai timur di mana keadaan banjir selalu berlaku. Setiap kali musim banjir musnahlah tanaman-tanaman mereka. Saya minta kepada Kementerian yang berkenaan supaya mengkaji hal ini agar dapat mengelakkan tanamannya daripada dimusnahkan oleh banjir. Misalnya, ditukar musim penanaman itu supaya musim banjir itu orang tidak bertanam lagi.

Tuan Pengerusi, selain daripada itu, saya ingin menarik perhatian dalam hal ini tentang kedudukan orang-orang di kampung kita yang selain daripada tanaman padi masih banyak menggunakan cara pertanian yang tidak begitu memuaskan iaitu cara lama dan belum moden lagi. Jadi saya minta supaya Menteri yang berkenaan berusaha bersungguh-sungguh untuk memodenkan cara tanaman mereka dengan membanyakkan penerangan-penerangan, kursus-kursus dan wayang-wayang gambar supaya orang-orang kampung dapat benar-benar mengikut apa yang dikehendaki oleh kita. Saya bersetuju sedikit sebanyak tentang beberapa usaha yang dijalankan oleh pegawai-pegawai yang berkenaan di kampung-kampung, tetapi kadang-kadang cara-cara dan perjalanan itu tidak memuaskan, kerana hanya diberi syarahan di masa civic course yang dianjurkan oleh Jabatan Penerangan sahaja dan tidak ditumpukan kepada pengajaran-pengajaran yang bersungguh bagi orang-orang kampung. Saya fikir, Tuan Yang di-Pertua, kalau kita hantar di satu-satu institute atau di satu-satu pusat untuk memberi pengajaran tentulah memakan wang yang banyak, tetapi kalau pegawai-pegawai yang berkenaan pergi ke sana dengan memberi pengajaran apa yang mereka tahu, itu adalah lebih baik.

Tuan Pengerusi, dalam perkara pertanian ini saya nampak ada satu perkara yang kurang memuaskan ialah berhubung dengan musuh-musuh tanaman. Saya dapati sekarang ini banyak musuh-musuh tanaman seperti serangga halus yang menyerang tanaman, kalau di tempat saya misalnya ulat yang menyerang pokok kelapa yang tidak tahu namanya. Kalau Menteri yang berkenaan pergi ke Trengganu, khasnya di Dungun akan didapati banyak ulat-ulat yang menyerang pokok-pokok kelapa yang tidak boleh dimatikan dengan racun-racun yang ada di masa ini di Jabatan Pertanian yang berkenaan. Jadi saya fikir hal ini harus diambil perhatian dengan mencari jalan dan usaha supaya dapat menyerang atau menghapuskan ulat-ulat itu supaya pokok-pokok kelapa itu tidak tinggal pelepah sahaja dan daun-daunnya tidak dimakan oleh ulat yang berkenaan.

Tuan Pengerusi, selain daripada ulat-ulat itu, musuh yang lain ialah babi hutan. Babi hutan ini, di kampung-kampung kuat benar menyerang. Apatah lagi dengan banyaknya pembukaan-pembukaan rancangan oleh FELDA, FELCRA dan SEDC dan sebagainya, maka babi hutan ini tak ada tempat hendak tinggal. Maka dia serang kebun-kebun orang kampung. Jadi, Tuan Pengerusi, cukup sedih apakala orang-orang kampung menanam ubi dan kacang dimakan oleh babi ini. Jadi usaha selama sebulan dua itu penat sahaja, insuran tidak ada, kalau lain-lain hal boleh claim insurance, kalau dalam tanaman ini habis sahaja. Usaha yang selama itu terbengkalai. Jadi sepatutnya hal ini misti dicari jalan bagaimana caranya memusnahkan babi-babi hutan ini. Tambahan pula, Jabatan Mergastua melarang membunuh babi dan akan dikenakan denda sebanyak kadar yang tertentu kalau dibunuh babi hutan ini. Babi ini boleh di tembak dalam tanah kita, tetapi hendaklah beritahu pegawai-pegawai yang berkenaan. Maka dalam masalah ini, saya rasa patutlah diambil perhatian iaitu adakan kerjasama antara pihak Jabatan Mergastua dan Jabatan Pertanian untuk memusnahkan babi hutan ini untuk menyenangkan orang-orang kampung.

(Tuan (Timbalan) Yang di-Pertua *mem-pengerusikan Jawatankuasa*).

Saya rasa ini oleh kerana tidak ada kerjasama antara pihak Pusat Kaji Teknik

Makanan dan juga pihak Perbadanan-perbadanan Kerajaan yang lain yang dapat mengadakan usaha besar-besaran dalam perkara tersebut.

Tuan Pengerusi, perkara yang saya ingin sebutkan ialah berhubung dengan parit dan taliair. Berkenaan dengan parit dan taliair ini, saya dapati hari ini pihak Kerajaan masih tidak mengadakan satu kajian yang sungguh-sungguh kerana kita dapati sebagaimana yang telah berlaku pada masa ini di mana banjir makin kuat. Setahu saya banjir makin kuat, kalau kawasan bandar ialah kerana tempat lurah ataupun di tempat-tempat yang rendah telah ditambun dibuat rumah batu dan sebagainya. Jadi tempat air itu mengalir tidak ada, kerana di situ ada bangunan sedangkan Jabatan Parit dan Tali-air tidak berusaha mengalirkan air itu bagaimana salurannya, saluran besar, saluran kecil, penyusunan dengan lebih sempurna tidak dibuat yang sepatutnya dibuat bukan sahaja di Kuala Lumpur, tetapi di tiap-tiap Negeri dan tiap-tiap daerah. Kalau berlaku begitu, maka air itu akan dapat mengalir ke laut dengan lebih cepat tidak seperti sekarang terpaksa bertakung begitu lama di mana kalau dahulu tempat itu tidak banjir, sekarang banjir; tempat itu tidak tenggelam air, sekarang tenggelam air. Itu kerana cara-cara Jabatan Parit ini tidak memuaskan tambahan pula kita dapati hutan-hutan yang besar, pokok-pokok besar yang dapat membendung pengaliran air telah tidak ada, oleh sebab pembukaan-pembukaan tanah yang begitu rancak yang dijalankan oleh Kerajaan pada masa ini.

Selain daripada itu, saya ingin menyebutkan tentang perikanan. Dalam perkara perikanan, memang sehingga hari ini masih kurang memuaskan. Kita dapati kehidupan kaum nelayan masih mendukacitakan. Ini saya rasa kerana tidak ada penegasan tentang dasar pokoknya, dan perlaksanaannya pun tidak begitu memuaskan.

Saya ingin menyebutkan sekarang di mana kaum nelayan sangat sulit benar untuk menangkap ikan dan mereka itu menangkap ikan dengan cara bubu sekarang tersangatlah sulit.

Pertama, kerana ikan tidak ada.

Yang kedua, kalau pergi terlampau jauh akan mendapat ancaman daripada musuh-musuh luar, misalnya musuh-musuh yang

dapat menghapuskan bubu yang dihantar ataupun ditahan di tengah laut. Di tepi laut tidak ada ikan pula. Ini patut diambil perhatian supaya apakah jalannya untuk mengatasi kesulitan itu? Bilangan mereka bukanlah sedikit malah beribu-ribu di seluruh negara. Kalau kita biarkan begitu nanti motornya akan menjadi rosak begitu sahaja dan enjinnya akan menjadi musnah. Tetapi saya dapat tahu di setengah-setengah tempat itu ada dibawa motor-motor besar untuk menjalankan pukut tunda. Saya tahu misalnya di Kuantan di ambil motor-motor daripada Kuala Selangor, Pulau Pinang untuk menjalankan perusahaan menangkap ikan di Kuantan, tetapi orang-orang di sini, saya tidak tahu samada suka atau tidak suka, tetapi ini adalah perkara yang berlaku yang menimbulkan perasaan tidak puas hati.

Benar, adanya usaha-usaha ini dengan cara dan kerjasama pihak syarikat-syarikat perikanan dan sebagainya di sana, tetapi cara mengambil orang-orang daripada Selangor dan daripada tempat-tempat lain untuk berusaha di sini kurang mendatangkan puas hati oleh kaum nelayan di tempat yang berkenaan. Saya rasa hal ini harus diambil perhatian.

Berkenaan dengan haiwan. Saya ingin sebutkan di sini kita mengatakan tak cukup makan, tak cukup zat, tak cukup daging dan sebagainya. Bebanan ini mestilah mahu atau tidak mahu dipikul oleh Jabatan Haiwan, sehingga hari ini kita masih belum berjaya mengeluarkan lembu-lembu yang mencukupi mengeluarkan makanan daging secukupnya. Hatta harga daging sampai \$3.00 setahu saya di Kuala Lumpur \$3.20 seketi. Sepatutnya daging ini mestilah dimurahkan supaya rakyat kita dapat makan daging yang mendatangkan fikiran yang lebih baik, mendatangkan otak yang lebih sihat, tetapi oleh kerana daging di negeri kita ini terlampau mahal rakyat tak dapat hendak membelinya, orang miskin langsung tak boleh beli daging, kerana terlampau mahal tambahan pula kalau keluarganya ramai langsung tak boleh membeli daging. Saya rasa patut kita galakkan benar orang kampung memelihara binatang-binatang itu samada kerbau ataupun lembu. Saya tertarik benar dengan ternakan lembu.

Saya dapat tahu sekarang ini pihak Jabatan Haiwan ada memberi lembu kepada orang-orang kampung, tetapi saya rasa cara

pemberian itu tidak begitu menghasilkan malah bertambah banyak pengeluaran lembu di kampung-kampung kerana diberi dengan secara berasingan, seorang itu bawa pergi dengan hajatnya sendiri, tidak ada padang disediakan oleh Jabatan Pertanian, tidak ada tempat hendak beri makan, tak ada rumput untuk memberi makan lembu-lembu itu. Sepatutnya dikumpulkan orang-orang itu dengan diberi 50-100 ekor kemudian tuannya berapa, misalnya kalau 2 ekor seorang, 50 orang baru 100 ekor disediakan padang sampai 500 ekor ataupun 1,000 ekar supaya lembu-lembu itu dapat diberi makan di padang-padang yang berkenaan. Sekarang tidak, hanya dapat memelihara dalam kebun-kebun getah dekat rumahnya sahaja. Kadang-kadang mendatangkan perbalahan antara orang kampung sama orang kampung. Si A ada lembu kerana pihak Jabatan Haiwan memberinya. Si B menyatakan Jabatan Haiwan tak suka dia, orang besar tak suka jadi tak dapat lembu. Jadi lembu si A itu terlepas daripada rumah maka diketok dengan pisau oleh si B kerana marah. Sebetulnya dia sakit hati kepada pertimbangan memberikan lembu itu, kerana dia tidak dapat lembu maka berlakulah perbalahan.

Saya rasa cara seperti ini adalah tidak memuaskan, sepatutnya dikaji semula bagaimana pengeluaran daging kita ini dapat dibanyakkan dan orang kampung dapat mengeluarkan lembu yang sungguh-sungguh baik dan tidak banyak seperti yang ada pada hari ini. Walaupun Kerajaan telah beri lembu pawah kepada orang kampung, tetapi hasilnya tidak begitu memuaskan. Itulah sahaja pandangan saya, Tuan Pengerusi.

Tuan Ng Hoe Hun (Larut Selatan): *(Dengan izin)* Tuan Pengerusi, I wish to speak on the subject of Kementerian Pertanian dan Perikanan, Kepala 14—Gaji dan Upahan, Kod 1100, under which the Ministry has asked for a sum of \$16,143,000, and I wish to speak especially on what the officers in the Kementerian Pertanian are doing for the Agriculture of this country.

For a sum of \$16 million, which this country is paying to the officers in the Kementerian Pertanian, I want to know what have they actually done; what benefits have the people and the country obtained from the \$16 million that has been given to them? As far as I can see nothing has been

done. I would like to point out to you, Sir, that in the field of agriculture there are three main topics that are most important to our country and that is the use of weedicides, the use of pesticides and the use of insecticides. Now, in the case of these three—pesticides, insecticides and weedicides—the Department of Agriculture has not even developed a chemical of our own to contain diseases that are prevalent in our country. We have been depending a lot on the importation of weedicides, insecticides and fungicides into our country. This is detrimental to the farmers and the plantation owners of this country.

Now, I suggest, Sir, that with all this money, the technical know-how and the officers in the higher divisions and all that, Kementerian Pertanian should try to develop a chemical of our own to combat our own plant diseases instead of depending on foreign fungicides, pesticides and insecticides to contain our plant diseases. Now this is bad, Sir. I would give you an example.

In the case of weedicides, i.e. poisons that we apply to the grass, the main grass that is prevalent in our country is the lalang or if you would like to call it in its technical name, the *imperatta cylindrica*. This weed is rampant in this country. Nobody seems to be able to cure it. But I have been to South Thailand and I have seen that the Siamese have done away with lalang. By which method, Sir? They use the *lembu* to get rid of the lalang and if you were to take a drive up to Yala you will find that there is no lalang there on the side of the road, but if you take a ride from Singapore to Padang Besar you will find the roadsides infested with lalang. Lalang is a very tenacious grower. It is a surface rooter, that means, it has got roots that go through the ground and it is very difficult to get rid of it because you can get rid of the surface growth with chemicals but the root, the tubers, cannot be got rid of. It is very difficult and it costs a lot of money. Foreign capitalists have introduced a weedicide called the "Dalapon", Shell calls it the "Shellapon" and there is also "Lalapon". It is supposed to kill lalang. Sir, it is true that these weedicides do kill lalang, but it will take three sprayings and furthermore with our sort of climate where it rains all the time it costs the farmer a lot of money

to spray so often and this "Dalapon", "Lalapon" and the others are very expensive; it costs in the region of \$11.00 per five-pound bag and one five-pound bag can only be mixed with 44 gallons of water and that sprays only a limited space and it does not kill on the first spraying. Out of all this money that has been asked for by the Kementerian Pertanian, I want to ask the officers to go about conscientiously developing a weedicide of our own to kill our broad-leafed weeds or lalang and all the other weeds like the cow-grass—the technical name for the cow-grass is

Tuan Pengerusi: Don't worry about technical names.

Tuan Ng Hoe Hun: Fair enough. Now, coming back to the pesticides, pesticides are chemical poisons that are used to spray on the insects, pest, butterflies, moths, beetles, etc. that are prevalent in the country. The Member of Parliament for Dungun has just mentioned that in the East Coast the coconut crop has been devastated by a sort of insect or a caterpillar—I do not know which; the Jabatan Pertanian might be able to enlighten me on what sort of insects have been attacking—and he says that no insecticides is available to contain this pest. Now, what is the Department of Agriculture doing about it? What insecticides are they using? Are they using systemic insecticides or are they using the contact insecticides, or else what insecticides are they using to help the coconut planters in Trengganu in the East Coast? Out of this money they have not even developed an insecticide of their own. Shame on them, Sir! We have been depending

Tuan Pengerusi: Yang Berhormat has been repeating this and wasting the time of the House. Would you just make it short. We are in Committee now. You can go directly to the service. You are going round and round in a circle saying the same things.

Tuan Ng Hoe Hun: I want to impress on the Department of Agriculture and the staff. They are getting money for something, you know, and the public expects them to give us some return for all the money that we are spending on them. They are asking us for \$16 million \$16 million for what.

Tuan Pengerusi: Yang Berhormat has already said that time and again.

Tuan Ng Hoe Hun: Yes, I know, but I am trying to impress on the officers

Tuan Pengerusi: There is no need to repeat it anymore.

Tuan Ng Hoe Hun: But this is on a different line, Sir.

Tuan Pengerusi: No, you are talking about the Department

Tuan Ng Hoe Hun: I talked about weedicides. Now I am talking about insecticides and the problem in the East Coast which involves them. It is very important and the coconut industry in the East Coast will be a flop if the officers here do not take heed of what I say. Now, Sir, you must help me out also, Sir, to impress upon them

Tuan Pengerusi: No, you covered the same thing just now. Don't waste the time of the House. The point has been well taken now.

Tuan Ng Hoe Hun: I request the Department of Agriculture to develop a systemic insecticide or a contact insecticide of our own so that we can sell it to the farmers and the farmers can benefit instead of depending on foreign imports which cost the country millions of dollars. Now, Sir, I go back now to fungicides. Fungicides

Tuan Pengerusi: You have said so many things on all the "cides" now. If you are not going to heed my advice, then the Chair will have to ask you to sit down.

Tuan Ng Hoe Hun: Fair enough! I will go away from the "cides" now.

Tuan Pengerusi: Yes.

Tuan Ng Hoe Hun: Now I would go into the import of plants into this country.

Tuan Pengerusi: Which particular item?

Tuan Ng Hoe Hun: Under the same item, Kod 1100—Gaji dan Upahan. Officers are engaged to make sure that plants do not come into this country illegally.

Tuan Pengerusi: That is okay.

Tuan Ng Hoe Hun: Now, Sir, the Perdana Menteri has asked the farmers in our country to grow more food and the Finance Minister has stepped in by a 100 per cent increase in the tax on the import of fruits into our country. You agree with me there, Sir? This is to induce the farmers to grow more but the Department of Agriculture is not helping out the farmers to grow more fruits. I will quote an example, Sir. It happened to me. I wished to plant orange trees in my farm. The Finance Minister asked us to plant fruit trees and the Perdana Menteri also asks us to plant various things. I applied for a permit from the Department of Agriculture to import Mandarin orange plants from our neighbour, Thailand. They grow a lot of oranges there and they export oranges to us. But what did the Department of Agriculture do, Sir? They told me that orange plants are not to be imported into this country. I have seen the Minister of Agriculture about it, and he says: "Apa boleh buat." This is not helping the country. The law that says that you cannot import mandarin orange plants into this country is a British law. It was enacted by the British. Now we are independent. I wish the Department of Agriculture to help the farmers, to give them the chance to import plants from Thailand or from Indonesia or from China freely. Of course, they will abide by the conditions that the Department puts down: that the plants must be sprayed with insecticides, the roots must be dipped into mercurial dressing

Tuan Pengerusi: You are coming back to "cides" again.

Tuan Ng Hoe Hun: No, Sir. Be patient with me, Sir, I would not mention the "cides" again. (*Ketawa*).

Now, Sir, I have tried and the Department of Agriculture has told me, "You can buy orange plants from the Cameron Highlands, you can buy them from Pahang, or you can buy them from the Fraser's Hill." That is fair enough. If you try and buy one plant from them, it costs you \$5 per plant. I have tried it, and don't say I have not. The Department of Agriculture cannot supply these plants. They ask us to plant these trees but they cannot supply us with the necessary plants. This is useless. What sort of officers have you got in that Department? They ask

us to plant, but when we apply, they say "cannot." The Prime Minister asks us to plant the Minister of Finance helps us with the tax, but yet they are not helping. Sir, is this the attitude of the officers in the Kementerian Pertanian—not to help the farmers to grow more oranges for the country?

Sir, coming back to the price of an orange plant in Siam, it costs only \$1 or even \$0.50 per plant there. I cannot buy them legally through the Department, but I can buy them illegally through people who smuggle them in. So, where is the solution? The Jabatan Pertanian says, "You cannot import them." But people have been smuggling them in like the case of rice. The smugglers are helping to bring them in. But I dare not plant the smuggled ones because the officers of the Department would come to my farm and say, "Where did you get all these plants from?" Then they will put me under lock-up. So, this attitude of the officers or the pegawai-pegawai of the Jabatan Pertanian tidak baik. They must change with the times and they must conform to the wishes of the Prime Minister and the Minister of Finance to help the country. That is one thing.

Another thing, Sir, is this. You are also an agriculturalist and a lover of the soil and a lover of fruits. You know that, if you want to take one plant from Parliament House to your house to plant it, the plant must be a living plant. That means that the plant must have soil around it. Jikalau ditot, mesti ada tanah. Kalau tidak ada tanah mana boleh jadi. Akar tidak jadi, pokok itu tidak boleh hidup, mesti mati. Betul. Jikalau saya ambil satu permit dari Jabatan Pertanian mengimpot durian, dia bagi; mengimpot duku langsung, tetapi tidak boleh lebih 50 pokok satu tahun untuk satu orang. Dan saya pergi di negeri Siam, beli pokok ini dan balik ke negeri kita, dia cakap tidak boleh bawa balik ke Malaysia, sebab ada tanah. Saya kata

Tuan Pengerusi: Saya ingat, soal impot ini adalah perkara polisi Kerajaan. Cuma Yang Berhormat boleh tegur atas perjalanan khidmat pegawai-pegawai tadi. Impot-impot ini adalah perkara polisi.

Tuan Ng Hoe Hun: Inilah yang saya cakap berkenaan polisi.

Tuan Pengerusi: Ini bukan polisi. Dalam Committee tidak boleh cakap mengenai polisi, cakaplah dengan khidmat (service) sahaja.

Tuan Ng Hoe Hun: Kita ada peruntukkan sebanyak \$16 juta yang dibayar kepada mereka. Saya hendak beritahu kepada mereka bahawa hendaklah tukar (change) polisi ini. Polisi Kementerian Pertanian tidak betul!

Tuan Pengerusi: Itulah tidak boleh disentuh sekarang ini. Dahulu lagi patut Yang Berhormat cakap atas polisi ini. Sekarang ini tidak boleh.

Tuan Ng Hoe Hun: Saya tidak mengerti, Tuan Pengerusi. Will you please explain to me? I am not very clear.

Tuan Pengerusi: Dalam Second Reading dahulu Yang Berhormat boleh sentuh berkenaan dengan polisi Kerajaan. Dalam Jawatankuasa kita berbahas atas khidmat, iaitu buruk baiknya Kerajaan, jabatan-jabatan di bawah satu-satu Kementerian.

Tuan Ng Hoe Hun: Mr Chairman, Sir, if you will please forgive me, I would read Standing Order 66 (12), which says:

"On the question, "*That the sum of \$..... for head..... stand part of the schedule*", debate shall be confined to the policy of the service for which the money is to be provided and shall not deal with the details of expenditure"

So, I am not dealing with details, Sir. I am just talking about

Tuan Pengerusi: Atas policy of the service, dasar samada benar atau tak benar dibawa masuk barang, itu polisi Kerajaan.

Tuan Ng Hoe Hun: Ya. Di Kementerian Pertanian ada pegawai-pegawai dan mereka ada dapat pendapatan dari Kerajaan Malaysia, dan jika mereka tidak tahu dalam undang-undang atau polisi berkenaan dengan pokok-pokok dan tanah-tanah yang dibawa ke negara kita, apa saya boleh buat. Saya minta mereka menukarkan undang-undang ini.

Tuan Pengerusi: Pegawai menjalankan polisi Kerajaan. Dia tidak boleh pergi lebih

atau kurang daripada polisi Kerajaan. Yang Berhormat bercakap berkenaan dengan hendak bawa masuk barang dan sebagainya. Itu adalah polisi Kerajaan. Kalau hendak tegur atas policy service mengenai kerja mereka itu boleh, atas pekerjaan masing-masing atau jabatan.

Tuan Ng Hoe Hun: Service boleh. Ini berkenaan dengan perkara-perkara service sebab mereka ada service di Jabatan Pertanian. Saya hendak cakap supaya beri mereka tahu service itu. Ini service mereka hendak carry out for the people of this country. In view of that, Sir, I ask them to understand that you cannot restrict the importation of a plant without soil. They say, "You cannot import the plant with attachment of sawdust." Sawdust also cannot be imported! So how does the country benefit if the pegawai-pegawai di Jabatan Pertanian act like that? As a result, the Perdana Menteri's message will be null and void. How can we grow oranges, how can we grow durians, how can we grow duku langsung, if we cannot import the plants with sawdust? This is not soil. But the officers in the border say that this is soil, because they say that in time to come this will degenerate into soil. So, where do the public stand on this issue? Where do I stand on this issue when I want to import a plant? I cannot import it. They are not helping the country. We are spending \$16 million for nothing. That is why I am here debating this point. I want to point out to them that their policy is wrong. They should allow the plants to come in with soil, otherwise the plants would die. When I go to Siam and come back, my shoes are full of soil too. Then why do they allow my shoes to come in? When my car goes to Siam, its tyres are full of soil as it crosses Changloon and comes back into Perlis. Why do they allow my tyres to come in? It is a wrong attitude, Sir. We are spending \$16 million for what?

Tuan Pengerusi: All right. You have said enough on that. Now touch on another subject matter.

Tuan Ng Hoe Hun: Fair enough. I tell you another story.

Tuan Pengerusi: Not story? (*Ketawa*).

Tuan Ng Hoe Hun: This is in regard to goats, Sir. Kementerian Pertanian has officers who are in charge of goats.

Tuan Pengerusi: In charge of what?

Tuan Ng Hoe Hun: Goats, kambing-kambing, Sir.

Tuan Pengerusi: Officers in charge of goats? (*Ketawa*).

Tuan Ng Hoe Hun: Yes, I do not know whether they are goats or not. But they keep goats in the Veterinary Department, the Jabatan Haiwan. When a person is interested in goats and writes to the Veterinary Department for their special type of goats to be reared in the kampungs and all that, you know what they say, Sir? They say, "Tidak ada kambing. Kementerian ini tidak jual kambing". But in the House here the Minister of Agriculture says, "Oh! We have goats. Whoever applies for goats can get them". So, my constituents asked me to write a letter on their behalf asking for goats of the variety of "Anglo-Nubian"—that is the one with long ears. So, I wrote on their behalf. The Kementerian said, "Tidak ada goats." The Minister in this House said, "Ada goats." So, what sort of officers have we got in the Ministry? Are they helping the country?

Tuan Pengerusi: All right, kambing, lembu tidak mahu sentuh lagi?

Tuan Ng Hoe Hun: Now I will talk about cows, Sir. (*Ketawa*) The policy of the Government, the policy of the pegawai-pegawai Kementerian in this country with regard to cows is that we must improve the strain of our cows. So they import a lot of bulls and cow—the *Santa Gertrudes* from Texas, the *Fresians* and a lot of other strains too, to help increase the weight of our cattle. This is very good. I congratulate the Department and the officers concerned for doing this.

But, Sir, the local cattle in this country are the local Indian cattle which are very thin—you must have seen them along the road—and their conversion of food to meat is very poor. The Department of Veterinary officers know about this. Yet they ask the local people to go ahead and breed this sort

of cattle. This is wrong. We should do away with this sort of cattle. The officers in the Department of Veterinary should concentrate their effort in breeding a strain of cattle which is able to convert the roughest of roughage found in Malaysia into food but the local Indian variety is not capable of doing it. The Trengganu/Kelantan variety has got some Siamese strain in it and it is a good converter of roughage into meat. This they have understood, but it is still not good.

Now, the best strain so far I have seen with my eyes when I toured South Thailand is the Siamese cattle. I have never seen a Siamese beef cattle that is thin. They are all fat, rich, lemak. (*Ketawa*) And they are able to convert the roughest of roughage found in South Thailand into meat. Now why can't our officers do that? They say, "Yes, we will do it". But when I wrote a letter to them asking for a permit to import cattle from Thailand, they said, "No, tidak boleh". Why? You asked me on the one hand to rear cattle and I say this is the best—and they agree this is the best—and on the other hand when I asked, "Give me the permit to import ten", they replied, "Tidak boleh dapat."

Tuan Pengerusi: Okay, enough on cattle, go to another subject.

Tuan Ng Hoe Hun: Thank you. Going back to goats and cattle, they need food. Right? The policy of the Department of Veterinary is to rear cattle and to increase the heads of cattle and goats in our country. But we have neglected one important item, i.e., grass husbandry. Now, have they done anything about grass husbandry? Are they teaching grass husbandry in the University of Agriculture or the College of Agriculture? No! So I implore the pegawai-pegawai in the Department of Agriculture to look into this matter closely, because the growing of grass in our country is most important if our dairy, goat and beef industry is going to be a success.

Sir, going back to wild pigs, the Honourable Member for Dungun just now mentioned that wild pigs atau kerbau-kerbau pendik are running hell in his constituency and that they are just running through the tapioca plantations, maize plantations, etc., with no help from the Game Department. Now I understand his problems too, because I am a shooter myself. To get a licence to shoot a

pig, it costs \$100 per six months, if I am not mistaken. It is very expensive and no person can afford to shoot wild pigs with a licensed gun at \$100 for six months. So I implore the Game Department to turunkan the fee for a licence to shoot wild pigs, and forgetting that to shoot a punai you need a licence, to own a gun you need a licence, to shoot wild ducks you need another licence—except to shoot flying fox where you don't need a licence, but you must shoot between 7 p.m. and 12.00 midnight. (*Ketawa*) So I implore the officers in the Game Department to reduce the fee payable for a licence to hunt wild pigs, so that everybody can enjoy in the sport and control the menace of wild pigs that is rampant in the East Coast and also in the tapioca plantations in my home State.

Tuan Pengerusi: Panjang lagikah Ahli Yang Berhormat?

Tuan Ng Hoe Hun: It is coming to the end, Sir, so be patient with me. Finally, I come to the question of padi fields. We have heard in this Dewan here that many of the Ahli-ahli Yang Berhormat were complaining that the ikan keli and the ikan sepat in the padi fields are being depleted. Why? It is because weedicides and pesticides are used. I am sorry this has got to come forward again—weedicides and pesticides. Now we have asked Kementerian Pertanian and Perikanan to look into this matter as to why the kampung people and the padi planters are not getting sufficient quantities and sufficient supply of fish from their bendangs. Now, I believe a report was made one or two years ago by a few pegawai-pegawai Kementerian Pertanian and Perikanan berkenaan dengan masalah tidak ada cukup ikan di bendang dan mereka ada membuat satu laporan dan laporan itu ada diterbitkan dalam Malaysian Agricultural Journal dan saya hendak tahu apakah sebabnya sampai sekarang laporan itu tidak diberitahu kepada rakyat, rakyat yang menanam padi di kawasan-kawasan yang bertanam padi. Why is this Report not given to the farmers themselves and why have they not advised the farmers that because of the use of insecticides and pesticides, they are killing the fish population in the country and why are the officers not following up their investigation to advise the farmers that they must do this and that, so that the fish population in the bendang-bendang will increased so as to benefit the

rakyat? Now I implore the officers in the Ministry of Agriculture and Fisheries to look into this matter of the people. They are getting money from the people as gaji and they must reciprocate, they must give returns for what we employ them to do. Without that spirit, what is going to happen to the country? The country will be ruined. So I implore the officers in the Ministry of Agriculture and Fisheries that they are getting \$16,143,000 it is no small sum, Sir!— and they must do something for the rakyat. For God's sake, do something!

4.38 ptg.

Tuan R. C. M. Rayan (Ipoh): Mr Chairman, referring to Head B. 14, Kod 1100, (2) (b), page 91, I am inclined to say that many farmers are wasting time and money by adopting ancient and outdated methods of cultivation due to ignorance of the advantages of using modern techniques and also due to lack of sufficient capital. I would, therefore, urge the Government to establish Agricultural Banks, Bank-bank Pertanian, in every State and offer the farmers technical advice and to give them loans, whether they be Chinese, Malays and Indians, to enable them to buy modern equipment and to carry out their farming projects with maximum benefits and with minimum costs and expenses.

The public of today are daily complaining of the rising cost of living and are asking the Government to find ways and means of bringing prices down. To my mind, the best method of bringing down the prices of essential goods is by opening Marketing Departments in every major town and to have Marketing Depots in every kampung and new village, with marketing vans going round selling these essential commodities. This is no doubt the surest way of bringing prices down. If this method is adopted, I am sure even retail dealers are bound to keep their prices low. This system is adopted in several countries and there is no reason why this effective system cannot be adopted in this country so as to bring down the cost of living.

Further I would also say that with Government ventures on dairy farming I am sure the price of milk also will fall down and there will then be no need to buy imported milk from Holland and other places.

Now dealing with fisheries, I would say that the Government should encourage fishing not only in the sea but also should promote inland fishing. This can be done by giving away worked out mining ponds to prospective farmers and also by issuing licences to fishermen to fish in certain rivers. The Fisheries Department has various types of fish and it can supply the quantity and quality of fish to the fishermen. In this way fish can be made available to people at prices which are very reasonable and further fish will always be available even when the weather is bad and the sea is stormy with fishermen unwilling to go out and take the risk of fishing in the sea to catch fish. Malaysia being surrounded by sea almost all round there is no reason why we should still import canned fish from Japan and other countries when we ourselves can sell tinned fish to foreign countries with Government-owned factories. There is no use leaving everything to the private sector and then complain that the private sector is making tremendous profit out of the sale of canned fish. It is within the reach of the Government to open up factories wherever possible and whenever possible, thereby helping to ease the situation and bring prices down. I hope the Government will venture into this by opening up factories and enable the public to buy things at cheaper rate.

4.43 ptg.

Tuan Haji Ahmad bin Arshad (Muar Utara): Tuan Pengerusi, saya bercakap dengan rengkas dalam Kementerian yang berkenaan ini. Saya adalah memberi sokongan yang penuh atas peruntukan yang diberikan lebih kepada Kementerian ini, sebab selama ini nelayan dan petani kita adalah mengharapkan bahawa perubahan dalam Kementerian ini sangat diharapkan dan inilah juga satu faktor melawan inflasi yang ada sekarang berhubung dengan pertanian.

Tuan Pengerusi, saya harap Kerajaan dan Kementerian ini mengambil perhatian yang wajar, iaitu nasib 140,000 penyewa tanah padi yang belum dapat diselesaikan oleh Kerajaan walaupun Akta ini telah ada sekarang.

Berhubung dengan masalah memproses makanan, Pecahan-kepala 6, Jabatan ini

hendaklah berusaha dengan seberapa segera iaitu menyesuaikan kekosongan kakitangan yang terlatih dalam bidang sains dan teknologi makanan, kalau benar-benar badan ini hendak memberi usaha kepada pertanian.

Selain daripada itu, daripada memberikan latihan yang patut kita minta Pasukan Sukarela daripada negara-negara sahabat seperti Jepun, Taiwan dan Amerika bagi mengisi kekosongan dalam Jabatan ini kerana dengan terlambatnya membuat kajian dan memproses itu tidak memenuhi kehendak dan hendak menjadikan peladang kita yang bercorak perdagangan.

Tuan Pengerusi, Masalah didikan pertanian. Sekolah Pertanian telah kita adakan, iaitu Pecahan-kepala 28, muka 98 telah ada di negara kita ini lima buah Instituti Pertanian dan akan menjalankan berbagai latihan. Saya harap kenapa Kerajaan tidak mengadakan Pusat Latihan ini di Sarawak dan Sabah. Kursus ini hendaklah diberikan peluang dengan seberapa banyak kepada belia-belika kita yang cenderung dalam lapangan pertanian dan perhaiwanan. Jangan hendaknya kita memasukkan belia tangkap muat sahaja. Ini adalah merugikan negara, terutama sekali belia-belika kita di luar bandar kerana dengan ilmu pengetahuan yang ada pada mereka itu akan menjadikan diri mereka dan pertanian negeri ini pertanian yang moden.

Dalam masalah Pemeliharaan Tanaman-tanaman, Kemudahan-kemudahan Pengeluaran Tanaman, muka 97, Pecahan-kepala 20. Jabatan ini hendaklah juga memberi nasihat dan bantuan kepada peladang-peladang kita yang sedang menyahut seruan Kerajaan iaitu mencegah musuh-musuh yang telah dicakapkan oleh rakan sejawat saya, di antara perkara musuh yang tidak dapat dimusnahkan oleh peladang-peladang kita, iaitu gajah. Gajah ini bukan sahaja memusnahkan tanaman, tetapi banyak yang mematikan manusia, peladang-peladang kita. Saya harap Kerajaan dapat membuat satu kajian supaya binatang-binatang liar ini kita pelihara dia dan kita hantar pegawai-pegawai kita ke luar negeri melatih binatang ini supaya jinak. Dengan keadaan binatang gajah ini jinak maka dia akan tidak lagi memusnahkan harta tanaman.

Selain daripada itu, mengenai tanah dan analisa yang telah dibuat oleh Kerajaan. Kerajaan telah membuat banyak khidmat dalam menganalisa tanah untuk menyesuaikan apakah tanaman yang layak kepada kawasan yang ditetapkan, tetapi malangnya setelah tanah itu dianalisiskan, Jabatan ini kurang mendapat kerjasama daripada Pejabat Tanah supaya menunjukkan kepada petani-petani kita tanah yang sesuai dengan tanaman supaya disegerakan ditanam. Dengan keadaan begitu, kiranya tidak dapat kerjasama daripada Jabatan ini dengan Jabatan Tanah tiap-tiap daerah maka usaha hendak membanyakkan tanaman dalam negeri ini tidak akan dapat dicapai dengan sempurnanya.

Tuan Pengerusi, dalam masalah Parit dan Taliair, muka 101, Pecahan-kepala 60. Saya gemar memberikan terima kasih kepada Kerajaan yang telah dapat pinjaman wang daripada Bank Dunia kerana projek taliair di Johor Barat. Saya harap dalam masaalah ini dapat dilaksanakan dengan seberapa segera, tetapi saya perhatikan dalam buku ini tidak ada Token Vote yang menunjukkan Rancangan Johor Barat itu dapat dilaksanakan. Ini, kiranya dapat dilaksanakan akan mendatangkan faedah kepada petani-petani kita akan membawa hasil negara ini. Saya harap rancangan ini supaya diperhatikan dengan bersungguh-sungguh.

Masaalah Parit dan Taliair, Negeri Johor. Gemar saya bangkitkan bagaimana yang ada dalam buku di hadapan kita ini bahawa Kerajaan sedang memberi peruntukan kerana Parit dan Taliair Serum, Parit dan Taliair Kesang dan Parit dan Taliair Sawah Ring. Yang saya maksudkan di Serum itu supaya Kerajaan meluaskan lagi usahanya dengan menjadikan peringkat yang ketiga yang boleh mengair, mengeringkan air dalam kawasan tanah yang boleh dijadikan pertanian tidak kurang daripada 3,000 ekar. Dengan keadaan yang macam ini akan meliputi seluruh kawasan Parit dan Taliair Serum yang sedang berjalan sekarang akan dapat memberikan faedah kepada peladang-peladang. Demikian juga dalam masaalah Parit dan Taliair Kesang pada masa sekarang kalau dihentikan dengan rancangan-rancangan yang ada ini tidak akan memberikan menafaat banyak kepada

peladang-peladang yang terlibat dengan keadaan banjir kerana keadaan rancangan ini tidak begitu sempurna. Saya berharap bahawa Kerajaan hendaklah menambahkan lagi peruntukan ini dan projek ini pada satu kawasan yang boleh sampai ke Sungai Cohong. Sebagaimana yang kita sedia maklum dengan keadaan yang macam ini akan menambahkan tidak kurang daripada 5,000, 6,000 ekar tanah yang boleh diusahakan untuk pertanian.

Akhirnya, dalam masaalah MARDI, Pecahan-kepala 5. Gemar saya memberikan pandangan dalam Jabatan ini tidak berjalan dengan begitu sempurna, sebab daripada usaha yang dibuat oleh MARDI ini yang dapat memberi faedah kepada petani kita dan kita berasa bangga juga banyak bilik makmal telah didirikan dalam negeri ini kerana daripada hasil penyelidikan itu kelak akan memesatkan berbagai tumbuhan pertanian yang boleh mendatangkan faedah kepada petani kita. Peladang kita hanya mengusahakan tanaman yang memberikan faedah kepada negara dan rakyat dan harus ditegah peladang-peladang kita menanam pokok-pokok yang tidak memberikan menafaat pada masa yang akan datang.

Tuan Pengerusi, masaalah benih yang akan diberikan kepada peladang kita juga patut dikeluarkan daripada nasihat Jabatan ini, sebab dengan keadaan ini tanaman mereka akan bertambah mutunya dan hasilnya pada masa akan datang.

Kerajaan juga patut memandang berat dalam masaalah peruntukan yang diminta oleh MARDI ini, sebab MARDI telah meminta banyak peruntukan dengan Kerajaan, tetapi hingga sekarang segala alat-alat perkakas yang perlu untuk penyelidikan ini yang dipesan dari luar negeri hingga dua tahun, tiga tahun belum dapat diselesaikan. Ini satu perkara yang menghampakan rancangan MARDI ini. Membeli alat-alat ini hendaklah diambil kepada negara-negara kita yang jujur yang maju dalam bidang ini, jangan menumpukan ke Eropah sahaja.

Yang ketiga, pandangan saya dalam masaalah MARDI ini, dalam usaha mendapatkan pegawai-pegawai kanan penyelidikan mengambil kursus daripada luar negeri hendaklah diluaskan ke negara-negara yang maju dalam bidang pertanian.

Kita hanya jangan menumpukan ke Amerika sahaja bahkan begitu banyak negara-negara sahabat yang mempunyai pakar dalam bidang pertanian ini.

Akhirnya, Tuan Pengerusi

Tuan Pengerusi: Sudah berapa kali akhir? Banyak kali yang akhir ini.

Tuan Haji Ahmad bin Arshad: Sudah tiga kali. Ini akhir kepala yang akhir sekali iaitu berhubung dengan haiwan. Haiwan dalam negara kita ini yang betul-betul telah kekeringan haiwan, kalau kita tidak betul mengatasi mencari jalan nescaya rakyat negeri ini akan tidak dapat mencukupi makanan daging, sebab binatang-binatang yang hendak disembelih ini kita sedia maklum, dia tidak boleh, macam taueh, hari ini kita rendam, esok kita boleh makan. Ayam mahu 6 bulan, lembu 3 tahun dan kambing 2 tahun. Usaha yang semacam ini kalau kita kurang pantas sebab rakyat sekarang dalam zaman kemewahan hidupnya, kalau kita kurang awas kita akan kekeringan dan kekurangan daging sebagaimana yang saya sebutkan tadi.

Saya sangat bangga bahawa baru-baru ini menurut punca yang saya dapat tahu Kerajaan Indonesia telah bekerjasama dengan kita memberi banyak haiwan-haiwan dari negaranya kepada kita untuk disembelih untuk makanan rakyat negeri ini dan saya harap bahawa mengimpot binatang-binatang daripada Indonesia itu jangan disalahgunakan, jangan daging-daging yang hendak dihantar ke Malaysia ini dia sesat ke Hongkong, sesat ke negeri lain. Ini patut kita awasi sebab dunia sekarang menghadapi kekurangan daging, jadi daging yang diimpot untuk rakyat negeri ini patut diberi kepada rakyat Malaysia.

Tuan Pengerusi, dalam masaalah haiwan ini Kerajaan patut memberi peruntukan yang banyak dalam rancangan lembu pawah, ini sangat berkesan. Yang keduanya, ada satu rancangan yang bernama pernianan berhad. Rancangan ini tak dapat diterima oleh peladang-peladang kita, melainkan kepada tempat-tempat yang tertentu. Kita mahu rancangan ini, mengapa sampai sekarang diperdengarkan kepada rakyat sudah 5 tahun tetapi pernianan berhad ini tidak dapat diterima oleh penternak-penternak haiwan itu. Jadi dengan keadaan

yang macam ini, kalau kita dapat rancangan permanian berhadap ini lembu-lembu yang dipelihara oleh peladang kita itu akan dapat gemok dan dapat daging yang banyak.

Saya fikir inilah satu perkara yang patut diperhatikan oleh Kerajaan dalam zaman kekeringan ternakan dalam negeri kita.

(Tuan Yang di-Pertua *mempengerusikan Jawatankuasa*)

5.00 ptg.

Datuk Dr Haji Abdul Aziz bin Omar (Tumpat): Tuan Pengerusi, saya bangun menyokong Anggaran Belanjawan yang diuntukkan kepada Kementerian Pertanian dan Perikanan. Sungguhpun begitu, ingin saya membuat teguran di dalam dua tiga perkara yang saya fikir mustahak.

Di bawah Kepala P. 14, muka surat 104 terdapat parit dan taliair. Tuan Pengerusi, didapati di seluruh negara kita bahawa berkenaan dengan taliair adalah kurang sedikit memuaskan iaitu apa yang ditujukan untuk mengeringkan air daripada kawasan-kawasan tanaman didapati airnya kurang kering dan banyak tanaman-tanaman, lebih-lebih lagi padi telah rosak, contohnya di Negeri Kelantan. Saya fikir kekurangan kejayaan ini adalah disebabkan oleh peruntukannya yang tidak mencukupi. Diharap pada tahun-tahun yang akan datang peruntukan yang lebih besar lagi patutlah diberikan kepada rancangan parit dan taliair dan khasnya kepada pembinaan parit untuk mengeringkan air.

Saya katakan tadi contohnya di Negeri Kelantan iaitu di bawah Pecahan-kepala 66 di muka surat 104—Rancangan-rancangan Parit, Kelantan: (i) Tumpat/Pengkalan Kubor; A—Pembinaan dan Pengambilan Tanah sebanyak \$300,000. Inilah saya katakan kurang mencukupi jikalau didengarkan apa yang saya akan kata di dalam sedikit masa lagi.

Di Kelantan ada satu daerah bernama Terbuk. Di sini didapati satu kawasan padi seluas 2,000 ekar. Kalau masa dahulu hasilnya tersangat besar memberi faedah yang besar kepada peladang-peladang dan petani-petani akan tetapi sudah 3 tahun petani-petani itu tidak mendapat apa-apa hasil sekalipun daripada tanah-tanah mereka. Ini disebabkan oleh beberapa parit yang ada

di situ yang telah rosak dan yang telah dipenuhi oleh rumput-rumput danalang dan juga segala culvert yang merintang parit-parit ini sudah pun buruk dan pecah akan tetapi sudah 3 tahun tidak dibaiki oleh Jabatan Parit dan Taliair sebab kekurangan wang. Kawasan ini bukanlah di dalam kawasan taliair yang dikatakan Lemal ataupun Kemubu, ini luar daripada kawasan-kawasan rancangan-rancangan itu. Maka saya harapkan dengan mendapatnya \$300,000 ini maka parit-parit yang ada di sini dibaikilah dengan sempurnanya supaya petani-petani dalam kawasan itu mendapat faedah daripada titikpeluh mereka itu. Mereka yang terlibat di dalam kawasan ini ialah lebih kurang 300 keluarga.

Satu perkara lagi, ialah berkenaan dengan Pecahan-kepala 67. Rancangan-rancangan Mencegah Banjir, Kelantan; (i) Mengorik Sungai Semerak; (ii) Membersihkan Sungai-sungai Baharu. Token vote hanyalah \$10. Diharap Kerajaan akan memberi perhatian yang berat kepada rancangan ini dan dengan ada token vote \$10 itu saya fikir tentulah Kerajaan akan membuat begitu akan tetapi saya juga merayu kepada Kerajaan janganlah meletakkan token vote dan lupakan sahaja, kerana oleh sebab saya daripada Kelantan, terpaksa saya juga memberi contohnya dari Kelantan juga.

Di Kelantan ada satu sungai yang mana airnya masin, maka untuk mencegah air masin ini mengalir masuk ke dalam kawasan bendang atau sawah yang besarnya lebih kurang 10,000 ekar maka satu batasan atau yang dikatakan tembok air masin telah dibina. Maka untuk mencegah air masin ini mengalir masuk ke dalam kawasan bendang atau sawah yang besarnya lebih kurang 10,000 ekar, maka satu batasan atau yang dikatakan tembok air masin telah dibina. Maka dengan pembinaan batasan masin ini maka air masin daripada sungai itu tidaklah mengalir masuk ke dalam kawasan sawah yang saya kata 10,000 ekar itu. Pada mulanya petani-petani atau peladang-peladang yang mengusahakan sawah itu berasa gembira, kerana sudah beberapa tahun mereka tidak dapat mengeluarkan hasil daripada sawah-sawah ini, akan tetapi selepasnya sahaja dibina batasan masin ini, maka mereka dapatlah menanam padi seperti mana yang dibuat 5-6 tahun dahulu. Akan tetapi malang juga nasib mereka ini, kerana baru-baru ini apabila datang hujan yang lebat,

maka anak-anak sungai yang lain pula telah membanjiri kawasan itu dan hujan yang lebat pula turun melebihi banjir dalam kawasan itu. Dan oleh sebab ada batasan masin ini, maka air dalam kawasan itu tidak dapat pula keluar ke dalam sungai dan sehingga sekarang ini padi yang baru ditanam 10,000 ekar itu semuanya sudah musnah. Jadi penat sahaja petani-petani itu dan hampa harapan mereka itu.

Baru-baru ini telah disebutkan oleh Kerajaan Kelantan iaitu padi yang dianggap akan memberi faedah sekurang-kurangnya \$6 juta kepada petani-petani di Kelantan telah musnah dan ini adalah satu bahagian daripada \$6 juta itu. Diharapkan L.P.N. yang mengatakan hasil padi di Malaysia akan mencukupi akan memberi juga sedikit perhatian kepada kerugian yang dialami oleh rakyat di Kelantan itu.

Di bawah Pecahan-kepala 195, muka surat 118—Perikanan di Semenanjung Malaysia. Di sini didapati pecahan-kepala 195—Melatih Nelayan-nelayan, peruntukannya sebanyak \$2,210,000 untuk A—Pembinaan dan Pengambilan Tanah, B—Kelengkapan, D—Bayaran Pindahan dan E—Lain-lain Perbelanjaan Pembangunan.

Pada pendapat saya untuk betul-betul hendak menolong nelayan melatih mereka secara ini tidak sesuai, kerana ini adalah akan memberi faedah kepada satu golongan yang kecil sahaja, akan tetapi golongan rakyat yang menjadi nelayan adalah banyak, maka dengan sebab itulah sudah beberapa kali saya sebut di dalam Dewan yang mulia ini satu rancangan yang besar-besaran mestilah dibenarkan oleh Kerajaan untuk melatih dan memberi matapencarian kepada nelayan-nelayan di Malaysia ini iaitu mengadakan satu "Fishing Fleet" yang besar yang mengandungi sekurang-kurangnya 10 kapal kecil dan satu kapal besar untuk menjadi kilang. Fleet ini bolehlah dikerjakan sama dengan negara-negara asing yang sudah mahir dalam pekerjaan ini seperti Negeri Jepun, Canada dan lain-lain. Fishing Fleet ini tidak payahlah balik ke rumah atau ke pantai tiap-tiap dua hari atau tiga hari sekali. Mereka itu bolehlah duduk di dalam laut yang di mana didapati ikan yang banyak sebulan ataupun dua bulan, hanya balik satu dua buah kapal sahaja seminggu sekali dan pendapatan daripada situ boleh dihantar terus keluar negeri. Dengan ini banyaklah

nelayan-nelayan yang betul-betul boleh mencari kehidupan selain daripada kais pagi makan pagi, kais petang makan petang.

Di bawah Pecahan-kepala 196—Menangkap Ikan Cara Moden—Menguatkuasa Perikanan dan Kapal-kapal Pemeriksaan. Inilah yang saya kata tadi menangkap ikan cara moden bukan sahaja membubuk, menggunakan pukut harimau dan pukut tunda, menangkap ikan cara moden ialah mengadakan fishing fleet yang besar menjadi fishing industry yang sebenarnya.

Di bawah Pecahan-kepala 198—Kemajuan Pelabuhan Ikan diperuntukkan sebanyak \$3,347,647 untuk A—Pembinaan dan Pengambilan Tanah dan B—Kelengkapan. Jikalau kita berjalan dengan motokar daripada Johor terus ke Kelantan menerusi jalan Pantai Timur didapati tidak ada satu pun jeti, jangan kata pelabuhan, jeti untuk nelayan membawa tangkapan mereka ke pantai pun tidak ada. Mereka hanya mencurahkan tangkapan-tangkapan di tepi-tepi laut dan pantai-pantai yang tidak sesuai dan yang merosakkan tangkapan mereka itu. Kalau begitu sudah sampailah masanya bagi Kerajaan memberi peruntukan yang besar daripada \$3 juta ini kepada membina jeti-jeti yang sepatutnya daripada Pantai Timur Johor sampailah ke Pantai Kelantan. Dan juga selain daripada pelabuhan atau jeti itu didapati banyak nelayan-nelayan yang telah mendapat kesusahan yang telah mendapat bencana dan juga telah kehilangan jiwa di dalam musim tengkujuh. Baru-baru ini sahaja satu motobot ikan yang keluar daripada Tumpat tidak lagi kembali sudah 20 hari. Nelayan-nelayan di dalam bot itu 7 orang. Bermacam-macam ikhtiar telah dijalankan untuk mencari mereka ini sehingga nelayan-nelayan yang di tepi pantai itu berikhtiar menyewa sebuah kapal terbang, mencari dimanakah ada rakan-rakan mereka itu, sehingga sekarang belum juga bertemu. Maka dengan sebab itulah saya merayu kepada Kerajaan membina tempat-tempat perlindungan di pulau-pulau yang bertaburan dengan tanah besar Malaysia ini seperti di Pulau Redang, di Pulau Perhentian, di Pulau Tioman dan lain-lain pulau lagi kerana dengan adanya tempat-tempat ini, barangkali mereka itu dapat berteduh di tempat-tempat yang saya katakan tadi. Bersangkut dengan ini juga, untuk peri kemanusiaan apabila nelayan-nelayan ini kehilangan di laut, maka keluarga mereka

telah mendapat kesusahan tetapi bantuan yang tetap tidak disediakan. Maka saya harap Kerajaan akan menubuhkan satu Tabung Kebajikan untuk Keluarga-keluarga Nelayan yang telah mendapat kecemasan di laut seperti juga tabung yang telah ditubuhkan kepada keluarga-keluarga bekas ahli-ahli senjata api yang telah mendapat kemalangan.

Sekainlah sahaja pandangan dan teguran saya dan saya harap perkara ini akan dititik beratkan oleh Kerajaan.

5.12 ptg.

Wan Mokhtar bin Ahmad (Kemaman): Tuan Pengerusi saya suka mengambil bahagian dengan ringkas sahaja dalam dua perkara mengenai Kementerian Pertanian dan Perikanan.

Pertama, berkenaan dengan pertanian. Kerajaan menerusi Kementerian Pertanian dan Perikanan banyak membantu petani-petani dalam bidang pertanian seperti kemudahan-kemudahan pengeluaran tanaman, kemudahan keselamatan tanaman dan lain-lain lagi. Lebih-lebih lagi dengan adanya Persatuan-persatuan Peladang yang ditubuhkan di daerah-daerah dan mukim-mukim gerakan pertanian akan berjalan dengan lancar dan pesat lagi.

Satu perkara yang saya nampak boleh menghalang kemajuan pertanian ialah kekurangan alat-alat jentera pembajak yang dapat diusahakan oleh petani dan saya rasa perkara ini amat penting dibekalkan kepada petani-petani seperti jentera membajak dan lain-lain lagi. Setakat ini alat-alat tersebut sangat berkurangan iaitu di setengah-setengah di daerah hanya dibekalkan di antara satu hingga dua buah sahaja untuk disewa kepada petani-petani seperti di kawasan saya di daerah Kemaman dan begitu juga saya percaya dalam daerah-daerah lain, pada hal pendapatan petani-petani banyak atau sedikitnya adalah bergantung di atas keluasan tanah yang diusahakan dengan menggunakan alat-alat jentera tersebut. Oleh itu, saya berharap dengan pesatnya perkembangan pertanian di negara kita ini dan dengan adanya kemudahan-kemudahan lain seperti benih, baja dan kemudahan-kemudahan keselamatan tanaman yang dibekalkan

oleh Kementerian ini, saya harap Kementerian ini akan menimbang untuk menambahkan alat-alat jentera membajak di daerah-daerah dengan lebih banyak lagi.

Kedua, mengenai MAJUIKAN. Sebagaimana yang diketahui Lembaga ini telahpun ditubuh semenjak tahun 1971 tetapi hingga ini nelayan-nelayan khususnya, di Pantai Timur belum lagi kenal dari dekat apa dia MAJU-IKAN. Disebabkan tidak ada usaha-usaha yang dibuat secara berkesan yang dapat dilihat oleh mereka walaupun usianya hampir 3 tahun. Apa yang mereka kenal ialah Jabatan Perikanan sahaja. Oleh itu, saya harap dan saya nampak tidak ada jalan yang lain yang dapat dijalankan oleh MAJU-IKAN dengan lebih berkesan melainkan dengan diadakan pejabat Lembaga ini di kawasan-kawasan nelayan sendiri yang dapat melihat, mengkaji dan melancarkan rancangan-rancangan Lembaga ini menurut keadaan tempatan dengan segera dan berkesan. Oleh itu, dengan ini MAJU-IKAN bukan sahaja dapat membelanjakan berjuta-juta ringgit untuk membuat pengkalan-pengkalan ikan sebagaimana yang telah disebut dalam buku Peruntukan ini, tetapi juga dapat menyediakan peruntukan bagi memberi pinjaman ataupun membeli enjin bagi diberi bantuan kepada nelayan yang telahpun ada kulit-kulit bot yang pada masa ini banyak yang ada kulit-kulit bot tetapi tidak berupaya membeli enjin untuk kegunaan bot-bot mereka. Jadi saya harap kepada Kementerian ini dapat memberi peruntukan yang lebih banyak lagi untuk membekal dan memberi enjin-enjin kepada nelayan di kawasan Pantai Timur.

Sekian, Tuan Pengerusi, dan saya menyokong peruntukan ini.

5.17 ptg.

Tuan Haji Mohamed Yusof bin Mahmud (Temerloh): Tuan Pengerusi, saya memberi sokongan yang penuh di atas Kementerian ini yang meminta wang perbelanjaan tahun 1974. Kementerian ini adalah satu Kementerian yang sangat-sangat memberi faedah kepada petani, khususnya di kawasan saya.

Dalam Pecahan-pecahan kepala (Kod) 1100 iaitu berkenaan dengan Pegawai-pegawai Pertanian. Saya harap pegawai-pegawai ini, berlebih-lebih giat lagi, supaya dapat menemui rakyat di luar-luar bandar,

memberi nasihat dari segi pertanian, baik dari segi menanam ataupun dari segi mencegah binatang-binatang yang membinasakan tanaman-tanaman petani. Pada pendapatan saya pada masa yang lampau ini, sangat berkurangan atas aktiviti-aktiviti ini. Saya nampak yang diambil berat kepada Persatuan Peladang. Walaupun aktiviti ini baik, tetapi pak tani kita patut dapat panduan, seperti tanaman-tanaman yang patut dibahagikan, benih-benih yang patut diberi daripada pegawai-pegawai pertanian hasil daripada penyelidikan-penyelidikan MARDI. Begitu juga di kawasan saya, boleh menolong pak-tani-pak-tani kita, dari segi baja, penyelidikan dan pemeriksaan tanah, apakah baja yang sesuai, yang boleh menolong petani, sangat berkurangan pada masa ini. Jadi, saya harap pegawai-pegawai ini, dapat memberi nasihat hasil daripada penyelidik-penyelidik itu diberikan kepada pok-tani pak-tani kita. Dengan cara ini mereka boleh berjaya lagi dari pada masa yang lampau.

Sekarang saya bercakap mengenai perkara yang berkenaan dengan Pembangunan iaitu Pecahan-kepala 1—Lembaga Pemasaran Pertanian Persekutuan. Saya nampak, sekarang ini, barang pengeluaran mereka itu, tidak berapa boleh kita pasarkan, kerana apa yang ditanam itu, tidak cukup untuk dipasarkan, sebab, kita tidak ada planning, apakah yang patut ditanam oleh petani-petani, kita. Jadi untuk memasarkan, tentulah ada satu barang yang boleh dipasarkan dengan banyak. Saya rasa, sudah sampailah masanya, kita periksa satu-satu kawasan dan berikan nasihat, apakah tanaman yang patut ditanamkan di kawasan itu, seumpama di kawasan saya, dibahagian utara dikhaskan kepada bertanam jagung, maka seluruhnya dinasihatkan bertanam jagung dan jangan ditanam lain-lain tanaman lagi. Dengan itu, kita dapat jaminan yang barang-barang itu boleh dipasarkan dan mendapat harga yang baik. Pada masa ini sungguhpun ada petani-petani bertanam jagung, tetapi benda itu sedikit sangat hendak dipasarkan dan tidak memberi keuntungan kepada kita, untuk menjalankan pasaran itu. Kalau barang itu banyak, baru dapat kita hantar ke Kuala Lumpur, Ipoh dan lain-lain. Dengan adanya pakar-pakar yang boleh menasihatkan kita dari segi baja, benih, udara, maka saya rasa, sampailah masanya, jangan kita benarkan lagi, orang kampung kita, tanam sebarangan

dalam satu ekar dengan bermacam-macam tanaman, tetapi akibatnya tidak mendapat pasaran dan mereka tidak mendapat hasil yang baik daripada apa yang mereka tanam.

Pecahan-kepala 3 MARDI. Inilah satu jabatan yang memberi harapan yang besar kepada petani kita di luar bandar, dengan penyelidikan dan tunjuk ajar, sebagaimana baru-baru ini, saya dapat peluang menghadiri upacara pembukaan MARDI di Serdang. Saya kagum dengan kemajuan yang telah dibuat oleh MARDI. Saya rasa, inilah satu jabatan yang dapat memberi harapan besar kepada petani kita pada pada masa hadapan, cuma kehendak atau kemjuan MARDI itu jangan tersekat dari segi kewangan dan pentadbiran. Kita berikan kebebasan kepada mereka, menjalankan usaha-usaha itu dengan tidak terganggu ataupun menggalakkan mereka betul-betul berminat untuk menyelidik dan memberi pendapat yang baik dan begitu juga MARDI ini, dapat bekerjasama dengan jabatan lain yang bersangkutan-paut berkenaan dengan pertanian seumpama RISDA, FELDA dan juga lain-lain jabatan. Jadi patut diadakan koodinasi atau penyelarasan pendapat, supaya dapat disatukan dan tidaklah satu badan akan membuat penyiasatan, perbadanan lain membuat satu penyelidikan dan kemungkinan berlaga pula antara satu dengan lain.

Berkenaan memproses Makanan di bawah Pecahan-kepala 6. Saya rasa kita sudah lama menjalankan perusahaan ini. Sebagaimana saya katakan tadi, perkara ini tidak dapat kita jalankan sebagai satu industri, oleh sebab cara pertanian kita tidak ada satu planning yang besar. Rasa saya kemungkinan tak dapat kita jalankan. Dengan adanya cara yang saya katakan tadi, kalau kita hendak mengadakan perusahaan memproses betik, hendak dijadikan barang dalam tin, benda itu mesti banyak, baru dapat diproseskan. Usaha inipun ada berkaitan antara satu dengan lain, baru dapat kita jalankan, tetapi sungguhpun begitu percubaan-percubaan yang dijalankan itu, saya harap akan memberi peluang mengalih cara-cara petani kita bertanam dalam negara ini.

Pecahan-kepala 8—Lembaga Kemajuan Ternakan Negara. Saya rasa, ini satu lagi usaha yang sangat mustahak di negara kita, sebab daripada penyata-penyata ataupun

pendapat orang-orang pandai dalam perkara ini, menyatakan negeri kita ini sangat sesuai berkenaan dengan kemajuan-kemajuan ternakan itu. Kita mempunyai banyak badan-badan yang sedang giat dari segi menyediakan barang makanan untuk ternakan. Saya rasa, dapat juga badan-badan itu bekerjasama dengan badan lain seumpama RISDA untuk berusaha mengadakan satu perusahaan menyediakan barang makanan binatang, mungkin di sebelah rancangan itu dapat kita adakan perusahaan ternakan ini. Jadi dengan kerjasama antara satu badan dengan satu badan itu, maka pentadbiran dan kewangannya dapat kita kurangkan dan hasilnya akan dapat memuaskan hati. Saya berharap dapat bekerjasama daripada segala badan pertanian dan badan-badan lain, maka faedahnya besar kepada kita.

Pecahan-kepala 26—Bantuan-bantuan Tanaman-tanaman Ladang. Saya tumpukan berkenaan dengan tanaman ladang bagi orang-orang Asli di kawasan saya. Saya rasa pada masa ini jabatan ini kurang memberi perhatian dan membantu orang-orang Asli menjayakan ladang mereka. Saya harap Jabatan Pertanian ini dapat memberi nasihat dan bantuan kepada orang-orang Asli yang ada tiga empat tempat yang besar di kawasan saya itu.

Pecahan-kepala 27—Penanaman Pemulihan Semula Kelapa. Saya rasa pemulihan kelapa pada masa ini sedang berjalan, banyak tempat tetapi ada beberapa kesusahan di tempat saya, iaitu tak ada peluang mereka bertanam semula kelapa seperti negeri Johor, Selangor, dan Perak. Bagi kawasan saya banyak peladang yang ada kelapa minta bantuan tanaman semula, jawabnya tidak ada rancangan dikhaskan bagi kawasan saya. Dalam perkara ini, saya tidak faham bagaimanakah Jabatan ini menguntukkan bantuan tanaman semula itu. Adakah khas kepada kawasan kelapa sahaja atau semua orang yang menanam kelapa, tetapi saya berharap semua penanam kelapa dapat bertanam semula dengan bantuan-bantuan itu.

Pecahan-kepala 28—Sekolah Pertanian. Saya berkehendakkan supaya tiap-tiap negeri diadakan Sekolah Pertanian kecil supaya dapat dilatih murid-murid yang tidak dapat melanjutkan pelajarannya seperti Negeri Pahang dan di Negeri-negeri

lain. Sekarang, rasa saya cuma ada di kolej ataupun di tempat lain sedikit-sedikit sahaja. Kita tahu sekarang kita berkehendakkan pemuda-pemuda dapat latihan yang begitu rapi dari segi pertanian ini, dengan harapan mereka itu akan balik ke kampung-kampung supaya mereka menjayakan tanah-tanah mereka ataupun pertanian. Pada masa ini kebanyakan pemuda-pemuda kita lari ke bandar-bandar, kerana mereka tidak berminat dari segi pertanian disebabkan mereka tidak dapat didikan ataupun pelajaran. Saya rasa kalau ada (sekolah pertanian) di tiap-tiap negeri maka itu akan dapat menarik pemuda-pemuda kita berminat dari segi pertanian di luar bandar.

Sekarang saya bercakap dalam Pecahan-kepala 51—Pusat Latihan dalam Perkhidmatan bagi Pegawai-pegawai Rendah.

Tuan Pengerusi: Saya suka hendak memberitahu, kalau boleh dipendek-pendekkan sedikit ucapan Yang Berhormat, sebab pada hari ini lebih kurang pada pukul 6.00 petang, saya hendak arahkan Menteri yang berkenaan menjawab atas Kepala 14 ini.

Tuan Haji Mohamed Yusof bin Mahmud: Terima kasih. Kalau begitu, untuk memendekkan masa, saya, pada keseluruhannya tidak menyentuh atas butir-butirannya. Apa yang saya kehendakkan supaya Jabatan Pertanian dengan wang yang begitu banyak dari keseluruhannya apa yang dinyatakan dalam buku penerangan perbelanjaan yang ada dalam buku ini dapat dilaksanakan. Apa yang tertulis, saya sudah bacanya. Ini memang baik, tetapi adakah dapat dilaksanakan, ini adalah satu soal. Saya harap daripada wang yang diuntukkan kepada Kementerian ini dan bagaimana penerangan yang ada dalam buku perbelanjaan ini, saya harap dapat dilaksanakan 100%.

Untuk menyelamatkan masa sebagaimana yang dikehendaki oleh Tuan Pengerusi, saya patuh, maka kehendak saya ialah supaya dilaksanakan terus apa diterangkan dalam buku perbelanjaan ini.

5.32 ptg.

Tuan Abu Bakar bin Umar (Kubang Pasu Barat): Tuan Pengerusi, saya bangun untuk memberi pendapat sepetah dua dalam

perbahasan atas Kepala 14—Kementerian Pertanian dan Perikanan. Saya cuma hendak menyentuh satu dua perkara yang telahpun diperuntukkan dalam buku ini.

Muka 95 Pecahan-kepala (7) Lembaga Kemajuan Pertanian Muda (MADA) diperuntukkan sebanyak \$5,138,400. Saya tertarik hati di waktu Timbalan Menteri yang membentangkan perbelanjaan bagi Kementerian ini menyatakan ikhtiar sedang dibuat dan akan dibuat untuk menolong petani-petani dalam kawasan Perairan Muda untuk menambah pendapatan mereka dengan mengadakan kilang-kilang memproses jerami, dedak dan sebagainya. Saya ucapkan terima kasih kepada Kerajaan di dalam cita-citanya ini.

Tuan Pengerusi, saya berharap Kementerian ini jangan lupa untuk menambahkan pendapatan ataupun memperbaiki kedudukan kewangan petani-petani dalam kawasan Perairan Muda mestilah memikirkan soal kemudahan-kemudahan untuk petani-petani di dalam kawasan itu. Kemudahan-kemudahan itu, ialah kemudahan jalan, mengetam padi, membawa hasil-hasil padi mereka kepada kilang-kilang dan kepada tempat-tempat pemasaran. Apa yang saya tahu sampai sekarang ini banyak lagi tertinggal parit-parit dan taliair yang lama yang telah dibuat oleh Jepun dahulu masih tinggal begitu sedangkan di tepi parit kiri dan kanan telahpun diduduki oleh petani-petani. Jadi parit dan taliair yang sekarang ini telah dibuat oleh Rancangan MADA adalah di tengah-tengah bendang—di tengah sawah dan tinggal tempat penduduk-penduduk petani begitu sahaja, dengan itu merugikan petani-petani dalam mengeluarkan hasil mereka kepada tempat pemasaran. Oleh itu, apa yang saya harapkan kepada Kementerian ini bahawa parit-parit yang lama mestilah diperbaiki. Jalan-jalan ataupun tempat keluar petani-petani kepada jalan-jalan yang besar hendaklah lebih mudah.

Saya tidak percaya dengan terdirinya tiga batang jalan besar tar dalam kawasan Kubang Pasu Barat, kawasan saya sendiri, telahpun memberi kemudahan dan kebaikan kepada petani-petani dengan hasil-hasil mereka. Bahkan ini apa yang saya dapat tahu dengan wujudnya jalan tar tiga batang itu ialah untuk kepentingan kapitalis-kapitalis membawa masuk lori-lori mereka untuk

membawa padi petani-petani kepada kilang, dan untuk petani-petani khususnya belum sampai lagi selagi tidak ada jalan-jalan kampung dan parit-parit itu diperbaiki.

Yang kedua, Kepala P. 14, muka surat 96, Pecahan-kepala 3—Kemudahan-kemudahan Penyelidikan MARDI. Apa yang saya lihat di sini MARDI diberikan peruntukan \$9,251,381. Saya ucapkan terima kasih dan tahniah kepada MARDI di dalam kejayaan-kejayaan mereka untuk memproses daripada padi yang tidak baik dijadikan yang baik; daripada padi yang kurang mutu dijadikan baik mutunya; daripada padi keluar sedikit buahnya jadi banyak. Tetapi apa yang saya harapkan kepada pihak MARDI ini supaya menyelidiki bagaimana caranya pokok padi ini boleh keras sedikit—boleh tahan dengan buahnya. Buahnya banyak, pokok tidak tahan, dia tumbang lebih-lebih lagi dalam kawasan Perairan Muda atau Perairan Kemubu waktu padi luar musim. Padi luar musim ini dipenuhi sawah dengan air, jadi bila datang air sedikit dia tumbang. Buat apakah padi banyak, tetapi hasilnya itu tidak dapat harga yang baik. Saya mengharap supaya MARDI ini berusaha dan berikhtiar supaya pokok padi itu boleh kukuh sedikit; bukanlah kukuh macam pokok buluh atau rotan, tetapi diberi kukuh sedikit.

Yang ketiga, P. 14, Pecahan-kepala 8—Lembaga Kemajuan Ternakan Negara. Di Negeri Kedah, saya rasa selamanya adalah masyhur dengan kerbau lembu. Kalau kita pergi ke Negeri Sembilan katanya, lembu Kedah, maknanya “bodohlah”. Begitulah masyhurnya kerbau lembu di negeri Kedah itu. Tetapi pada masa sekarang ini, kerbau lembu di Negeri Kedah sudah tidak ada dan saya tidak dengar cerita dan saya baca dalam buku ini tidak ada rancangan hendak biakkan ternakan kerbau lembu di Negeri Kedah. Saya harap supaya pembiakan ternakan itu diadakan juga di dalam Negeri Kedah.

Akhirnya, berkenaan dengan Lembaga Kemajuan Ikan Malaysia (MAJUIKAN). Saya dengar Menteri yang berkenaan bersyarah di Radio dan Talivisyen mengenai MAJUIKAN. Saya berasa seronok, tetapi kadang-kadang dalam seronok itu, rasa susah hati sedikit, katanya tidak cukup pegawai. Selalunya Kementerian-kementerian ataupun Menteri-menteri itu kalau dia kena sedikit objection ataupun keritik daripada

kita, katanya tidak cukup pegawai. Hal tidak cukup pegawai ini jangan ditimbulkan di dalam pentadbiran. Kalau tidak cukup pegawai, kita ada kewangan, kita cari pegawai, kalau tidak ada dalam negeri, cari pegawai di luar negeri. Tidak ada pegawai di luar negeri, tak tahulah hendak cari di mana, tetapi kita harapkan perkara-perkara yang telah kita rancangan dapat kita laksanakan demi kepentingan khasnya nelayan-nelayan dan petani-petani.

Sekali lagi, saya adalah menyokong peruntukan yang telahpun diutuskan kepada Kementerian ini sebanyak \$177,442,905.

5.40 ptg.

Awang Bungsu bin Abdullah (Limbang-Lawas): Tuan Pengerusi, saya suka menyentuh satu dua perkara Kepala P. 14, Kementerian Pertanian dan Perikanan.

Tuan Pengerusi, saya minta Kementerian Pertanian dan Perikanan akan menjalankan siasatan ekonomi dalam negeri Sarawak. Oleh sebab saya katakan begitu, Kerajaan pada masa ini seharusnya membuat satu sekim besar-besaran di Sarawak, khasnya di bahagian saya. Oleh kerana pada masa ini belum ada satu sekim besar untuk belia-belia lepasan daripada sekolah-sekolah. Pada masa ini belia-belia yang lepas dari sekolah tidak ada mempunyai pekerjaan. Itulah saya minta Yang Berhormat Menteri Pertanian dan Perikanan membuat satu Sekim Besar-besaran di Sarawak. Saya memberi satu contoh kadang-kadang Kerajaan membuat satu sekim pertanian tidak sesuai. Ini adalah merugikan kepada Kerajaan kita. Seharusnya disiasat oleh Kementerian yang berkenaan sewaktu membuat sekim besar-besaran yang menjadi keuntungan kepada Kerajaan kita bukan menjadi kerugian. Kebanyakan Menteri-menteri yang berkenaan memberi estimate yang besar-besar tetapi tidak disiasat tempat itu. Seharusnya Kementerian akan menyiasat atas perkara ini baharulah membuat satu sekim pertanian di Sarawak supaya kemajuan kita dapat hasil yang lebih dari semasa ke semasa.

Yang kedua, saya menyentuh sedikit berkenaan dengan perikanan. Saya minta Yang Berhormat Menteri yang berkenaan akan memberi sokongan yang besar kepada perikanan oleh kerana pada masa ini

perikanan adalah menggunakan perkakas lama. Saya harap Kementerian itu akan memberi dan menolong kepada mereka dengan memberikan alat moden supaya mereka itu mendapat kejayaan lebih baik lagi di masa akan datang.

5.45 ptg.

Tuan Haji Awang Wal bin Awang Abu (Santubong): Tuan Pengerusi, saya bangun menyokong Anggaran Belanjawan Kementerian Pertanian dan Perikanan. Tidak lupa saya mengucapkan setinggi-tinggi terima kasih kepada pihak Kementerian yang berkenaan kerana memperuntukkan perbelanjaan yang begitu banyak yang ada tercatat di dalam Buku Biru ini.

Tuan Pengerusi, izinkan saya menyentuh sedikit sahaja mengenai Kepala P. 14, Pecahan-kepala 40, muka 99, mengenai pertanian adalah satu perkara yang mustahak dan penting untuk rakyat dan negara kita. Pertanian ini adalah merupakan satu bahan yang boleh memberi pertolongan kepada negara dan rakyat supaya hidup dengan senang-lenang. Jikalau mereka benar-benar menumpukan tenaga mereka kepada pertanian ini, menggunakan tanah-tanah yang tertentu untuk mereka bercucuk tanam.

Di negeri Sarawak, sebagaimana kita telah maklum adalah tanah yang cukup besar dan ada mempunyai tanah yang cukup baik dan subur juga. Ini, jika kita jalankan dengan sebenar-benarnya, maka saya rasa ini boleh mendatangkan faedah dan harus juga akan dapat mengatasi inflasi yang sedang meningkat pada masa ini. Saya ingin memberi sedikit pendapat saya di sini. Saya melawat di dalam kawasan saya, dan saya melihat pekebun-pekebun kecil iaitu kebun kelapa ada yang mempunyai lima ekar, tiga ekar, lapan ekar telah mereka tanam, cukup subur, cukup baik, kira-kira berumur tiga empat tahun pohon kepala telah hampir besar. Ini menunjukkan tanah itu subur, akan tetapi malangnya, binatang yang ganas mengacau iaitu babi mengacau tanaman itu sampai dimakan dan dicabut, oleh kerana tanah yang besar itu ada lagi di sekelilingnya hutan-hutan rimba yang besar. Di sanalah tempat babi itu tinggal. Oleh itu, saya merayu kepada pihak yang berkenaan supaya memberi tunjukajar, memberi bantuan kepada pekebun-pekebun kecil yang telah dirosakkan binasakan supaya mereka mendapat hasil

daripada titik peluh mereka yang mengerjakan tanah yang baik itu.

Had inilah sahaja, Tuan Pengerusi, saya mengucapkan sekali lagi terima kasih.

(Tuan (Timbalan) Yang di-Pertua *memperkerusikan Jawatankuasa*)

6.00 ptg.

Menteri Pembangunan Ekonomi Desa (Tuan Abdul Ghafar bin Baba): Tuan Pengerusi, Jabatan Parit dan Taliair akan melaksanakan program-program infrastruktur untuk kemudahan perairan bagi maksud pertanian di seluruh tanahair kita ini dengan cara beransur-ansur. Rancangan saliran akan dilakukan di tiap-tiap Negeri terutamanya untuk memperbaiki dan menambah lagi kemudahan bagi tanaman padi. Walaupun projek-projek Perairan Muda dan Kemubu telah siap pada peringkat pembinaan parit jari-jari akan dibina untuk menjamin bekalan air dapat disampaikan ke tiap-tiap lopak sawah di kedua-dua kawasan tersebut.

Tentang kawalan banjir yang terletak di atas tanggungjawab Jabatan Parit dan Taliair itu, Kementerian ini sangat-sangat mengambil perhatian yang berat. Rancangan-rancangan pembersihan sungai dan pembinaan benteng untuk menahan air daripada masuk membanjiri kawasan-kawasan yang rendah akan dijalankan dengan memakan belanja sebanyak \$1.64 juta.

Peruntukan yang diminta untuk mencegah banjir bagi kawasan Wilayah Persekutuan, pada peringkat ini hanyalah untuk menjalankan kerja-kerja rancangan yang detail, peruntukan yang sebenarnya akan dibuat apabila telah selesai kajian itu kelak.

Tambahan bot-bot peronda akan mengiatkan lagi aktiviti Jabatan Perikanan untuk mengawal penangkapan ikan dan menguatkuasakan peruntukan-peruntukan undang-undang supaya menjamin sumber perikanan diambil dengan cara yang tidak menghabiskan atau menghilangkan mata pencarian kepada nelayan-nelayan yang bersangkutan. Jumlah peruntukan bagi memberi perkhidmatan dan bantuan kepada nelayan-nelayan telah bertambah dibandingkan peruntukan tahun lalu sebanyak 100 buah bot telah dipesan oleh MAJUIKAN dalam tahun 1973 dan 100 buah lagi akan dipesan dalam tahun 1974. Apakala bot-bot

ini siap MAJUIKAN akan melaksanakan rancangan-rancangan penangkapan ikan kedua-dua Pantai Barat dan Pantai Timur, Semenanjung Malaysia. Sementara itu siasatan sedang dijalankan untuk mengadakan rancangan seperti itu di Negeri Sarawak.

MARDI akan menjalankan penyelidikan-penyelidikan yang bertujuan untuk menyelesaikan masalah-masalah petani. Keputusan-keputusan penyelidikan dalam cara meninggikan pengeluaran dari usaha pertanian akan terus disebarikan melalui Jabatan Pertanian dan Lembaga Pertubuhan Peladang. Penyelidikan-penyelidikan juga dijalankan untuk mengatasi masalah bahan-bahan yang diimport dari luar negeri dengan cara meninggikan mutu jenis-jenis tanaman seperti jagung, seko, ubi, rumput-ragut. Ini ialah untuk memperbaiki lagi ternakan tempatan dan merendahkan perbelanjaan pengeluaran. Rancangan penyelidikan yang ditujukan kepada memperbaiki hasil tanaman-tanaman yang diexport ialah mengenai kelapa sawit, lada hitam, kelapa dan koko. Penyelidikan MARDI ini juga meliputi kegunaan minyak kelapa sawit dan dalam aspek pengeluaran yang boleh mendatangkan zat-zat makanan, penyemakan mutu dan penapisan minyak serta menguji kecekapan kilang-kilang dan cara-cara mengatasi kekotoran dari memproses kelapa sawit. Selain dari itu ialah kajian-kajian ke atas tanaman baru bagi mempelbagaikan tanaman-tanaman. Usaha ini adalah penting untuk memberi sokong kepada pembinaan perusahaan-perusahaan yang berasaskan pertanian dari segi bahan-bahan mentahnya.

Usaha oleh Jabatan Perkhidmatan Haiwan dan Lembaga Kemajuan Ternakan Negara atau MAJUTERNAK adalah menuju bagi menambahkan pengeluaran binatang-binatang ternakan. Dalam tahun yang lalu serangan-serangan penyakit seperti penyakit mulut dan kuku, demam babi telah memberi kesan ternakan kepada lembu dan babi. Rundingan-rundingan akan dijalankan dengan tujuan mengimport binatang-binatang ternakan dari negara-negara jiran untuk di biakkan di negara ini. Rancangan mengemukakan lembu-lembu sembelih akan juga dijalankan supaya bekalan daging mencukupi kehendak negara ini.

Lembaga Pemasaran Pertanian Persekutuan akan menjalankan beberapa

rancangan kawalan dan memperbaiki pasaran dalam tahun 1974. FAMA akan memasuki perniagaan berjual-beli sendiri untuk menambah ruang pasaran bagi hasil-hasil pertanian di luarbandar. FAMA juga akan menubuhkan kompleks memproses kelapa dan pejabat-pejabat di seluruh Negeri untuk menyenangkan peladang-peladang membuat pertanyaan mengenai harga dan ruang pasaran bagi hasil-hasil perusahaan pertaniannya.

Jabatan Mergastua akan menjalankan rancangan untuk memelihara rusa dan menjinakkan gajah. Kerajaan India telah dihubungi untuk menghantar pakar-pakar bagi membantu Jabatan ini dalam rancangan menjinakkan gajah yang telah dijayakan di negeri tersebut. Gajah-gajah liar akan ditangkap dan dijinakkan sebelum dilepaskan di kawasan-kawasan hutan yang ditentukan supaya mereka tidak lagi menjelajah dan merusakkan tanaman-tanaman.

Tuan Pengerusi, menyambung lagi jawapan yang patut diberikan oleh Kementerian ini terhadap beberapa soalan yang dibangkitkan oleh Ahli-ahli Yang Berhormat, yang pertama Ahli dari Batu. Beliau telah membangkitkan masaalah sumber-sumber perikanan di Sabah dan di Sarawak telah tidak dieksploitasikan dengan sepenuhnya dan ikan di sana mati kerana tua.

Sumber-sumber menangkap udang di perairan Sabah dan Sarawak telahpun dikerjakan dengan menggunakan peralatan-peralatan biasa dan modern. Walau bagaimanapun untuk mengerjakan dengan sepenuhnya sumber-sumber ikan di sana Kerajaan telahpun mengambil beberapa langkah bagi mempercepatkan perkembangan perusahaan perikanan di kedua-dua Negeri tersebut.

Berikut adalah di antara projek-projek dilaksanakan:

- (a) Kerajaan telahpun memulakan pengkajian-pengkajian sumber untuk menentukan kedudukan dan pembahagian sumber-sumber ikan di sana.
- (b) Kerajaan juga telah memulakan rancangan pembinaan kemudahan-kemudahan infrastruktur yang terdiri dari jeti-jeti dan tempat-tempat pendaratan ikan, kompleks, pemasaran ikan di Kuching, kilang air batu di Miri, bekalan lampu-lampu pelayaran dan lain-lain juga.

- (c) Penubuhan Persatuan-persatuan Nelayan sedang diusahakan supaya nelayan-nelayan dapat menjalankan aktiviti-aktiviti pemasaran pembekalan-pembekalan dan lain-lain aktiviti-aktiviti ekonomi melalui suatu penubuhan yang efektif.
- (d) Rancangan-rancangan bantuan latihan dan perkembangan juga sedang dilaksanakan oleh Kerajaan; dan
- (e) Pihak MAJUIKAN akan melanjutkan perusahaannya ke Sarawak mulai tahun 1974 dengan mengadakan rancangan pukut tunda iaitu 20 buah bot tahun ini dan 20 buah lagi tahun hadapan. Juga MAJUIKAN akan mengadakan rancangan pemasaran dan peraturan-peraturan bagi pemasaran di Kuching.

Ahli Yang Berhormat itu juga telah menyebutkan ataupun menimbulkan pertanyaan, adakah Kementerian Pertanian dan Perikanan akan menubuhkan sebuah Sekolah Perikanan di Semenanjung Malaysia atau di Sarawak dan di Sabah. Sekolah yang dimaksudkan itu bukan untuk melatih nelayan tetapi sebagai Pusat Penyelidikan supaya pada suatu masa kelak akan terkenal seperti R.R.I. ataupun MARDI.

Mengenai penubuhan sekolah atau Pusat Penyelidikan di Malaysia untuk menggalakkan penyelidikan dan memberikan latihan tinggi, setakat ini sudahpun tertubuh suatu pusat iaitu F.R.I. (Fishery Research Institute—Institusi Penyelidikan Perikanan) di Pulau Pinang yang boleh dikatakan sama juga tugasnya seperti R.R.I. atau MARDI tetapi ditumpukan terhadap penyelidikan dan pengkajian-pengkajian dalam bidang perikanan laut. Adalah menjadi harapan Kementerian ini supaya pusat tersebut akan menjadi terkenal seperti R.R.I. di masa yang akan datang. Kerajaan juga sedang mengkaji kemungkinan mengadakan Pusat-pusat Kajian Tinggi seperti di Peringkat Universiti bagi mempelajari dan melatih dalam soal-soal perikanan.

Satu soalan yang dibangkitkan oleh Ahli yang sama iaitu mengenai harga ikan yang telah meningkat tinggi pada hari ini. Jawapan di atas soalan itu adalah seperti berikut:

Harga-harga runcit ikan telahpun baharu-baharu ini meningkat berikutan dengan

kenaikan harga-harga barang-barang makanan yang lain. Harga-harga ikan di tempat-tempat pendaratan, iaitu harga yang dibayar kepada nelayan telah juga naik, sungguhpun kenaikan ini tidak begitu besar. Berikut ialah petikan harga-harga ikan di tempat-tempat pendaratan pada bulan September/Oktober, 1973 berbanding dengan harga-harga pada waktu yang sama dalam tahun 1972.

	1972	1973
Kembung ...	28-55 sen	28-60 sen
Ikan Merah ...	29-85 sen	45-85 sen
Tenggiri ...	85-\$1.50	\$1.00-\$1.80
Udang Kasar	\$2.40-\$4.20	\$3.80-\$4.80

Namun demikian Kerajaan sangat-sangatlah sedar tentang kedudukan pasaran ikan yang tidak memuaskan itu dan telahpun mengambil tindakan-tindakan sesuai bagi membaiki keadaan tersebut. Ini adalah dilakukan dengan mengadakan rancangan-rancangan pemasaran serta peraturan pemasaran di merata-rata tempat pendaratan ikan oleh MAJUIKAN yang akan menjamin harga-harga yang lebih baik kepada nelayan.

Ahli Yang Berhormat dari Kuala Selangor meminta Kerajaan menambahkan pengeluaran padi dan beras. Dasar pengeluaran padi telah dipinda daripada pengeluaran yang ada sekarang untuk mencukupi keperluan sepenuhnya. Pada masa ini pengeluaran padi Malaysia hanya lebih kurang 90% sahaja dan Dasar Baharu Kerajaan hendak menyediakan makanan sekurang-kurangnya cukup 100% bagi negara kita. Siasatan sedang dibuat untuk menentukan tanah-tanah yang sesuai bagi tanaman padi dan kemudahan taliair dan parit yang perlu. Suka saya sebutkan di sini bahawa Lembaga Pertubuhan Peladang telahpun ditugaskan untuk membuka sekeping tanah seluas 20,000 ekar di Trans-Perak untuk tanaman padi dan di tempat-tempat lain juga kawasan tanaman padi akan diperluaskan jika didapati sesuai.

Ahli Yang Berhormat dari Mukah memimbulkan perkara sungai-sungai selalu banjir dan merosakkan tanaman. Langkah-langkah sedang diambil untuk mengurangkan kesan banjir ke atas tanaman daripada satu masa ke satu masa.

Ahli Yang Berhormat dari Dungun memohon tindakan bagi mengatasi ke-

rosakan dari banjir dan penyakit serta serangan musuh ke atas tanaman. Perkara-perkara ini adalah sentiasa dalam perhatian Jabatan Parit dan Taliair dan Jabatan Pertanian.

Beliau juga menyebutkan tentang kurangnya perhubungan di antara Jabatan Kajian Teknik Makanan dengan Badan-badan Pembangunan Ekonomi Negara. Yang sebenarnya, Lapuran Siasatan Kajian Teknik Makanan telahpun diedarkan kepada semua SEDC dan adalah diharapkan badan-badan berkanun tersebut akan mencontohi usaha yang telah diambil oleh SEDC Negri Sembilan dan FIMA yang telah mengusahakan tanaman jenis buah-buahan untuk diproses mengikut nasihat ataupun lapuran yang dikeluarkan oleh pihak MARDI.

Ahli Yang Berhormat dari Larut Selatan meminta perhatian bagi pengeluaran bahan kimia sendiri untuk racun rumput-rampai, racun serangga dan racun-racun musuh yang direka untuk kegunaan di negeri ini sendiri. Perhatian akan diberikan kepada fikiran yang dikeluarkan oleh beliau, tetapi eloklah juga disebutkan di sini bahawa bahan kimia kebanyakannya diimport seperti juga yang digunakan oleh Syarikat Kimia yang menjual racun-racun serangga, racun-racun musuh dan rumput-rampai itu. Beliau juga meminta supaya dikaji semula dasar membawa masuk pokok-pokok dan benih-benih tanaman daripada luar negeri.

Tuan Pengerusi, sekatan yang dikenakan bagi import buah-buahan tanaman dan tanah ialah untuk tanaman-tanaman di negeri ini yang mungkin diserang penyakit, yang dibawa masuk melalui import bahan-bahan tanaman tersebut yang boleh membahayakan tanaman-tanaman di negara kita ini. Walau bagaimanapun perkara ini sentiasa dalam kajian Kementerian daripada satu masa ke satu masa dan jika didapati bahan-bahan yang dibawa masuk itu tidak mendatangkan bahaya kepada negeri ini, maka kebenaran akan diberikan supaya bertambah lagi banyak pengeluaran barang-barang makanan di negara kita pada masa yang akan datang.

Beliau juga telah menegur tentang penyakit pemeliharaan kambing dan lembu-lembu juga berkurangan bahan ragutan ataupun rumput. Kajian mengenainya masih

lagi berjalan. Pengeluaran baka tentulah mengambil masa dan bergantung kepada adanya ibu dan binatang jantan yang banyak.

Ahli Yang Berhormat dari Dungun menyatakan dukacitanya penangkap-penangkap ikan yang menggunakan bubu menghadapi kesulitan mendapatkan ikan. Peraturan-peraturan telahpun dibuat dengan Tentera Laut Di Raja Malaysia untuk mengadakan rondaan-rondaan di kawasan-kawasan bubu untuk melindungi mereka daripada berlakunya ancaman-ancaman daripada satu masa ke satu masa, tetapi oleh kerana lautan kita sangat luas dan tentulah tidak dapat semua pekerjaan-pekerjaan itu dapat perlindungan daripada Tentera Laut Di Raja Malaysia kita.

Beliau juga menimbulkan pengambilan nelayan-nelayan dari Pantai Barat ke Pantai Timur, ke Kuantan umpamanya tidak memuaskan. Jawapan atas soalan itu bahawa membawa nelayan dari Pantai Barat ke Pantai Timur hanya diadakan untuk sesuatu sebab yang tertentu sahaja, umpamanya untuk menjalankan suatu Rancangan Pukat Tunda Perintis di Kuantan dan melatih nelayan-nelayan tempatan dan Kerajaan tidaklah menahan nelayan-nelayan daripada Pantai Barat yang ingin hendak berpindah ke Pantai Timur dan jika didapati boleh memberi faedah Kerajaan akan sedia memberi pertimbangan bagi menolong mereka itu.

Ahli Yang Berhormat dari Ipoh minta perikanan air tawar dimajukan. Anak-anak ikan selalu dilepaskan di tasek-tasek dan di kolam-kolam lombong yang tinggal. Ini untuk mengembangkan lagi, membanyakkan lagi ikan-ikan air tawar di negeri kita ini.

Ahli Yang Berhormat dari Muar Utara meminta perhatian untuk memberi bantuan kepada petani di atas tanaman mereka yang telah dimusnahkan oleh binatang gajah liar ataupun oleh banjir. Jabatan Mergastua akan memberi bantuan bagi memusnahkan binatang-binatang yang merbahaya itu mengikut keupayaannya.

Beliau juga menegur Rancangan Perumahan Beradas yang tidak diterima oleh penduduk-penduduk negeri ini. Oleh kerana kekurangan ibu dan binatang jantan Rancangan Perumahan Beradas dijalankan juga untuk mengatasi kesulitan-kesulitan itu.

Impot binatang ternakan dari negeri-negeri jiran pun akan dijalankan juga jika difikirkan perlu.

Ahli Yang Berhormat dari Tumpat minta memperbaiki rancangan perairan di Lemal dan di beberapa tempat yang disebutkannya dan kemasukan air masin di kawasan seluas 10,000 ekar ke dalam tanah bendang. Usaha sedang dijalankan untuk memperbaiki pam yang rosak oleh pembekalnya. Kawasan-kawasan yang dimasuki oleh air masin di Kelantan itu terletak berhampiran dengan pantai dan adalah rendah dari permukaan laut. Perbelanjaan yang besar adalah diperlukan untuk memperbaiki kawasan tersebut. Walau bagaimanapun kegunaan tanah itu untuk tanaman padi tidak lagi sesuai bahkan Kementerian ini sedang menjalankan penyiasatan bagi menimbangankan untuk tanaman yang lain selain daripada padi.

Tuan Pengerusi, bagi pihak Kementerian Pertanian, saya suka mengucapkan terima kasih kepada semua Ahli-ahli Yang Berhormat yang telah menyokong, yang memberikan teguran dan soal-soal yang ditimbulkan oleh Ahli-ahli Yang Berhormat yang lain yang tidak dapat saya berikan jawapan di sini adalah diambil perhatian dan mana-mana yang dapat dijalankan, difikirkan baik akan dijalankan.

Masalah dikemuka bagi diputuskan, dan disetujui.

Wang sebanyak \$49,865,900 untuk Kepala B. 14 diperintahkan jadi sebahagian daripada Jadual; dan wang sebanyak \$127,577,005 untuk Kepala P. 14 disetujui jadi sebahagian daripada Anggaran Pembangunan, 1974.

6.11 ptg.

Kepala B. 15 dan P. 15—

Timbalan Menteri Perusahaan Utama (Tuan Haji Yusof bin Haji Abdullah): Tuan Pengerusi, saya mohon izin mencadangkan supaya anggaran belanja mengurus bagi Kementerian saya untuk tahun 1974 yang berjumlah \$10,891,286 di bawah Kepala Bekalan B. 15 dijadikan sebagai sebahagian jadual Rang Undang-undang Perbekalan 1974 dan belanja pembangunan berjumlah \$74,437,174 di bawah Kepala P. 15 diluluskan. Bagi belanja mengurus,

peruntukan berjumlah \$10,891,286 adalah dipecahkan mengikut kegiatan-kegiatan berikut:

(i) Pentadbiran Am terbahagi di bawah:	
(a) Pentadbiran dan Kewangan ...	\$ 594,000
(b) Eksepot Barang-barang Utama ...	993,000
(c) Bahagian Petroliaam ...	82,750
(d) Bahagian Penyelidikan, Taksiran Pasaran dan Perancangan ...	127,890
(e) Pentadbiran Rancangan Menanam Getah Semula ...	166,431
(ii) Perhutanan ...	3,857,795
(iii) Galian ...	2,249,800
(iv) Penyiasatan Kajibumi ...	2,819,200
	<hr/>
	\$10,891,286

Bagi peruntukan Pembangunan pula, bekalan yang dipohonkan ini adalah dimaksudkan bagi membiayai rancangan-rancangan dan perkhidmatan-perkhidmatan berikut:

(i) Rancangan-rancangan Tanam Semula Getah (Di bawah RISDA) ...	\$41,600,000
(ii) Perbadanan Kemajuan Getah Malaysia Berhad (M.R.D.C.) ...	17,000,000
(iii) Rancangan Penanaman Nenas ...	1,582,053
(iv) Syarikat Perusahaan Makanan Sdn. Bhd. (FIMA)	4,178,050
(v) Lembaga Tembakau Negara ...	243,304
(vi) Penanaman Getah Sarawak ...	4,685,043
(vii) Penanaman Getah Sabah	2,000,000
(viii) Perhutanan ...	3,022,600
(ix) Penyiasatan Kajibumi ...	126,124
	<hr/>
	\$74,437,174

Sebagaimana Ahli-ahli Yang Berhormat sedia maklum, tujuan utama Kementerian Perusahaan Utama ini ialah untuk menentukan dan melaksanakan seluruhnya dasar-

dasar Kerajaan dengan cekap mengenai pengeluaran, penggunaan, pengilangan dan pemasaran bahan-bahan utama yang "export oriented" (seperti getah, bijih timah, kayu-kayan, kelapa sawit, lada hitam, nenas dan sebagainya) sejajar dengan tujuan Dasar Ekonomi Baru untuk menyusun semula masyarakat Malaysia sekarang. Kementerian ini juga menggubalkan dasar-dasar untuk mengawal dan memberi galakan terhadap kemajuan-kemajuan yang melibatkan bahan-bahan utama itu samada dalam negeri ataupun dalam perdagangan dan tindakan antarabangsa. Ianya juga bertanggungjawab atas penyertaan Kerajaan secara cergas dalam pengeluaran hydrocarbon, minyak dan gas. Pendek kata dalam melaksanakan dasar-dasar Kerajaan seluruhnya, Kementerian ini mengatasi segala masaalah yang timbul dengan cara "integrated approach" yang memerlukan perampingan dan penyelarasan yang erat di antara Ibu Pejabat Kementerian dan Jabatan-jabatan dan Pertubuhan-pertubuhan yang di bawah kawalannya. Sukacita saya memaklumkan bahawa segala kemajuan yang telah dicapai sejak tertubuhnya Kementerian ini dalam tahun 1972 cukup memuaskan.

Tuan Pengerusi, sebagai yang dapat diperhatikan, jumlah \$10.9 juta bekalan belanja mengurus bagi tahun 1974 adalah jauh berkurangan dari peruntukan 1973 yang berjumlah \$26.5 juta. Perbezaan besar ini adalah disebabkan oleh pemindahan Jabatan Ukur, Pejabat Ketua Pengarah Tanah dan Galian Persekutuan, dan Pejabat Hak Milik yang dahulunya di bawah Kementerian ini, tetapi sejak tahun 1973 dipindahkan ke Kementerian Kemajuan Tanah. Walau bagaimanapun dari jumlah \$10.9 juta bekalan belanja mengurus bagi tahun 1974, lebih kurang 71% adalah dimaksudkan bagi membayar gaji dan upah pegawai dan kakitangan. Ini adalah berlebihan dengan peruntukan bagi tahun 1973 bagi Jabatan-jabatan yang sama. Kelebihan ini adalah menasabah kerana aktiviti-aktiviti Kementerian ini dan Jabatan-jabatan di bawah kawalannya telahpun bertambah untuk mempercepatkan matlamat Rancangan Malaysia Kedua dan Dasar Ekonomi Baru. Dengan itu maka keperluan kakitangan juga bertambah lagi.

Dari bakinya, \$2 juta atau 19% adalah bagi perkhidmatan dan bekalan iaitu perbelanjaan pejabat yang biasa yang berselerak

di serata negara. Pembelian harta modal adalah berjumlah \$594,030 sahaja atau 5.6% dan bakinya sebanyak \$444,220 atau 4.3% adalah bagi pemberian dan bayaran tetap.

Satu bahagian di bawah Kementerian saya yang akan bertambah penting peranannya dalam tahun-tahun akan datang ialah bahagian Petroliam. Ini disebabkan perjumpaan sumber-sumber minyak dan gas lebih awal daripada yang dijangka dan juga usaha-usaha seterusnya bagi melaksanakan dasar "Production Sharing Contract". Penggubalan Rang Undang-undang untuk maksud ini sedang giat dijalankan. Berasaskan pada permohonan-permohonan dari syarikat-syarikat asing yang bertambah bagi mencarigali sumber-sumber bahan penting ini, kerja-kerja "follow-up" perlu dijalankan dengan lebih giat lagi. Perundingan dengan Kerajaan Perancis sedang dijalankan untuk memulau "Basing Study" atau penyelidikan sumber minyak negara. Juga dalam tahun hadapan langkah-langkah permulaan akan diambil ke arah penubuhan Perbadanan Petroliam Negara.

Jabatan Galian pula dalam tahun 1974 akan memperhebatkan kerja-kerja mencarigali yang kini dijalankan oleh Yunit Pengorek dan Penyiasatan Logam (MIDU). Selain daripada menjalankan tugas-tugasnya bagi menguatkuasakan undang-undang mengenai perlombongan di negara ini, Jabatan ini telah bertambah tugasnya untuk mengawasi dan menentukan perkembangan-perkembangan yang sihat dalam perusahaan penting ini, terutamanya dalam soal penyertaan bumiputra dalam perlombongan. Dalam hubungan ini, kegiatan-kegiatan di bawah bahagian penyelidikan di Ipoh akan ditambah bagi membolehkannya memainkan peranan yang lebih berkesan bagi membantu dan mempercepat penyertaan bumiputra dalam perusahaan ini.

MIDU telah ditugaskan bukan sahaja untuk menjalankan kerja-kerja mencarigali-mencarigali galian kasar tetapi juga ia akan membuat carigali halus dan juga menilai isi logam dalam kawasan-kawasan yang terlibat (colser prospecting and assessment of ore reserves). Untuk melanjutkan kerja menaksirkan nilai sumber logam yang kita jumpai dari carigali kita dari masa ke semasa, usaha sedang dibuat untuk menubuh Bahagian Ekonomi Logam, yang mungkin

juga menjalankan penyelarasan di antara Jabatan Galian dan Jabatan Kajibumi. Saya harap ini akan memperkuatkan strategi kita untuk menjalankan "integrated mineral resources policy" dalam tahun 1974.

Dalam bidang Pembangunan pula, seperti Ahli-ahli Yang Berhormat sedia maklum, Kementerian saya bertanggungjawab dalam peringkat-peringkat penyelidikan, pengeluaran, memproses dan pemasaran barang-barang utama negeri ini. Selaras dengan objektif Kementerian ini bagi mempercekapkan pengeluaran dan penggunaan bahan-bahan utama tadi, Kementerian saya menjalankan beberapa rancangan Pembangunan yang memberi keutamaan untuk mempertinggikan taraf hidup rakyat terutamanya yang di luar bandar.

Pertama sekali ialah Rancangan Tanam Semula Getah yang dikelolakan oleh RISDA. Pada keseluruhannya ada 3 Rancangan Tanam Semula Getah yang dianggarkan akan menelan belanja sebanyak \$41.6 juta. Peruntukan bagi rancangan-rancangan itu di bawah Pecahan-kepala 1 adalah seperti berikut:

(i) Rancangan No. 1	...	\$ 1,000,000
(ii) Rancangan No. 2	...	2,600,000
(iii) Rancangan No. 3	...	38,000,000
		<hr/>
		\$41,600,000
		<hr/>

Mengenai Rancangan No. 1, satu juta ringgit dikehendaki bagi menjelaskan baki pembayaran bantuan kepada projek-projek yang masih layak menerimanya, iaitu lanjutan projek-projek tanam semula yang telah dimulau pada tahun 1955. Rancangan No. 2 memerlukan sebanyak \$2.4 juta bagi meneruskan pembayaran bantuan yang belum dijelaskan.

Rancangan Tanam Semula No. 3 diberi peruntukan sebanyak \$38 juta dalam tahun 1974. Ini ialah untuk menambahkan aktiviti-aktiviti yang dijalankan di bawah Rancangan No. 2 dan juga untuk keperluan-keperluan tanam semula dan tanam baru yang akan dijalankan dalam tahun 1974 di bawah kelolaan RISDA sebagai Rancangan No. 5 nya untuk pekebun-pekebun kecil yang dijangka meliputi 147,000 ekar.

Seperti Ahli-ahli Yang Berhormat sedia maklum, RISDA telah ditubuhkan awal

tahun ini dengan objektif menyelaraskan dan melaksanakan semua usaha-usaha Pembangunan dalam sektor pekebun-pekebun kecil getah samada dalam usaha menanam semula ataupun membawa pembaharuan dalam teknik pengeluaran dan juga penyampaian kemajuan sains dan teknologi getah. Segala kemajuan serta pendapat-pendapat baru yang dihasilkan dari usaha-usaha penyelidikan terutamanya di Pusat Penyelidikan Getah akan dapat dipadankan kepada perusahaan pekebun-pekebun kecil dengan lebih cepat dan berkesan. Dalam soal ini, RISDA akan memperhibat usaha-usaha seranta melalui rancangan modenisasinya. (Dari jumlah ini, adalah dijangka antara 50,000-60,000 ekar meliputi tanaman baru yang termasuk juga tanaman berkelompok).

Tuan Pengerusi, selain daripada peranan yang dijalankan oleh RISDA, Kerajaan juga telah menubuhkan Perbadanan Kemajuan Getah Malaysia (M.R.D.C.) bagi mengatasi masalah memproses dan memasarkan hasil pekebun-pekebun kecil. Getah susu mereka hendaklah diproses dengan cara baru mengikut rancangan S.M.R. dan pihak M.R.D.C. akan memasarkan hasil ini dengan harga yang lebih baik. Langkah seperti ini ialah untuk menentukan yang pekebun-pekebun kecil tidak akan tercicir dalam apa-apa kemajuan yang telah dicapai oleh perusahaan penting ini, samada dari segi pengeluaran yang lebih bertambah dan bermutu ataupun dari segi penghasilan yang lebih lumayan, sesuai dengan dasar Kerajaan untuk mempertingkatkan taraf hidup rakyat terutamanya di kawasan luar bandar. Di samping itu dengan adanya kilang-kilang M.R.D.C., Kerajaan dapat membawa kemajuan perindustrian di kawasan luar bandar dan juga membuka peluang pekerjaan di kawasan-kawasan tersebut.

Tuan Pengerusi, bagi tahun 1974, M.R.D.C. dijangka akan mendirikan 7 buah lagi kilang getah crumb di Prai, Pahang, Kedah dan Johor. M.R.D.C. akan juga melabur dalam tiga perusahaan secara usaha-bersama bagi mengilang hasil-hasil yang akan menggunakan getah sebagai bahan mentahnya (rubber-based industries). Dua daripada usaha bersama ini akan mengekspotkan pengeluarannya sementara yang satu lagi itu ialah bagi memproses getah "crumb". Bagi semua kegiatan-kegiatan tersebut, M.R.D.C. telah diperuntukkan di bawah Pecahan-kepala 2 sebanyak \$17 juta dalam tahun hadapan iaitu \$10 juta berupa pinjaman dan bakinya sebanyak \$7 juta itu ialah secara saham atau pelaburan daripada Kerajaan.

Berhubung dengan perusahaan getah di Sarawak dan Sabah, penanaman semula juga ada dijalankan. Di Sarawak ini dikelolakan di bawah Rancangan A dan Rancangan B. Di bawah Rancangan A bantuan wang, benih dan baja adalah diberi bagi penanaman semula dan penanaman baru. Rancangan B pula, adalah berupa rancangan kemajuan tanah membuka kawasan-kawasan baru yang bertujuan mempertingkatkan taraf hidup rakyat di luar bandar. Di bawah Pecahan-kepala 11, kedua-dua rancangan ini diberi peruntukan sebanyak \$4,685,043 dalam tahun 1974.

Tuan Pengerusi: Masa sudah cukup. Yang Berhormat boleh sambung esok.

Majlis Mesyuarat bersidang semula.

Tuan (Timbalan) Yang di-Pertua: Mesyuarat ditangguhkan sehingga pukul 2.30 petang esok.

Dewan ditangguhkan pada pukul 6.30 petang.